

WAN . . . OK



Namba 1709
Wan Wik, Epril 26 - Me 2, 2007

Niuspepa Bilong Yumi Ol PNG stret!

K1 tasol
long olgeta hap.

Ol stilman i smat tumas...

...ICAC i ken holim ol - TIPNG

William Natera i raitim

TRANSPARENSI Intanesenel Papua Niugini (TI PNG) i sapatim yet kirapim bilong wanpela Indipenden Komisn Agensim Korapsen (ICAC).

Dispela toktok i kam long Siaman bilong TI PNG, Michael Manning husat i tok ol raskol na ol bos bilong ol i wok long smat moa nau long ol wok painim bilong polis na frod skwad, olsem na i gat bikpela nid long samting olsem ICAC.

Las wik Fonde long Mosbi, Wantok Niuspepa i bin stap insait long wanpela bung Nesenel Rises Institut (NRI) i kamapim long givim sans long ol politikel pati long tokaut long ol polisi bilong ol.

Pati husat i bin tokaut long polisi bilong em las wik Fonde em Pipels Fridom Pati (People's Freedom Party o PFP) na wanpela bilong ol dispela polisi em long kirapim wanpela ICAC o sapatim wanem ogenaisesen i laik kirapim.

Wantok Niuspepa i askim Mista Manning long tingting bilong em long

dispela polisi bilong PFP bikos TI PNG wantaim Komyuniti Koalisen Agensim Korapsen (Community Coalition Against Corruption o CCAC) i bin ol namba wan lain long traime long kirapim dispela Komisn.

Wantok Niuspepa i askim Mista Manning sapos PNG i mas i gat wanpela ICAC long PNG bikos namba wan taim TI PNG na CCAC i bin traime long kirapim, Spika bilong Nesenel Palamen long dispela taim Bernard Narakobi, i bin agensim.

Mista Narakobi i bin tok i nogat nid long wanpela ICAC bikos ol institusen long wok agensim korapsen i stap pinis, olsem Polis Frod Skwad, Ombudsman Komisn (OC), Pablik Akauns Komiti.

Em i tok i moabeta long yusim mani bilong kamapim wanpela nupela opis olsem ICAC bilong strongim ol pelapa opis i stap pinis.

Mista Manning i bekim olsem em i bilip bilong TI PNG na CCAC olsem ol raskol stret na ol bos bilong ol i smat tumas long Polis Frod Skwad o OC.

Moa long pes 2



KLINIM MAMA GRAUN: Gavana Jeneral Gren Sief Sir Paulias Matane i bin bung wantaim pablik, ol bisnis na ol komyuniti grup long klinim bikpela nambis long Mosbi, Ela Bis. Dispela hap wok i bin kamap long bikmoning long Sande dispela wik bilong makim World Earth Day (Wol Et De) em i bikpela de bilong tingim mama graun bilong yumi.

Poto: Nicky Bernard

**Saiim Tokpilal
bilong yu i
kam long:
Kanage Tokpilal**



PNG Jenerel Ileksen 2007

**YU GAT...
64**

De i stap bipo
yu vot!

YU REDI PINIS?



Promotim Seif na Strongpela Sosaiti bilong yumi olgeta!



OX & PALM
Since 1936

Em i liklik prais tu!!

I stap klostu long stua bilong yu...

Rait abus!

Ol stilman i smat tumas

I gat inap lo opis i stap pinis - Ombudsman Masi

I kam long pes 1.

EM i tok ICAC bai gat pawa long mekim wok painimaut na givim ol long han bilong kot.

Nau yet ol opis olsem Polis Frod Skwad na OC i ken mekim wok painimaut tasol. Wok bilong prosekyut em wok bilong Opis bilong Pablik Prosekyuta.

Mista Manning i tok wanpela samting i gutpela long ICAC em olsem: "Sapos mi raun long wanpela nupela kar i stail tru, ol opisa bilong ICAC inap askim mi we mi bin kisim mani long baim dispela kar, na sapos ol i no amas long bekim bilong

mi, ol i ken kirapim wok painimaut long painim aut moa."

"Dispela kain wok bilong strongim lo na oda em long Tok Inglis ol i save tok rivesim ones bilong pruf (reverse the onus of proof). Nau yet Polis i wok olsem - sapos ol i ting yu rong ol i mas painim evidens o pruf na soim long kot olsem yu rong. Tasol ICAC i ken rivesim ones bilong pruf o tanim dispela we sapos ol i ting yu rong, olgeta pruf o evidens - olsem nupela kar i stail moa - i tok olsem yu rong pinis, na yu mas soim olsem yu i no rong." Mista Manning i tok.

Em i tok planti pipel i bin ting baset bilong kirapim na ronim ICAC long 1997 sabmisen we TI PNG na CCAC i givim long nesanel palamen long askim ol long kirapim dispela Komisn, i bin antap tumas, na ol i mas lukluk long kamapim nupela baset we i no antap tumas long givim long dispela nupela Palamen.


Wantok Niuspepa i no bin inap long kisim mani mak stret bilong baset bilong kirapim na ronim ICAC long dispela 1997 sabmisen biong TI PNG na CCAC bipo long mipela prinin niuspepa long dispela wik.

William Natera i raitim

"SAPOS ol wan wan institusen bilong strongim gutpela lidasip o wok gavanens na daunim korapsen long Papua Niugini (PNG) i mekim gut wok bilong ol, bai i nogat nid long kirapim wanpela Indipenden Komisn Agensim Korapsen (ICAC)," Ombudsman Komisina Peter Masi i tok.

Ombudsman Masi i givim dispela tingting bilong em taim em i toktok wantaim Wantok Niuspepa aste na em i tok em i tingting bilong em yet, i no tingting bilong Ombudsman Komisn.

Em i tok i gat inap lo pinis long PNG long daunim o stopim korapsen na inap opis bilong karimaut ol dispela lo, olsem Pablik Sevis Komisn, Pablik Akauns Komiti (PAC), Polis Frod Skwad, Odita Jenerel, na



GIVIM TINGTING: Ombudsman Masi. FAIL FOTO

Ombudsman Komisn.

Em i tok ating i moabeta mani bilong kirapim wanpela ICAC i go long strongim ol kain institusen i stap pinis.

Long ol yia go pinis planti lain i

wok long singaut long kirapim wanpela ICAC, olsem Transparensi Intanesenel PNG

"Ating i moabeta mani bilong kirapim wanpela ICAC i go long strongim ol kain institusen i stap pinis."

(TI PNG), na Komyuniti Koalisen Agensim Korapsen (CCAC).

I no long taim i go pinis PAC tu i bin singaut long kirapim wanpela ICAC bikos ol bilip hevi bilong korapsen i bikpela tumas.

Ombudsman Masi i tok tingting bilong kamapim ICAC i no nupela tingting na em i stap long han bilong gavman nau long kirapim.

PAC laikim gavman i lukluk gen long ICAC

Paul Zuvani i raitim

BIHAINIM ol hevi i wok long kamap long kantri bilong yumi Parliamantari Pablik Akauns Komiti long laspela sindaun bilong kibung bilong em long las wik Tunde i mekim 4-pela askim long gavman na ol pipel long mekim kantri i ron gut gen.

Dispela Komiti we siaman na Rijinel Mema bilong Otonomes Rijen bilong Bogenvil Leo Hannett i go pas long em i mekim ol askim bihainim wok painim aut bilong Komiti long las 5-pela yia bilong stap bilong dispela namba 7 Nesanel Palamen.

Dispela 4-pela askim we Komiti i kamap wantaim em long askim gavman na ol pipel long ol i mas ritim dispela ripot bilong ol long ol hevi na asua i kamap long ol opis bilong gavman.

Dispela em long kiam tingting bilong ol long ronim opis bilong gavman gut.

Namba wan askim em long gavman i mas mekim strongpela tingting long kamapim Indipenden Komisn Agensim Korapsen Bil long stopim na daunim pasin na wok bilong korapsen long ol opis bilong gavman.

Dispela Hannett i tok Komiti bilong em bai tokaut long ripot bilong Inkwaeri i go

insait long Sepik Haiwe Tras Fan na Swamp Gos long dispela sindaun bilong Palamen.

Em i bilip olsem gavman bai tok orait tu long Komiti i tokaut long ol wok painimaut i go insait long ol Dipatmen bilong Nesanel Plening na Monitaing, Opis bilong Rurel Developmen, Prokumen Prosjia, Palamentari Sevises na Kakao Bod.

Na Ripot bilong Sentral Siti, Sauten Hailans Provinsel Gavman na Dipatmen bilong Fainens em Komiti bai tingting long tokaut long narapela kibung bilong em, Hannett i tok.

"Oltaim yumi mekim gutpela pasin long ol arapela."

Nau mi laik pinisim dispela tok olsem, yupela olgeta i mas stap wanbel na sori long olgeta man. Yupela i mas laikim tru ol arapela manmeri bilong God na mari mari long ol na lusim pasin bilong bikhet. Sapos ol man i mekim nogut long yupela, orait yupela i noken bekim tok nogut bilong ol. Nogat. Yupela i mas bekim long dispela pasin. Yupela i mas beten long God i ken mekim gut long ol. God i bin singautim yupela long mekim olsem, bai yupela yet i ken kisim blesing bilong en.

1 Pita 3: 8-9

TOK SORI

Mipela olgeta wokmanmeri na Manesmen bilong Word Publishing Company Ltd i salim bikpela tok sori i go long June wantaim ol pikinini Alfred, Aldo, Elizabeth, Naomi, Evan Jr na wanfamili long lusim man, papa na pikinini bilong ol;

Leit EVAN IEWAGO
husat i dai long namba 15 de bilong mun Epril, 2007.

Leit Evans em i wanpela tenent bilong mipela na mipela bai i misim ol gutpela pasin bilong em.

Mipela i tingim em long ol preas bilong mipela.

TOK SORI

Menesmen na olgeta wokmanmeri bilong Wantok Niuspepa i laik salim tok sore bilong ol i go long John Bodger (Papa), Jerry, Shirley, Dianne, Deirdre na Natasha Bodger husat ol i lusim mama bilong ol

Betty Bodger
long Mande Epril 23, 2007.

Natasha i bin mekim wok trening bilong em wantaim Wantok Niuspepa na mipela i tingim em na famili bilong em long dispela taim.
Ol prea bilong mipela i stap wantaim ol.

OC strongim wok bilong em

Andrew Molen i raitim

OMBUDSMAN Komisn (OC) bilong Papua Niugini (PNG) i wok long go het yet long kamapim ol nupela samting long helpim wok bilong ol.

Nau ol i kamapim wanpela nupela sistem we bai helpim ol long lukluk long ol komplek i kam long pablik long wok bilong ol lida insait long kantri.

Long Mande dispela wik OC i sainim wanpela tok orait wantaim LAN Worx Ltd bilong Nu Silan (New Zealand) long putim dispela nupela progrem insait long ol masin bilong ol.

Dispela nupela sistem o progrem ol i kolim "Wasdok Case Management System" bai helpim ol long rekotim olgeta ripot ol i kisim na wok long en na tu bai ol i putim i stap na lukluk long en bihainim taim.

"Mipela i lukim dispela olsem wanpela rot bilong mipela long kisim nupela teknoloji kam insait long wok bilong Komisn," Ombudsman Peter Masi tok.

Ombudsman John Nero husat i makim Komisn long sainim dispela tok orait wantaim Dairekta bilong LAN Worx Simon Dibble i tok dispela bai helpim tru wok bilong komisn.

"Dispela progrem em i nupela na bai wankain olsem dispela ol i yusim long Kanada (Canada), Inglan (England) na arapela hap long wol.



POTO: ANDREW MOLEN

PUTIM MAK: Ombudsman Nero sainim pepa long givim tok orait long wok i go het long statim dispela nupela progrem.

"Em bai helpim tru wok bilong Komisn long lukluk long planti moa ripot na tu stretim ol hariap," Ombudsman Nero i tok.

Mista Dibble i tok dispela progrem ol i mekim bai inapim ol samting bilong PNG yet.

"Em bai nupela na wankain olsem ol arapela long wol ol long ol arapela dipatmen.

"Tasol we em i narakain long ol narapela em wok bilong en bai inap long Ombudsmen Komisn bilong PNG tasol," Mista Dibble i tok.

Ol ausait woklain mas save long Tok Inglis na Tok pisin

Paul Zuvani i raitim

I GAT bikpela mekimsave long husat manmeri o kampani i no bihainim rot na i brukim lo long kisim nating ausait manmeri long wok long kantri.

Na mekimsave bilong dispela manmeri o kampani i ken lukim em i peim K10,000 i go inap long K20,000 sas.

Dispela lo i stap long Emploimen bilong Non-sitisen Bill 2006 em Palamen i pasim long aste taim Minista bilong Leba na Industriel Rilesen na Memba bilong Kundiawa/Gembogl Mathew Siune i bringim long Palamen.

As tingting bilong kamapim dispela Bil em long lukim kantri bilong mipela i gat lo o oda long kisim ausait manmeri long kam wok insait.

Wantaim dispela as tingting em long lukim tu olsem ol ausait manmeri i no mekim ol wok we ol lokel manmeri inap long mekim.

Na long lukim ol lokel manmeri bilong mipela i gat wok long mekim na i no stap nating bikos ol ausait manmeri i kisim wok bilong ol.

Long Seksen 6 bilong Bil we em i tok man o kampani husat i kisim ausait man o meri long wok i mas lukim dispela ausait manmeri i gat tok orait long Dipatmen bilong Leba long wok na olsem taim bilong dispela tok orait i stap yet. Sapos dispela i nogat em i ken lukim dispela man o kampani i peim K10,000 i go inap long K20,000 sas.

Ol kain tok orait bilong wok we ausait manmeri i mas i gat long wok em Jenerel wok pemit, voluntia wok pemit na bridjing

wok pemit.

Wantaim dispela ausait manmeri i wok long kantri i mas save long tok ples bilong mipela (Inglis, Tok Pisin o Motu) bipo long Seketeri bilong Leba Dipatmen i givim tok orait long em long wok.

Long wankain taim we ol ausait manmeri i wok long em ol i mas trenim na lainim ol lokel manmeri long save bilong ol long wok bilong ol.

Long taim Palamen i pasim dispela Bil em i rausim 1978 Emploimen bilong Non-sitisen Ekt.

Kamap bilong dispela Bil i bilong lukim gutpela kamap bilong kantri bilong mipela long sait bilong mani na long givim gutpela wok long ol pipel bilong mipela.

Inap olsem 65 Memba i vot long tok orait long kamap bilong dispela Bil.

Palamen tok orait long Nesanel Developmen Benk

NEM bilong Rurel Developmen Benk nau i sensis na nau bai stap olsem Nesanel Developmen Benk na Palamen i givim moa pawa long wei Benk bai mekim wok bisnis bilong em.

Bil we ol i kolim Nesanel Developmen Benk Bil 2006 em Minista bilong Tresari na Memba bilong Kokopo Sir Rabbie Namaliu i bringim long Palamen we 63 bilong ol 65 Memba husat i stap long Kibung i sapatim long aste.

Bikpela as tingting bilong mekim RDB i go long NDB em long lukim wok politik i no ken go insait long wok bisnis bilong Benk olsem makim bilong opisa na rot bilong kisim mani long Benk.

Kamap bilong dispela benk i bilong:

- BUNGIM ol mani na givim kredit na ol arapela samting i pas long wok bilong mani long ol pipel bilong Papua Niugini;

- LONG karimaut ol wok we i stap insait long dispela Ekt o ol arapela lo na

- LONG karimaut ol saplimentari, insidentel

o konsikuentel pasin o samting long lukim em i kamapim wok bihainim as tingting bilong kamap na stap bilong em.

Dispela Benk i no dipatmen na olsem em i no pablik bodi we bai wok aninit long Pablik Sevises (Menesmen) Ekt 1995 wantaim ol arapela lo i pas long dispela lo em Benk i mas stap aninit long ol.

Long lukim ron bilong Benk em bai gat Bod we i gat Menesing Dairekta, Seketari bilong Tresari o husat manmeri em i makim, man husat em Rurel Indastris Kaunsel i makim, man husat em PNG Institut ov Praktising Akauntens i makim, man husat em PNG Lo Sosaiti i makim, man husat em PNG Kaunsel ov Sembas i makim long em i i gat gutpela rekot bilong mekim bisnis na tupela man husat Gavana Jenerel i makim bihainim askim bilong Nesanel Eksekutyutiv Kaunsel.

- Paul Zuvani i raitim

Tupela de bilong kibung i go lus nating

Paul Zuvani i raitim

TUPELA de bilong kibung bilong Palamen i go lus nating.

De wan Tunde 17 na de 5 Tunde 24, Epril, 2007 em kibung i no kamap long wanem i nogat inap ol Memba i stap lukim kibung i go het.

Long dispela Spika bilong Palamen i surikim kibung i go long ol arapela de.

I nogat kliia tok long wanem as em ol Memba i no kamap tasol i gat ol toktok olsem taim bilong Jenerol Ilekseen i kam klostu na olsem ol Memba i wok long painim mani long go mekim wok kempen na dispela i lukim ol i nogat inap taim long kamap.

Sapos i olsem em i tru ol Memba i painim mani orait ol i mas save olsem i gat ol arapela samting em ol i mas tingim.

Bikpela samting em ol i

mas save olsem dispela i laspela kibung bilong namba 7 Palamen bipo long kantri i go insait long Ilekseen long Julai na olsem ol i mas kamap long olgeta de long toksave long wanem samting ol i mekim long ilektoret bilong ol na long kantri. Long ol i no kamap long ol kibung i mekim planti manmeri i tingting planti.

Long dispela wik Tunde avinun kibung i mas stat gen long tu (2) kilok tasol dispela i no kamap long wanem 16-pela Memba tasol i kamap.

Deputi Spika na Memba bilong Kabum Bob Dadae i surikim kibung i kam long 10 kilok moning long aste.

Ol de bilong kibung bilong Palamen i kisim tupela wik olgeta we i stat long las wik Tunde na bai pinis long tumora Fraide bipo long kantri i go gen long Ilekseen long Julai long makim ol Memba bilong ol.

Kabui laikim wok i mas go het

Veronica Hatutasi i raitim

APIL o singaut i go long Nesanel Gavman go hetim ol wok we leit Bogenvil Administreta, Peter Tsiamalili, i bin statim na i stap olsem bris namel long Otonomes Bogenvil na Nesanel Gavman.

Otonomes Bogenvil Gavman Presiden Joseph Kabui i bin wokim dispela singaut long funerel sevis bilong em long Sen Joseph's Katolik Sios long Mosbi las Fraide.


Em bin tok tu olsem dai bilong em i ken givim sampela gutpela skul long ol pablik sevan long sait bilong mekim wok gut nai no kisim sait mani.

"Mi apil i go ong Nesanel Gavman na plis, husat lain we em (leit Tsiamalili) i bin gat koneksen wantaim bikos long save na ekspiriens bilong em bilong go hetim wok olsem bris namel long PNG na Otonomes gavman. Na yumi ken karim Bogenvil i go fowet. Plis yumi mas skruim wok we leit Tsiamalili i lusim,": Mista Kabui i tok wantaim sori.

Mista Kabui i bin tok em i sori nogut tru long lusim "rait han man" bilong em husat em bin amamas long wok wantaim long Bogenvil Edministresen bipo long hevi taim em (Kabui) i bin Primia long provins a leit Mista Tsiamalili i bin Provinsel Seketeri. Na

nau gen, tupela wantaim i wok olsem ol bos bilong Bogenvil tasol ol wok i gat narapela nem.

"Lida wantaim gif, man bilong wok hat we Bogenvil



SORI MAMA: Praim Minista Sir Michael Somare i toktok long mama bilong leit Tsiamalili long pinis bilong funerel sevis. FOTO: VERONICA HATUTASI

na PNG i laikim yet long wok na givim stia. Em i tanim Bogenvil Pis Agrimen i go long wok i karim kaikai. Na mi bin amamas stret long wok wantaim em olsem "rait han" wokman bilong mi.

"Em i man bilong mekim wok stret wantaim nogat hait pasin o kisim mani long sait. Mi hop olsem dai bilong em bai putim sampela gutpela samting

long ol pablik sevan.

Mi bilip nau taim em i dai, em bai toktok isi long ol long wok gut, noken wokim hait pasin i kisim mani long sait, em i tok.

"Long mi, em bai hat long painim narapela man long kisim ples bilong em, tasol mi lusim long han bilong Papa God," Mista Kabui i tok.

QUALITY TOOL & PATROL BOXES



Weatherproof plastic tool box



BISHOP BROTHERS
everything for industry
www.bishopbros.com.pg

PORT MORESBY | LAE | PORGERA | VANIMO | MT HAGEN | MADANG | KIMBE | RABAU | HONIARA

Leit Tsiamalili soim gutpela piksa

Veronica Hatutasi i raitim

GUTPELA lida, man bilong hatwok husat i bin gat bikpela driman long lukim Bogenvil na pipel bilong em i kamap kisim gutpela sindaun, bel isi pasin na sevis na developmen i kamap long kisim ailan i go fowet em toktok we planti bikman long Nesenel na Bogenvil Otonomes Gavman na ol arapela lida i wokim long leit Bogenvil Administreta, Peter Tsiamalili.

Dispela em long funere sevis we Stet i bin wokim long Sen

Joseph's* Katolik Sios long Boroko las Fraide.

Haus lotu i bin pulap wantaim ol bikman long gavman i gat long em Prait Minista na Gren Sief, Sir Michael Somare, Gavana Jenerel na Gren Sief, Sir Paulias Matane na Ledi Kaludia, Helt na Bogenvil Afeas Minista Sir Peter Barter, Sief Seketeri Isaac Lupari, ol narapela bik manmeri na het bilong ol gavman dipatmen, ol Hai Komisn na embasi bikman na ol arapela bik manmeri long nesenel gavman level.

Long sait bilong Otonomes Bogenvil Gavman sait, Presiden Joseph Kabui na meri

...Wokim bikpela kontribusen long PNG na Bogenvil

bilong em Rose na ol delegesen bilong ol i bin stap tu. Famili, haus lain na Bogenvil komyuniti long Mosbi na planti pren na savelain bilong leit Mista Tsiamalili i bin stap long klostu tripela awa misa lotu na bihain, lukim bodi bipo bodi i bin lusim Mosbi long apinun long wanpela sata Air Niugini balus i go bek long Buka.

Ol bin planim bodi bilong leit Tsiamalili long asples bilong em long Amun, long Torokina, weskos Bogenvil aste.

Sir Paulias taim em i autim tok sori long gutpela lida husat i stap yangpela yet na i ken kontributi moa long developmen bilong PNG na Bogenvil i bin troimim wanpela salens long karimaut wanpela risets wok watpo planti gutpela na yangpela lida na pipel long dispela kantri i wok long dai na em bin askim ol yangpela pipel long lukim leit Mista Tsiamalili olsem rol modol.

"Mi bin save long em

long yangpela bilong em, man bilong hatwok, gutpela tingting (wisdom), gat pasin bilong tingim na luksave long ol narapela na i wok hat long PNG na ovasis.

"Dispela em kain lidasip na rol modol i gutpela long ol yangpela long bihanim. Man i gat bikpela save na ekspiriens husat i helpim long kamapim ol wok developmen long PNG na Bogenvil," Sir Paulias i bin tok.

Em bin tok PNG na Bogenvil bai painim em

long lidasip na ol kontribusen em bin wokim.

Sief Seketeri Isaac Lupari i taim em i sapotim tok bilong Sir Paulias i bin tok

leit Mista Tsiamalili em i "sempion bilong pis na yuniti na dai bilong em i kamapim bikpela spes bai hat long pulapim."

Pren tru bilong ol Bogenvil pipel em Sir Peter Barter i bin tok, "Bogenvil na PNG i lusim gutpela man bilong hatwok husat i wok inap em i lukim kaikai i kamap, i gat bikpela save na ekspiriens na an husat i wok long PNG na ovasis i no save lusim tingting long ruts, famili na ples we em bin dai long

en. "Kamapim senis na ribilding Bogenvil Edministresen na publik sevis na putim ol mansave long ol posisen na lukim olsem ol wokman i mekim gut wok bihainim taim i kamapim ol gutpela kaikai.

"Kaikai bilong lidasip bilong em, strongim ol arapela long wok na ol hatwok em bin putim i stap ples klia long ol plen, ol polisi, ol lo, ol senis long administresen na prektikel restoren wok na ol developmen sevis long Bogenvil. Na tu, long kamapim gut ol wok kondisen bilong ol opisa long hap.

NGI sindaun long NCC woksop

KOKOPO i bin lukautim wanpela woksop we i bin glasim modol long bilong Pasifik rijen long bihainim long lukautim ol tumbuna pasin, stori na ol kaving na ol arapela atifeks pipel long ples yet i save wokim.

Samting olsem 30 pipel long Niugini Ailans

...Glasim lo bilong lukautim ol kalsa


rijen i bin stap long dispela wanpela wik woksop ol bin holim long Kokopo taun we Nesenel Kalsere Komisn (NCC) i bin go pa long en.

Wanpela strongpela

tingting i bin kamap long dispela woksop em wari long ol ausait lain i wok long yusim krangi na bagarapim planti tumbuna na kalsere samting bilong PNG.

Dispela em namba

wan long ol woksop we NCC bai holim long 4-pea rijen bilong kantri long givim save na tu kisim tingting bilong pipel long wanpela modol lo bilong Pasifik bilong lukautim ol tumbuna na kalsa samting bipo ol i kisim i go insait olsem nesenel lo.



SORITRU: Prait Minista Sir Michael Somare i sekanim Peter Tsiamalili Junia, pikinini man bilong leit bikman. Mama bilong em Ruth, i sindaun klostu.

Ol rot projek insait long Kimbe bai kamap

Fred Raka i raitim

PRAIM Minista na Gren Sief Sir Michael Somare i tokim ol pipel bilong Wes Nu Briten Provins em bai lukim olsem ol rot projek insait long provins kamap.

Ol dispela rot projek em long Kimbe Amio - Kandrien Haiwe, Nu Briten Haiwe stat long Kimbe Haiwe i go long Silovuti na ol arapela ol han rot we Provinsel Gavman i tok oraitim.

Sir Michael i tokaut olsem ol dispela prosek bai kisim fanding aninit long Provinsel PIP Program.

Em i mekim dispela toktok long Kimbe we em i bin stap long wanpela bikpela bung bilong endosim o tokaut long tripela kandidate husat bai ron long dispela ileksen aninit long Nesenel Alaiens Pati.


Sir Michael i makim Peter Humphries bilong resis long Wes Nu

Briten Rijinel Sit, Victor Narere long Talasea Open na Michael Katson long Kandrien - Glost Open.

Insait long dispela bung praim minista i tokim ol pipel olsem aninit long strongpela-lidasip bilong em, kantri nau i gat 4.2 bilion kina i stap long risev fan. Tasol long taim em i bin kisim gavman long 2002 mani stap long risev fan em 200 milien.

Sir Michael i tok moa olsem dispela gutpela rekot i mekim na ol ovasis kantri na ol dona ejensi nau i gat strongpela bilip bilong givim aid na invest long ol bisnis insait long PNG.

Tasol Sir Michael i tok strong olsem ol dona kantri na ejensi husat i save givim aid long PNG i mas larim menesmen na lukaut bilong ol dispela helpim long PNG Gavman na maski long ol i bihainim gen ol dispela aid na tokim PNG Gavman hau long yusim.



Air Niugini now makes domestic travel more affordable

HAGEN POM RETURN

K485.30*

POM GOROKA RETURN

K493.00*

LAE POM RETURN

K390.70*

POM MADANG RETURN

K477.60*

* Return Fare inclusive of taxes & surcharges. Conditions apply

Contact your nearest Travel Agent, Air Niugini Sales Office or book online at www.airniugini.com.pg

Call Toll Free 180 3444 now



PW1133206

Mercy Sekonderi Skul i karimaut rais projek

SAMPELA skul long kantri i karimaut ol agrikalsa projek long helpim ol wantaim ol kaikai bilong ol na kamap "self reliant" o inap long sanap long strong bilong ol yet.

Dispela em ol projek olsem rais, ol kumu na ol arapela moa.

Mercy Sekonderi Sul long Yarapos, Is Sepik Povins em i wanpela we i gat rais projek.

Dispela skul i bilong ol meri sumatin tasol i tanim 5-pela hekta hap-graun i nogat samting olsem fam long groim rais long en.

Skul i planim na havestim o kisim kaikai long wanpela hekta aplen rais Nesenel Agrikalsa Risets Institut (NARI) Lae, Morobe Provins, i bin givim ol na ol bin planim.

Ol bin givim ol kain

rais we i save karim planti kaikai long en olsem NR 1, NR9, NR 15 na NR 16. Dispela kain ol rais i gutpela long groim long ol lo len o stretpela graun na i no inap long givim wara long ol bikos i gat inap wara pinis. Nau yet, skul i planim namba tu raun bilong aplen rais.

Long wankain taim tu, Mercy Sekonderi Skul i lukluk tu long karimaut

rais faming bihanim pedi developmen.

Wanpela rais teknikel opisa bilong NARI i bin stap long Yarapos na helpim ol tisa na sumatin wantaim dispela projek.

Ol bin makim 0.7 hekta graun long kirapim pedi fil rais developmen na bihain gem, wokim tupela moa pedi fil long mak bilong 20mx20m. Hap graun

tu ol i karimaut dispela projek em i gat gutpela gris long en na skul i wok long lukluk long wokim 9-pela pedi moa insait long 0.36 hekta graun. Ol bai yusim 210 kubik lita wara ol i sevim long dem long irigesen sistem.

Rais projek i kamap gut na skul i lukluk long kamapim 1269 kilogram waitpela rais long dispela 9-pela pedi long

wan wan taim. Rais i save karim kaikai na i redi insait long 4-pela mun. Na skul inap kamapim tupela krop insait long wanpela yia.

Mercy Sekonderi Skul i gat moa long 500 sumatin. Ol i save kaikai samting olsem 160 kilogram rais long wan wan de. Groim rais bilong ol yet bai sevim mani long baim rais long 15 de insait

long wanpela yia bilong skul yia. Dispela em taim olgeta 9-pela rais pedi i redi.

Plen bilong skul long ol taim i kam em long yusim ol graun i stap nating long karimaut pis faming. Planim na kamapim rais em bilong helpim daunim mani ol i save tromoi long baim rais na mekim ol sampela arapela wok skul i laikim long en.



WOKIM BARET: Ol meri sumatin long Mercy Sekonderi Skul i wokim baret bilong banisim wara rais projek bilong ol.

Mango maket helpim Bogia na Ramu

James Kila i raitim

WANPELA liklik rot sait maket long Not Kos long Madang Provins i save givim gutpela sevis i go long ol manmeri husat i ron i kam long kar olsem long Bogia, Midel Ramu na Malala eria.

Nem bilong dispela maket em "Mango Maket" na em i stap long Karkum. Tru tumas dispela maket em i gutpela maket na save salim ol kaikai ol mama save kukim, buai, smuk, kumu, taro, banana na ol narapela samting ol manmeri i laikim.

Long sisen bilong buai, ol baya o lain bilong baim ol samting bilong Hailans Provins long Simbu, Mt Hagen, Goroka na Kundiawa i save kapsait stret long Mango maket long baim buai bikos gutpela buai i stap long hap.

Dispela maket i save stretim wari bilong ol lain manmeri taim ol i hangre. Dispela em trupela tok bikos planti ol lain bilong ol ples long Bogia na Midel Ramu olsem Giri, Bes-kem, Tangu Josephstaal i save kirap bik moning tru taim ples i tudak yet na ol i save kalap long trak na ron i go olsem long Madang Taun. Na taim ol i kamap namel tru long Karkum, ol draiva i save stopim kar na ol manmeri i save go daun na baim kaikai na buai, smuk, na ol kol dring, na kulau long kolim na stretim nek drai bilong ol.

Dispela Mango maket i save ol long moning taim stat long Mande i go Sarare long olgeta wik long helpim ol brata-susa bilong Bogia, Ramu, Malala na ol Manam husat i ron long PMV trak i go long Madang Taun.

Ol mama na ol lain husat i save brigim ol kaikai long salim long maket em ol lain long bikples Karkum, Gorkom, Dumoken, Basken, Dimer, Mirap, na Gamenking.

Wanpela ples lida long Karkum na Foa Skwe sios Pasto Larry Yapen i tok ol mama na ol pipel husat i yusim maket i mas mekim gutpela pasin na klinim maket long olgeta taim bikos ol i save kisim mani long dispela maket.

Mista Yapen i singaut tu long ol brata-susa bilong Hailans husat i go baim buai long noken tromoi ol rabis nabaut, tasol bungim gut na putim stret long ples bilong rabis.

First for Furniture

AT COURTS

First for Beds • First for Dining

First for Floors • First for Sofas

"1st for style • 1st for low prices • 1st for you!"

SEVIM K130



Bipo Kes Prais K459

K329

RITA SH-520DT #CN0004

Dresser + Stool

- 1 drawer - swing door cabinet
- convenient storage shelves
- dark brown colour - easy self assembly



NADI

Bed Frame Sizes
4'6" & 5'0"
ALSO AVAILABLE

K439

NADI #BB3006

Single Slat 3'0" Wooden Bed Frame

- Non sag timber slat base - modern design
- easy self-assembly

K1.00 DIPOSIT, Tasol

K19

Long Fotnait

STRONGPELA TIMBA

K1.00 DIPOSIT, Tasol

K15

Long Fotnait

Reg. Price K389

Kes Prais

K459



MICHELLE

Inner Spring Mattress Sizes
4'6" & 5'0"
ALSO AVAILABLE

K20

Long Fotnait

Reg. Price K549

MICHELL #BM3016

3'0" Inner Spring Mattress

- Features Premium construction
- Cotton chintz cover quilted to super soft foam
- High count of heavy duty spring unit.

Kes Prais

K799



NEVUA #CL0010

5 Chest of Drawers

- solid timber - modern design
- 5 easy sliding drawers
- Teak finish - easy self assembly

K1.00 DIPOSIT, Tasol

K32

Long Fotnait

Reg. Price K959



K1.00 DIPOSIT, Tasol

K11

Long Fotnait

Reg. Price K269

SAMIRA #FA0006

180x255 Rug in assorted Colours

- Other sizes & designs available

Kes Prais

K229

STRONGPELA TIMBA

COURTS

Edim valu Olgeta dei!

Kisim kain kain samting bilong haus long...

K1.00 DIPOSIT, Tasol

The Courts Price

The Lowest Price Anywhere!

OPEN 7 DAYS A Week

PORT MORESBY BRANCH Spring Garden Rd., Gardens, N.C.D.

Phone: 325 5900 • Fax: 325 4149

E-Mail: sales@courts.com.pg

MON-WED & FRI. - OPEN 8:00AM - 5:00PM

THUR - 8:30AM - 5:00PM

SAT. 8:00AM - 1:00PM / SUN. 9:00AM - 1:00PM

OPEN 6 DAYS A Week

LAEBRANCH Milford Haven Road, Lae, Morobe Province

Phone: 472 4800 • Fax: 472 4621

E-Mail: courts_lae@courts.com.pg

MON-FRI - OPEN 8:00AM - 5:00PM

SAT - 8:00AM - 1:00PM / SUNDAY CLOSED

IMPORTANT: Courts Ready Finance is now available for you to apply! Call into our stores for more information on the terms & conditions. Courts K1.00 DEPOSIT is subject to Terms & Conditions. See in Store for details on this Lowest Deposit in PNG. *Price(s) shown on the product(s) advertised here is subject to change at any one time without notice. We reserve the right to correct errors and misprints. Product(s) shown was available at the time of press printing. Some items may not be available in other Courts store. Free Gifts are subject to availability. *This month's Promotion ends 30/04/07.*



BANK OF PAPUA NEW GUINEA

REDUCTION IN TREASURY BILLS AND INSCRIBED STOCKS MINIMUM BIDS

THE BANK OF PAPUA NEW GUINEA IN ITS ROLE AS THE GOVERNMENT'S AGENT FOR DEBT ISSUANCE AND REGISTRY SERVICES WISHES TO ADVISE THE PUBLIC THAT THE MINIMUM BID FOR THE GOVERNMENT TREASURY BILL AUCTIONS AND INSCRIBED STOCK TENDERS WILL BE REDUCED FROM K1,000,000.00 TO K100,000.00, EFFECTIVE FROM WEDNESDAY 18 APRIL 2007.

TREASURY BILLS AND INSCRIBED STOCK ARE ALSO AVAILABLE FOR PURCHASE IN THE SECONDARY MARKET THROUGH OTHER LICENSED FINANCIAL INSTITUTIONS AND BROKERS.

THE INSCRIBED STOCK TENDER IS STILL RESTRICTED TO REGISTERED BIDDERS ONLY.

OTHER INFORMATION REGARDING TREASURY BILLS AND INSCRIBED STOCKS MAY BE OBTAIN FROM THE DEPARTMENT OF TREASURY OR ITS WEBSITE: www.treasury.gov.pg

TERMS AND CONDITIONS OF THE AUCTION MAY BE OBTAINED FROM THE FINANCIAL MARKETS DEPARTMENT OF THE BANK OF PAPUA NEW GUINEA, OR ACCESSED FROM THE BANK'S WEBSITE: [www.bankpng.gov.pg/government securities](http://www.bankpng.gov.pg/government%20securities)

FOR FURTHER ENQUIRIES, PLEASE CALL THE MONEY MARKET UNIT ON TELEPHONE: 3227 344 / 3227 355 OR 3227 435.

**L WILSON KAMIT, CBE
GOVERNOR**



BANK OF PAPUA NEW GUINEA

INVESTMENT IN TREASURY BILLS AND INSCRIBED STOCKS

EFFECTIVE AS OF FRIDAY 20 APRIL 2007 INVESTORS ARE ADVISED OF THE FOLLOWING ARRANGEMENTS RELATING TO SETTLEMENT, ROLLOVERS AND MATURITY OF TREASURY BILLS AND INSCRIBED STOCKS.

- INVESTORS IN PORT MORESBY MUST COLLECT THEIR MATURITY, COUPON AND DIFFERENCE PAYMENT CHEQUES FROM THE GROUND FLOOR OF THE BANK OF PNG, TOROBERG HAUS.
- CHEQUES WILL ONLY BE RELEASED TO PERSONS AFTER PROPER IDENTIFICATION HAS BEEN MADE, SUCH AS; VALID IDENTIFICATION CARDS (ID), DRIVERS LICENCES, PASSPORTS, AND A COPY OF AN AWARD CONFIRMATION.
- CHEQUES WILL NOT BE RELEASED TO PERSONS WITHOUT PROPER IDENTIFICATION.
- CHEQUES THAT ARE NOT COLLECTED AFTER THREE (3) BUSINES DAYS WILL BE POSTED TO THE LATEST KNOWN ADDRESSES.
- BPNG WILL ONLY DEPOSIT CHEQUES FOR INVESTORS OUTSIDE OF PORT MORESBY INTO THEIR BANK ACCOUNTS.
- INVESTORS INTENDING TO ROLLOVER THEIR TREASURY BILLS ON MATURITY MUST INDICATE THEIR INTENTION ON THE BID FORM AT THE AUCTION ON WEDNESDAYS BEFORE 11.00AM.

**L WILSON KAMIT, CBE
GOVERNOR**



PLANIM TAPIOK: Agrikalsa Minister Sasa Zibe, Puka Temu, Gren Sief na Praim Minista Sir Michael Somare South Korean Ambassador Yang Yoon Park, Changhae International Chairman Sung Woo Lim i planim tapiok long opim nupela tapiok projek long Rigo viles. *Poto: NOREEN DADA*

K335 milien tapiok projek kamap

Noreen Dada i raitim

GAVMAN i lukiuk long strongim grin revolusen plen bilong em long yusim na groim ol prodak we i gutpela long envaironmen na tu long ol pipel.

Na long Fonde las wik, Praim Minista, Gren Sief Sir Michael Somare i lonsim Changhae tapiok baio-disel projek 'long Launakalana long Rigo Distrik.

Dispela projek i lukim ol papagraun givim 2714 hektas tredisenel graun (graun bilong ol tumbuna) bilong ol i go long gavman long ol wokim bisnis wantaim kampani bilong Korea long kamapim dispela tapiok projek.

Long 2003 gavman, Sentral Provinsel Gavman na Changhae Intanesenel i sainim wanbel tok (Memorendum ov Andastanding) na tupela yia bihain sainim Memorendum bilong Agrimen we i opim dua long kamapim dispela projek we ol lonsim.

As long kirapim dispela projek em long wokim baio-disel o bensin yusim tapiok.

Dispela projek i go wantaim Cloudy Bay tapiok projek long Abau we ol bin lonsim long liklik taim i go pinis.

Minista bilong Lens na Fisikol Plening, Puka Temu i tok sapos ol arapela papagraun bilong kantri i bihainim kain tingting ol pipel na papagraun bilong Launakalana, gavman i ken apim mak bilong ekonomik gro bilong em long 5 pesen (%) i go long 10 o 15%.

"Bikpela wok bilong graun rifom komiti long dispela yia em long makim husat tru i ol trupela papagraun na wanem graun ol bosim.

"Wok bung pasin long helpim mekim laip bilong ol viles pipel mobeta bai i no inap kamap sapos ol papagraun i no kam aut na tok klia olsem ol i ol papagraun we Gavman i ken traim long sindaun toktok wantaim ol long kamapim kain developmen olsem dispela.

"Mi strongim ol pipel long wok hat long wok long graun bilong ol long lukim olsem dispela projek i ron 'gut,' Dokta Puka tok.

Dispela projek bai opim dua long ol Changhae PNG long traim salim baio-disel ol kisim long tapiok long ol maket long Korea na Australia tu.

Sir Michael i tok agrikalsa i bikpela samting insait long kantri na i laik lukim Sentral Provins go pas long groim ol arapela samting olsem rais na cashew nut.

Long wankain taim Sir Michael i tok gavman bilong em i makim na bai givim K23 milien long wokim wok stretim long Magi Haiwe i go long Launakalana na Kelerakwa long helpim wantaim wok long lukim ol trenspot ol tapiok gut.

Launakalana em ples we long 32 yia i go pinis, Praim Minista Sir Michael na namba wan agrikalsa minista bilong em, leit Sir John Guise i bin traim i bin traim long kamapim suga projek.

Rigo papagraun autim tingting

Noreen Dada i raitim

PLANTI pipel long Rigo Distrik, moa yet long en, ples we tapiok projek i kamap i sapatim dispela projek tasol namel long amamas bilong ol, 25 papagraun husat graun Gavman i yusim long kamapim projek i tokaut long ol wari bilong ol.

Long ai bilong Praim Minista mausman bilong dispela 25 papagraun grup i gat 5-pela bikpela askim ol laikim Gavman long luk-save long en.

Lou Laiba i tokim Praim Minista na Gavman bilong em olsem bipo fes 5-pela yia bilong projek i kamap, ol laik lukim Gavman kirapim ethanol (bensin yusim tapiok) i kamap pastaim.

Bihain long dispela ol laikim Gavman long:

- Givim ol taitel bilong graun hari-ap;
 - Laikim ol wok sans long go long ol papagraun na komyuniti ol stap insait long en;
 - Kamapim infrastraksa olsem rot, helt senta, skul na;
 - Tarim lukiuk long tingting long kirapim na wokim wok stretim long solwara bris long Gabagaba viles.
- Mista Laibe go het long tok ol pipel bilong em i sapatim projek tasol Gavman wantaim kampani ol askim long karim aut projek i mas 'soim stretpela na klia pasin long ol pipel.'

Yusim tieta long toksave long ol hevi bilong sik AIDS

VOLUNTERI Sevis Ogenaisesen (VSO) Tokaut AIDS i karim aut planti aweanes na trening nau long Momase na Hailans rijen.

Long las wik, samting olsem 42 pipel i kam long 5-pela tieta kampani i bin stap insait long wanpela trening woksop long kisim skul na save long karim aut komyuniti tieta aweanes.

Shane Irwin em VSO Tokaut Tieta Kodineta i tok dispela trening i bin skulim ol lain long yusim imij tieta we ol sumatin

i yusim bodi bilong ol long kamapim ol piksa o na forum tieta we komyuniti i save toktok na kamapim ansa long traim daunim hevi bilong sik AIDS.

Mista Irwin i tok tieta em i gutpela rot long kisim sik AIDS toksave na aweanes long ol ruel komyuniti bikos ol pipel i save gat bikpela laik long lukim laip tieta na stori bilong em.

Nesanel Pefoming Ats Trup (NPAT) i bin sponsaim VSO Tokaut AIDS na dispela woksip we ol grup olsem Freedom bilong

Karkar Ailan na Kere Kalsa Grup bilong Simbu i bin stap long en.

NPAT i askim gen VSO Tokaut AIDS long wokim narapela trening sesen long mun Julai.

Long wankain taim, VSP Tokaut AIDS i bin holim namba 4 sesen bilong HIV/AIDS aweanes trening progrem wantaim ol Lae Bildas na Konstraktas woklain long Madang.

VSO Tokaut AIDS i wok long wok wantaim Lae Bildas kampani stat yet long Ogas 2005.

Samting olsem 140 woklain i bin stap long dispela trening woksop long harim ol AIDS aweanes na rot bilong abrusim dispela sik i kamap long wanwan manmeri na pikinini.

Samting olsem 40 milien pipel long wol i stap wantaim sik AIDS.

Long dispela, 26 milien em ol woklain na krismas bilong ol i stap namel long 15-49 yias.

Risets bilong Wol Helt Ogenaisesen i soim olsem em i isi long ol wok manmeri i kisim HIV bikos ol i gat mani na tu, ol i save stap aut long famili long planti taim.

VSO Toksave AIDS aweanes progrem em i gutpela sans long ol bisnis sekta long Madang long kisim save na lukautim welfea bilong ol woklain bilong ol.

Brens Menesa bilong Lae Bildas an Kontraktas, Shane MacCarthy i tok "sapos yumi no skulim ol woklain bilong yumi, bai yumi lusim ol gutpela woklain bilong yumi.

SHP nesanel ileksen bai gat sekyuriti

Timon Henry i raitim

OL AMI na polis bai wok long Mendi, Sauten Hailans Provins i redim ol yet nau long lukautim ol pipel long taim bilong 2007 Nesanel Ileksen.

Dispela wok redi bilong ami na polis bai givim gutpela sans long ol pipel long gat fridom na sekyuriti long makim gutpela lida.

Ol pipel bilong Sauten Hailans i laik autim bikpela tok tenkyu i go long Somare na Polye gavman long salim ol ami na polis i go pastaim long Sauten Hailans.

Planti ol lida bilong tude i save stiaim ol pipel long rong hap na dispela kain pasin i no ken kamap gen long dispela yia.

Ripot i kam long Wantok Niuspepa i olsem, long dispela yia bilong jenerel ileksen, planti pipel i gat bikpela bilip olsem sampela senis bai i kamap.

Ripot i tok olsem Sauten Hailans bai i no lukim gutpela divelopmen long ol rot, helt na

edukesen sevis inap taim nesanel ileksen i pinis.


Sampela hap bilong ol distrik olsem Tari haus sik i no kisim ol medikel saplai bilong ol na tu, long Koroba Kopiago na Erave.

Olsem na ol pipel i bin kisim bikpela bagarap bikos nogat gutpela rot na helt na edukesen sevis i no stap long ol distrik bilong ol.

Ol i tok tu olsem planti ol lida husat i bin makim ol pipel na i go long palamen long dispela 5-pela yia i no bin gat gutpela plen bilong ronim provins na SHP administresen i bin gat planti hevi.

Olsem na long dispela taim bilong 2007 ileksen, ol lida i mas traim long skulim ol pipel long rot bilong luksave long wanpela narapela na noken traim long bagarapim ol rait bilong pipel.

Ol pipel i mas save olsem yumi wan wan i gat demokretik rait long makim wanem lida yu ting olsem em bai tingim yu na bihain tam bilong ol pikinini.



SAVE BAI SEVIM LAIP: Ol Lae Bildas na Konstraktas woklain i sindaun long AIDS aweanes em VSO Toksave AIDS i karimaut.

Gembogl lukim treseri haus lons

Paulus Tali i raitim

GEMBOGL insait long Simbu Provins i bin lukim lonsing bilong 5-pela treseri haus long las wik.

Leba na Industri Minista Mathew Matthew Siune na Polis Komisina Gari Baki i bin stap long dispela lons we i bin lukim lonsim i kos moa long K600,000 i kamap.

Dispela em i namba wan taim long Komisina Baki olsem hetman bilong ol polis i mekim wokabaut i go long Gembogl.


Mista Siune i bin donetim

tu wanpela nupela 10 sita plis bas bilong helpim kari-maut wok long lukautim lo na oda long Gembogl eria.

Kos bilong bas em K100,000.

Komisina Baki i bin autim tok amamas long Mista Siune long gutpela wokbung namel long ol polis na pipel long Simbu.

Provinsel Polis Komanda bilong Simbu, Jimmy Onopia i bin tok em bai salim 10-pela polis long Gembogl na helpim dispela wanpela tasol i save stap long lukautim lo na oda insait long komyuniti.



• Komisina Baki. FAIL POTO

Komanda Onopia i tok moa olsem Simbu i gat 137 polis man na hevi bilong nogat haus we ol na famili bilong ol i ken stap na mekim gut wok em wanpela bikpela samting ol i save bungim long en.

Planti wok i wok long go insait long stopim o daunim ol hevi-bilong lo na oda long kamap long taim bilong ileksen bilong wanem long ol ileksen bipo dispela em wanpela bikpela hevi.

Nau nesanel gavman i laik strong long mekim dispela ileksen i ron gut long olgeta provins.

Olimi bai resis long Simbu rijinel

Paulus Tali i raitim

TAIM bilong 2007 Nesanel Ileksen i kam kiostu na ol kendidet i wok long redi nau long putim nem bilong ol long sanap long resis.

Bipo Ambaseda bilong Japan na Indonesia, Aiwa Olmi bai sanap resis long Simbu Rijinel sit.

Mista Olmi bilong Dirima, Gumine Distrik long Simbu Provins bai sanap long Pipel's Pati tiket we Sir Julius Chan em pastaim Praim Minista i go pas long en.

As tingting bilong Mista

Olmi i laik sanap em long kamapim gutpela wok progrem namel long ol yut na gavman bilong tude i ken givim luksave na wok gut wantaim ol yut long sampela projek bai mekim ol i stap isi.

Long dispela taim, planti ol trabel na asua i kamap em hevi i sut i go long ol yut. Planti i stap nating na ol i wokim raskol n bikhet pasin.

Mista Olmi i laik helpim ol grasrut lain tu long ples long mekim ol wok we bai helpim ol yet long kisim mani long kamapim laip na sindaun bilong ol, famili na komyuniti.

BULLBAR SPECIAL

TO SUIT TOYOTA LAND CRUISER 70 SERIES RUNOUT MODELS

HURRY WHILE STOCKS LAST

WAS K3,400

NOW

K1,950


Price Includes GST and Fitting

CALL YOUR FIRST CHOICE BRANCH TODAY


Port Moresby.. Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

Your First Choice

www.elamotors.com.pg



ELECTORAL COMMISSION
Papua New Guinea



CHANGE IN METHOD OF VOTING UNDER THE LIMITED PREFERENTIAL VOTING (LPV) SYSTEM

The National Parliament in August 2006 passed legislative changes to the Organic Law on National and Local level Government Elections. Among the many changes, was the change in the manner of voting under the Limited Preferential Voting (LPV) system. The new legislative change will split the ballot paper into TWO separate documents. These two documents will be called a candidate poster and the actual ballot paper.

date poster and a ballot paper to be used in the elections.

Copies of the candidate poster will be given FREE to all aspiring candidates for the 2007 general election weeks in advance prior to the actual polling time. They can use that as campaign material, courtesy of the Electoral Commission.

The slight change in the manner of voting under LPV is a provision in law that has come into force on the 21st of September 2006 and as such will be implemented in the coming 2007 general elections.

ANDREW S. TRAWEN, MBE
Electoral Commissioner

Sections 124 and 125 of the Organic Law as amended, require a candi-

Below here is the candidate's poster and ballot paper

ELECTORAL COMMISSION
Papua New Guinea

2007 GENERAL ELECTIONS - NATIONAL PARLIAMENT
CANDIDATE POSTER
TURUMU OPEN ELECTORATE

DIRECTIONS

- ▶ This is a candidate poster. Do not write on it.
- ▶ Write your vote on the **BALLOT PAPER**.
- ▶ Choose three preferred candidates from this poster.
- ▶ Write the candidate numbers or the names of the three candidates of your choice beside the numbers 1, 2 and 3 on the **BALLOT PAPER**.

 10 Happy Birthday Party ISAIAH MANALUVA GREEN	 11 Independent BOKI RED	 12 Independent KILA YELLOW
 13 Independent GRACE BLACK	 14 Womens Rights Movement SUSAN YELLOW	 15 Independent STEVEN VERI BLUE
 16 People's Birthday and Christmas Party BILL BROWN	 17 Independent DAISY MAROON	 18 Liberal Party ALICE PURPLE
 19 Independent MARGARET TAN	 20 Independent ELLY ORANGE	 21 Boroko Alliance Party DAVID PINK

Printed under the authority of the PNG Electoral Commission. It is an offence to alter/mark/change this poster. Do not write on it

000000

TURUMU OPEN ELECTORATE

000000

2007 GENERAL ELECTIONS
NATIONAL PARLIAMENT
BALLOT PAPER
TURUMU OPEN ELECTORATE

HOW TO VOTE

- ▶ Write the candidate number or name of your first choice candidate beside number 1
- ▶ Write the candidate number or name of your second choice candidate beside number 2
- ▶ Write the candidate number or name of your third choice candidate beside number 3

DO NOT PUT ANY OTHER MARK ON THIS BALLOT PAPER !

1 []

2 []

3 []

GLASIM TOK



wantaim

FR LOLLINGTON WIAM

Tok resis long kamap Praim Minista

LONG ol niuspepa na nius long TV long olgeta wik, yumi wok long harim na lukim ol sinia na junia politikel lida i wok long maus wara husat tru bai kamap praim minista bilong kantri.

Ol i no wok hat long kamapim gutpela polisi, aim na gol bilong pati long bringim i kam long kantri bai mipela i glasim na makim man o meri. Nogat tru. Ol i wok long resis long wanpela bun tasol.

Dispela kain pasin mipela ol manmeri i les pinis. Dispela i soim yumi olsem ol i no gutpela long kamap kepten bilong sip. Sapos yumi glasim gut, dispela kain lida em isi tru long kapsaitim sip.

Stat long ekspiriens lida i go daun long junia i wok long pairapim wok politiks na ol i no toktok long wanpela gutpela samting.

Sapos gavman i mekim wanpela liklik asua ol bai kwiktaim tasol putim nius i go insait na salensim wok lidasip bilong praim minista. Dispela wok politiks tasol i save bagarapim kantri na pipel na mipela ol pipel i kisim bikpela hevi inap nau 32 krismas.

Sapos man i no save long kamap kepten bilong sip, yumi noken pairap hariap. Yumi mas i stap long daun pasin na God yet bai kirapim yumi long wok yumi gat laik long en. Yumi yet mas sindaun na skelim ol pati polisi bilong yumi na skulim 5 milien pipel long dispela kantri.

Sapos ol i skelim na lukim olsem em i gutpela ol bai putim yumi stret long kepten bilong sip stret. Dispela wok em i no isi. Em bai kisim mun na yia. God i no inap givim wanpela samting nau tasol. We na pasin bilong God i narakain liklik long pasin bilong yumi.

Sapos yumi laik kamap kepten bilong dispela kantri, yumi mas i gat daun pasin, pasin bilong bilip, tras na wok duti bilong yumi long God. Em nau yumi setim faundesen bilong yumi pinis wantaim God na samting yumi laik mekim em bai isi tru long givim.

Olsem na yumi ol politikel lida i noken tok resis long kamap kepten kwiktaim. Yumi mas soim yumi yet i go long God na em bai glasim yumi na givim dispela wok lidasip yumi hop long en.

Caritas karimaut ileksen aweanes

Nesenel Ileksen 2007 i kam klostu nau

Dispela ileksen bai narakain bikos em bai namba wan taim kantri bai bihainim nupela rot long vot Limitet Preferensel Voting (LPV) sistem.

Bikpela wok nau em long redim ol pipel i mas save long yusim dispela nupela LPV sistem.

Aninit long nupela LPV sistem, balot pepa o pepa bilong vot bai em yet na bai i gat narapela pepa yet we bai gat posta bilong kendidet na pepa (balot) we ol pipel bai putim ol vot bilong ol long en.

I mas gat ol gutpela aweanes wok long skulim pablik long nupela LPV sistem bikos ol pipel i save long olpela sistem bilong "First Past the Post" we ol i save yusim long ol yia i go pinis.

Ol sivil sosaiti ogenaiesen olsem Caritas PNG i patna wantaim ilektorel Komisnin long karimaut ol ileksen aweanes wok, stat yet long las yia.

Ileksen aweanes program bilong Caritas PNG i kamap long olgeta hap bilong kantri.

Em i yusim netwok bilong em na ol kodineta i stap long olgeta hap bilong kantri long karimaut ol aweanes wok.

Caritas PNG i save givim strongpela sapot i go long ol kodineta bilong em long wok patna wantaim ol provinsel ilektorel opisa na ol arapela sivil sosaiti grup.

Ol aweanes i bilong olgeta pipel long ol komyuniti, maski ol i bilong ol narapela lotu. Na Caritas PNG i go long ol komyuniti na pipel i stap longwe stret long ol taun na stesin.

Tasol i gat yet ol salens we Caritas woklain i karimaut ileksen aweanes i bungim, olsem trenspot bilong go insait long ol ples longwe. Maski ol dispela hevi i stap, planti i mekim olgeta samting long go insait



KIUNGA AWEANES: Ol Caritas PNG lain i karimaut ileksen aweanes long Kiunga, Westen Provins.

long ol longwe ples na karimaut ol aweanes wok long planti ples.

Ol aweanes wok i go het yet na planti pipel insait long ol komyuniti i amamas wantaim wok we ol sivil sosaiti lain olsem Caritas PNG i mekim.

Long tupela wik i go pinis, ol bin karimaut wok long

Kavieng, Nu Ailan Provins na planti i autim amamas bilong ol long Caritas na ol arapela sivil sosaiti lain i mekim insait long ol komyuniti na ples bilong ol.

Planti pipel i no bin klia long LPV na long taim bilong aweanes, ol bin askim planti kwesten. Na planti bilong ol tu

i bin lukim ol sampel o piksa bilong balot o vot pepa na kendidet posta long namba wan taim.

Wantaim bikpela wok i kamap long sait bilong karimaut ol wok aweanes, ol i ting olsem dispela ileksen bai go gut.

Ol Angliken meri selebret wantaim nupela bisop

Veronica Hatutasi i raitim

NUPELA Bisop bilong Angliken Sios long Pot Mosbi Daiosis, Bisop Peter Ramsden i bin go pas long lotu bilong ol Madas Yunien memba long ol Angliken peris long Mosbi aste.

Louise Werner husat i wanpela Angliken Sios meri lida i tok long las Trinde bilong olge-

ta mun, ol Madas Yunien memba i save holim misa lotu.

Misis Werner i tok long dispela taim, sios sevis i bin kamap long Sen AidansPeris long Morata, Not Waigani long givim sans long ol Madas Yunien long tok welkam long Bisop Peter. Em i bin kisim blesing long kamap nupela bisop bilong Pot Mosbi Daiosis long las mun tasol long Sen Mary's Angliken Sios long Gerehu.

Ol Angliken edukesen seketeri bung long Mosbi

Veronica Hatutasi i raitim

OL Daiosisen Edukesen Seketeri (DES) bilong Angliken Sios long 5-pela daiosis long kantri i bung nau long wanpela wik long Mosbi bilong glasim ol wok go het long ol samting i kam aninit long edukesen na jenerel operesen bilong em.

Dennis Kabekabe em Nesenel Angliken Daiosisen Seketeri i tok 6-pela DES i makim wan wan daiosis bilong Dogura, Oro, Aopi/Rongo, Mosbi na Niugini Ailans (Wes Nu Briten Daiosis) i bung long Mosbi wantaim ol opisa bilong Nesenel Edukesen Divisin.

Mista Kabekabe i tok ol samting i sut long ol Daiosis na Edukesen

ol i bung na toktok long ol em:

- Glasim na monitaim ol projek;
- Sik AIDS na;
- Jenerel Edukesen opere-sen.

Mista Kabekabe i tok, wantaim sapot bilong Sios Patnasip

Program (CPP), ol Edukesen wantaim tu HIV/AIDS program i ron gut.

Em i tok Trening bilong ol "Peer" grup long kisim skul bilong sik AIDS i go long ol narapela wanlain, wanskul na ol poroman i bin stat long yia 2003. Na insait long dispela bung, ol i glasim ol wok kamap long dispela program tu.

Em i tok insait long ol Angliken ejensi skul long kantri, HIV/AIDS skul i stap insait long kurikulum bilong ol we ol tisa i save tisim long en wantaim ol arapela sabjek.

Em i tok ol i wokim pinis kurikulum bilong gret 3 inap long gret 8 tasol nau ol bai kamapim bilong ol apa sekonderi skul sumatin.

ENROL LONG NUPELA ILEKTOREL ROL NAU!!

NOGUT, YU NO INAP VOT!

Vot bilong yu bai senisim sindaun bilong yumi na PNG!

YU GAT TRIPELA SANS LONG VOTIM GUTPELA LIDA!

2007 VOTE LPV


Now that's fair

ELECTORAL COMMISSION Papua New Guinea

PNG Electoral Support Program 2 is Funded by Australian Government AusAID

HIV/AIDS DOES NOT DISCRIMINATE Be responsible and stop it spreading

**YUMI
na
HIV
wantaim**



Fr Jude Ronayne Forde OFM

Rot bilong kisim HIV

YU kisim HIV long wanpela man tasol! Yu no kisim long win, o samting yu kaikai o long binatang olsem moskito. Wanpela man i HIV pinis em i save givim long narapela man!

Binatang bilong HIV i stap pinis insait long "wara bilong bodi" bilong man i HIV pinis. "Wara bilong bodi" em i olsem blut o kain wara i stap long bodi bilong man o meri. I gat wara long olgeta hap bilong bodi - long han, lek, maus, het na bodi. I gat wara insait long ol soa o puk, o susu bilong meri. Yu save, bodi bilong man i pulap tru long wara!

Orait! Man i HIV pinis na em i givim long narapela man. "Wara bilong bodi" bilong man i HIV pinis i go insait long bodi bilong narapela man. Nau, turangu, em tu i ken kamap HIV!

Sampela Rot bilong kisim HIV?

Mama i HIV pinis i ken givim HIV long bebi bilong em. Em i ken givim long taim bebi i stap long bel - o long taim bilong karim bebi - o long taim mama i givim susu long em. I luk olsem long ol mama i HIV pinis na i karim pikinini, wanpela bilong ol tripela pikinini i save kisim HIV! Sori tru long ol bebi!

Tupela man i slip wantaim na wanpela bilong ol tupela i HIV pinis - narapela i ken kisim HIV. Dispela em namba wan rot bilong planti insait long PNG i kisim HIV tude. Na maski man i prenim meri o man i prenim man, wanpela i ken givim binatang nogut long narapela.

Narapela rot em sapos yu kisim blut long haus sik (transfusion) na HIV i stap insait long blut. Bai yu tu i kisim HIV! Tasol, ol haus sik nau i save sekim gut blut ol i givim long man!

Katim mak long skin (tattoo) o brukim skin long nil o naif, long man i HIV pinis - na yu no klinim gut na yusim gen long narapela man - yu ken givim HIV long narapela man. Yusim resa long rausim maus gras o gras bilong bodi i wankain. Yu mas klinim gut ol naif o nil o wanem samting yu yusim bilong brukim skin bilong man bipo narapela man i yusim!

Orait, wanpela askim! I hat o isi long kisim HIV. Em isi tru sapos yu man bilong raun raun na prenim planti man o meri. Yu mekim kain pasin olsem, i no long taim bai ol i tok gutbai long yu long Nain Mail Matmat long Mosbi. Tasol, sapos yu man bilong sindaun gut na stap tru wantaim marit poroman bilong yu, bai yu orait. No ken wari. HIV i no inap painim yu!

Planti gris kaikai i ken kilim yu

Noreen Dada i raitim

PULIM smok, bikipela kolesterol o gris, blut presa i antap tumas, bikipela skin na suga level (mak bilong suga insait long bodi) i antap tumas em ol bikipela as long ol pipel i kisim i hat atek o dai taim hat o kilok bilong bodi i stop long wok.

Tasol dispela ol samting i ol pasin ol pipel i ken stopim long helpim ol lukim olsem hat i wok gut.

Speselis dokta husat lukluk long helt bilong hat, Profesa Isi Kevau i

tokim Wantok Niuspepa olsem dispela ol pasin ol pipel yet i inap long senisim long helpim hat bilong mipela i stap orait.

Profesa Kevau i tok hat atek i kamap bikipela as planti yangpela na lapun lain i dai na i ken kamap "long olgeta taim long wanem hap yu stap."

Hat atek save kamap taim wanpela hap rop long hat bilong yu i blok na stopim ron bilong gutpela blut i go insait hat na long bilong yu.

Hat bilong olgeta pipel i gat tupela bikipela masel (muscle) we i gat lephan na raithan sait na

i gat bikipela paip antap long en we i pamim blut i go long arapela hap long bodi bilong yumi.

Lephan sait bilong hat i save pamim blut go long arapela hap long bodi na raithan sait bilong hat i save pamim blut i go insait long lang bilong yumi long mekim mipela pulim win na pamim i go bek insait hat bilong mipela wantaim gutpela blut.

Insait long hat bilong mipela, mipela gat ol rop ol kolim ol koronari ateri (coronary artery) we i gat ol samting ol kolim kolesterol o sampela kain gris.

Taim yumi kaikai plan-

ti kaikai we i gat gris na dispela i bung go i banisim tru ron bilong blut i go insait ol coronary artery, dispela i kamapim hat atek.

"Ol samting we mipela bai i no inap senisim long lukim mipela kisim hat atak em krismas bilong mipela we moa krismas yumi gat, moa sans yumi gat long kisim hat atek, sapos yu man yu gat moa sans long ol meri long kisim hat atek na sapos yu gat famili stori bilong ol man i gat sik long hat, yu gat moa sans long kisim dispela hevi," Profesa Kevau i tok.

Em i tok namba wan rot long abrusim sans long yu kisim hat atek em long daunim o stopim pasin long pulim smok na daunim hamas gris kaikai yu kisim insait bodi bilong yu.

"Dring planti wara bikos wara i save helpim long gutpela ron bilong blut na givim win (oxygen) long blut bilong yu," Profesa Kevau tok.

Profesa Kevau i tok planti pipel na lida bilong kantri i dai long ol hat atek na bagarap long hat we planti bilong ol hevi i kamap bikos long senis long laipstail bilong yumi.

Lo long redim na holim kaikai gut kamap

Noreen Dada i raitim

PAPUA Niugini (PNG) winim bikipela mak long rot bilong redim na holim kaikai taim em i lonsim Food Sanitation Regulation 2007.

Dispela hap lo em long lukim olsem kantri i bungim intansenel stendet o mak bilong em we i tok aninit long ol kain wan bel tok olsem Wol Tred Ogeanisesen Sanitation na Phyto - Sanitation (SPS). Long lonsim dispela Food Sanitation Regulation 2007 long Fonde las wik, Minista bilong Helt Sir Peter Barter tok pastairn Food Sanitation Ekt bilong 1991 i bin kamap tasol i no bin gat regulesen (was lukaut wok) long moa long 10-pela yia.

Dispela banis i lukim ol dispela samting i kamap:

"Baim na salim kaikai i no dia tumas,

"Planti kaikai long stoa em ol i raitim long ol tokples long ol

ovasis kantri kaikai i kam long en,


"Kaikai i abrusim taim ol makim long stap orait insait long ol tin o peket,

"Salim ol prodak i no kam long trupela kampani i save mekim na,

"Salim ol kaikai i no hefti insait ol stoa na long rot.

"Dispela lons i makim bikipela win na mi tok tenkyu long Food Sanitation Kaunsil long wok ol putim i go insait long raitim dispela hap lo we mi laik ting em bai stretim sampela long dispela 5-pela hevi we i yumi tok aut long en long dispela lons," Sir Peter i tok.

Em i tok dispela regulesen i gat rait lo pawa na mekim save aninit long lo long lukim olsem ol han na ol samting ol i yusim long redim kaikai i kamap na i tok aut tu long ol kaikai industri long kirapim sampela rot bilong stopim dispela ol samting long kamap.



RAIT KAIKAI NA EKSASAIS BAI HELPIM: Gavana Jenerel na Gren Sief Sir Paulias Matane i save strongim ol pipel long kaikaim ol rait gaden kaikai, prut na kumu na eksasais, i sanap wantaim ol voluntia dokta bilong Australia i save kam long Papua Niugini olgeta yia long helpim wokim Open Hat Operesen long ol pikinini i gat sik long lewa. *Fail Poto*

Olgeta samting long lukautim yu long taim bilong Spots...

Johnstone's Pharmacy

Wholesale
Spring Garden Rd Gordons
Ph: 325 3356 Fax: 325 0190 Email: sales@johnstones.com.au

Namba tu hap bilong 4-pela PNG sumatin, Soba, Imran na Tolly Seri wantaim poro, Leo Balun, i go raun long Amerika.

Planti samting i mekim ol i kirap nogut

...Lukim Las Vegas na wanpela setelmen

TUPELA awa saut long Golfil, narapela kain ples na ekspirians i wetim ol. Biknem gambling siti long wol, ol ples we ol pipel long olgeta hap bilong wol i save go traim laik long kamap ris long wan minit long pilai laki, pokis na ol arapela moa kain pilai laki, ol i lukim ol traipela mama bilong ol "casino" i gat ol strongpela lait i save mekim nait i luk olsem de.

Tasol ol yangpela i kirap nogut stret long lukim ol manmeri i nogat ples bilong stap long en i slip nabaut aninit long ol rot bris na painim kaikai long ol ples ol i tromoim pipia long en.

"Mipela i pilim sori tru long ol. Mipela i lukim planti wait man i stap long ol taun we ol i nogat haus, nogat wok, nogat mani, na nogat kaikai.

"Long sampela hap, mipela i lukim ol dispela lain we nogat haus bilong ol, ol i wok lo kisim ol hap kaikai long rabis bin na kaikai. Taim ol dispela lain i laik slip, ol i wok logo aninit lo ples or bris we tupela rot i kam bung na wanpela rot i kalapim narapla na ol i slip aninit long rot long liklik spes tasol," Imran na Tolly i tok.

Long Kalifonia, ol yangpela i raun i go lukim wanpela skwata setelmen ol i kolim Slab Siti na ol manmeri i stap long ol bagarap treila na skul bas. Leo i tok: "Em tru, olsem haus bilong dispela lain i no gutpela tumas. Tasol, ol i luk amamas, ol i stap isi, na mi lukim rot we ol i bin wok bung wantaim long mekim sampela samting bilong komyuniti stret. Olsem liabreri na ples bilong singsing."

Ol yangpela i wokabaut i go long wanpela raun wara klostu long setelmen ol i kolim long Salton Sea.

"Dispela raunwara em smel nogut tru.

"Na mipela wokabaut i go klostu long dispela solwara na mipela painim planti tausen ol pis i dai na sting pinis long nambis. Na em tasol i wok long mekim ples i smel nogut tru," Tolly i tok.

Bihain ol i lainim olsem Salton Sea (Inland Sea) i gat planti kemikel posin i kam long ol agrikalsa eria na kamapim smel nogut ya.

Ol mangi i wokim longpela raun i go long namel bilong

Amerika. Long Oklohama, ol i lukim wanpela grup pipel i wanpisin ol i kolim long "Amish". Samting olsem 300,000 Amish pipel i stap long 50 stets long Amerika.


Ol dispela lain i narakain pipel tru. Ol i no yusim ol hos na wagon long raun long en na i no long kar.

Maski ol pawa lain i stap long ol komyuniti bilong ol, ol Amish pipel i no save yusim papa long ol hau bilong ol. Ol i no save gat ol ka bikos ol yet i no laik.

Ol mangi i lainim tu olsem ol Amish pipel long Amerika i strongpela Kristen na bilip long Baibel olsem em i save givim ol gutpela skul long pipel i stap long en.

Olsem na ol i bihainim ol tok na skul long Baibel na wok bung gut wantaim olsem komyuniti. Ol i save wok hat tasol ol i no save laik kamap ol bikman. Na ol i no save laik bai ol i kisim poto long ol.

Moa long neks wik...



SAVE LONG SINDAUN BILONG AMERIKA: Lukluk long baksait em wanpela bas haus we wanpela famili i silip long en.



NOGAT HAUS: Turangu man hia em i nogat haus na karim ol kago bilong em raun long wanpela wiwil bilong stua.

Edukesen na Smol Bisnis Dvelopmen Senta sainim agrimen

Veronica Hatutasi i raitim

Dipatmen bilong Edukesen na Smol Bisnis Dvelopmen Koporesen (SBDC) bai wok bung wantaim nau long givim bisnis trening i go long ol yangpela sumatin insait long ol skul long kantri.

Dispela i kamap bihain long Edukesen Dipatmen na SBDC i sainim wanpela agrimen long dispela wik. Aninit long agrimen, tupela bai wok wantaim long kisim bisnis program i go long ol teknikal na vokesenel skul.

Bisnis trening program em ol i kolim long "Know About Business" (KAB) o Save long Bisnis em i wanpela trening program we bai kamapim bisnis kalsa long Papua Niugini (PNG) taim em i promotim aweanes, namel long ol sumatin long ol sans na salens na ol yet i kamapim wok bisnis. Na wok ol bai mekim long rot ol i go long em long bihain taim na ekonomik na



AMAMAS: Dokta Pagelio i amamas long wok patna wantaim SBDC na ILO.

sosel dvelopmen long kantri.

Eria insait long Edukesen Dipatmen we bai lukim dispela program i go het em long Teknikal na Vokesenel Trening o TVET.

Seketeri bilong Edukesen, Dokta Joseph Pagelio long taim bilong sainim MOU agrimen wantaim SBDC i bin tok PNG TVET kurikulum dvelopmen i karimaut bikipela wok long kisim i

go insait "entrepreneurship" o strongim tingting long wokim bisnis dvelopmen long ol trening program long ol vokesenel senta na bisnis kolis.

Em i tok KAB em i program bilong Intanesenel Leba Ogenaisesen na planti kantri long wol i yusim na em i wok.

Em i tok saining long dispela wik em i wanpela rot bai helpim strongim tingting long

wokim bisnis trening bilong planti pipel long kantri.

Olsem a em i tok bikipela salens em rot long pulim ol yangpela greduet long stap na wok long ol rurel eria.

Dokta Pagelio i tok em i amamas long wok patna wantaim SBDC na ILO tasol bikipela samting em samting ol i sainim long pepa i mas karim kaikai na save na trening i mas go long ol sumatin.

Long wankain taim, Ekting Menesa bilong SBDC, Steven Maken i tok bikos Edukesen Dipatmen i gat netwok long olgeta hap bilong kantri, ogenaisesen bilong em i amamas na i bilip olsem KAB program we tupela (Edukesen Dipatmen na SBDC) i sainim agrimen long em bai go gut.

Em bin tok tupela bikipela samting we KAB ai kamapim em long dvelopim gutpela tingting long bisnis na "self employment" long populesen we i tagetim ol yut long sekonderi na vokesenel skul long lukim bisnis na "self employment" olsem rot ol i ken wok long en.

Singaut long YUNITEK long wokbung na kamapim senis

SINGAUT i go long ol sumatin, ol woklain na ol stekholda bilong Yunivesiti bilong Teknoloji bilong Papua Niugini (UNITEK o YUNITEK) long Lae, Morobe Provins, long kamapim gutpela senis na larim gutpela piksa bilong dispela wanpela long ol bikipela skul long kantri i kamap bek.

Vais Sansela bilong YUNITEK Misty Baloiloi i bin tok dispela long greduesen seremoni las wik Fraide.

Dispela em bin bikipela greduesen tru long histori bilong YUNITEK we i bin lukim moa long 700 sumatin i greduet wantaim ol digri, na diploma bihain long pinisim 4-pela yia bilong yunivesiti skul.

Tripela bilong ol i bin kisim Mastas Digri long Filosofi taim 8-pela i kisim ol pos greduet digri.

YUNITEK i bin gat hevi long stat bilong dispela yia taim ol woklain i bin lusim wok bikos ol i no amamas long sampela eksekutiv bilong YUNITEK i paulim mani na tu, ol (woklain) i bin laikim bai ol i stretim ol alauwens bilong ol.

Olsem na long tripela wik, stop wok i bin kamap na skul i bin stat leit.

Mista Baloiloi i bin singautim olgeta grup long kempus long tanim dispela yia i kamap gut na gutpela piksa bilong skul i ken kam bek, mekim wok painimaut long ol samting i no bin stret na givim mekim save long ol lain i bin asua.

Sansela Philip Stagg i bin tok aninit long ol kos na program, YUNITEK i wok long inapim ol wok bilong em long trenim ol woklain husat bai helpim long ol wok dvelopmen bilong PNG.

Em i tok trening bilong ol wok manmeri em i wanpela long ol gol bilong Midium Tem Dvelopmen Plen 2006-2010 long PNG na YUNITEK i wok long tanim ol driman i stap aninit long dispela plen i karim kaikai.

Long wankain taim, Komisina bilong Haia Edukesen, Simon Kenehe i no wanbel long Nesenel Gavman bilong no givim bikipela tingting na sapot long Haia Edukesen tasol fokus strong long Praimeri na sekonderi edukesen.

Wingti mekim wanem kain pasin?

Dia Edita,

Mi wanpela man long Dei kaunsil eria bilong Westen Hailans Provins (WHP). Mi komplem long gavman bilong Paias Wingti long em yet i save tok mi laik kilim korapsen tasol long ai bilong mi yet mi lukim Wingti i promotim korapsen long W.H.P.

Olgeta kar bilong Provinsel Gavman Wingti i salim i go long ol wan wan sapota bilong em na ol i rausim plet namba bilong gavman na nau ol i putim praivet plet namba bilong ol na ronim ileksen bilong

Wingti long W.H.P.

Planti ol arapela samting tu, narapela memba o minista i mekim wok, Wingti i giaman putim skin nating.

Mipela ol pipel bilong W.H.P mipela olgeta holim sampela kon fri edukesen kad bilong Wingti yet. Wingti konim mipela tasol God em save Wingti em trupela lida o em giaman lida. Bai yumi lukim na skel long Julai 2007, em tasol.

**MAISO MOKE
DIRTY WARA DEI
W.H.P**

Buk bilong propet Daniel na Revelesen toktok long ol samting kamap nau long wol

Dia Edita,

Mi yet mi save rait planti long dispela niuspepa na planti yupela save kolim mi olsem strongpela raita na mi laikim yumi rit na rait long tok bilong God we bai helpim ol narapela manmeri na femili i stap long hevi na pasin tudak.

Long wol tude yumi

lukim planti hevi i stap na profesi bilong Daniel long sapta 7 na Revelesen 13,17,22 i kamap ples klia na wan wol gavman bai kamap long Yurop nau.

Sapos yu laik save Jemeni (Germany) em husat, mi ken tokim yu long Baibel em Asiria na Italy em Babilon, Manase em Amerika (America) Efrem em Inglan (England),

Australia na Nu Silan (New Zealand).

Dispela ol samting nau i kamap long ai bilong yumi na noken pret. Yu mas prea plan-ti na fas long maunten wantaim wara tasol na toktok long papa God bikos em i spirit- Amen.

**JOHN KRISAKI
WEWAK
E.S.P**

Menyamyama memba no tingim ples lain

Dia Edita,

Mi wanpela mangi Yavex long Morobe Provins na mi laik komplem long Memba bilong Menyamyama Open. Mi lukim rot bilong Menyamyama i bagarap olgeta. Mipela ol papamama, yupela ol yangpela i no wanbel long dispela rot bilong yumi long Menyamyama, yumi i gat Memba tu o nogat? Menyamyama em bikpela distrik we em save apim nem bilong Morobe.

Na tu, yu memba bilong Menyamyama, yu mas save yu kisim bikpela namba long ol pipel na yu kamap memba na yu i stap long Mosbi.

Insait long 5-pela yia taim mipela pipel bilong Menyamyama i no lukim han mak bilong yu. 5-yia baset bilong Menyamyama em save i go long we? Insait long Menyamyama i nogat stesen na ples i no divelop, nogat tru. Nogut memba bilong Menyamyama i dai pinis na yumi i stap.

Orait nau em 2007 yu tingim gut na yu kam traim gen, sori long yu stret. Yu mas holim mani bilong yu long 5 yia taim. Yu bai kam planim kaikai long ples.

Insait long Aseki na Menyamyama plis i nogat han mak bilong yu stret. Sampela ol memba ol i wok long divelopim ples bilong ol, Olsem wanem long yumi Menyamyama pipel? Mipela makim yu, i no bilong yu long go groim bel bilong yu long Mosbi.

Mipela makim yu long divelopim ples. Yu laik kam long stesen yu tingting gut na kam, yu i gat han mak orait yu i mas kam.

Dispela em bikpela bel hevi bilong mipela papamama na yangpela tu.

Mi mangi long ples, nau mi stap long Bialla W.N.B.P.

**YAVEX BOY
BIALLA**

Tingim memba long 2007 nesanel ileksen long Markham Open

Dia Edita,

Mi laik sapotim toktok bilong brata Jeffery Manga long Wantok Niuspepa long pepa namba 1706. Brata mi pikinini wantok stret na mi sapotim olgeta toktok bilong yu me trupela toktok yu no giaman.

Mi pikinini wantok na nau mi laik apil long olgeta brata na susa na papa wantaim mama na olgeta pipel

long wod 21 kansel bilong Leron/Wantoat LLG. Plis yumi i gat inap namba long putim lapun papa, Mambon i go long palaman haus na em bai stretim rot na stesen bilong yumi.

Wantoat plis noken larim ol Markham i kisim gen. Yumi safa 15 yia pinis na em inap.

Tingim pikinini Wantoat olsem Steven Mambon. Yupela noken pilai. Sapos ol

Kunai i kisim, ol i no inap tingim yumi.

Noken westim vot bilong yupela long ol skin i dai kendidet. Yumi ol Wantoat i mas sanap strong long kisim dispela sit na noken pilai.

Dispela em taim bilong senisim lida na kala bilong wok divelopmen.

**GUSA YA'AP
LAE
MOROBE PROVINS**

Kon pasin pulap long Hagen

Dia Edita,

Mi wanpela ples mangi long kol ples Maunten Hagen. Mi laik autim dispela komplem bilong mi i go long olgeta manmeri long Westen Hailans olsem, gavana bilong yumi, Paias Wingti, long las ileksen i bin kisim wanpela poto wantaim ol pikinini holim kopi diwai na i stap insait long poto bilong em.

Dispela i soim olsem, sapos mi votim Wingti em bai win na givim fri edukesen na apim prais bilong kopi.

Tasol em i konim mipela gut tru na kisim vot na em i no mekim wanpela samting.

Na nau long dispela ileksen, yumi was gut na votim rait man long halivim yumi long neks 5-pela yia.

Mi bilip olsem sampela gutpela samting bai kamap tasol dispela kon pasin bai i stap yet.

Yupela ol kendidet i noken konim mipela ol grasrut lain.

**KUPA NENT
DETI WARA
WESTEN HAILANS
PROVINS**

PDM bai pinis long WHP

Dia Edita,

Mi wanpela mangi long Westen Hailans Provins (WHP) long Dei kansel eria. Na mi i save raun long olgeta hap na mi harim na lukim olsem ol manmeri long ples bai i no inap votim wanpela man husat i stap long PDM Pati.

Long wanem dispela pati em wanpela giaman pati bilong konim mipela ol grasrut manmeri.

Bipo long 2002

mipela i paul na nau mipela i save na i stap.

Pati lida, Paias Wingti i bin givim mipela sampela giaman kad we i nogat kaikai bilong en olsem na mi i tok dispela pati em wanpela giaman pati.

PDM bai pinis olgeta long 2007 ileksen.

**SOIGA RAPA
KANGE
WESTEN HAILANS
PROVINS**

Maski long pait long sia bilong PM

Dia Edita,

Mi wanpela mangi Sepik mi laik sapotim pas o tingting bilong brata Mark Lupi long Wantok 1706, Epril 5-12 we em i bin tok long noken pait long sia bilong praim minista.

Yes dispela toktok bilong brata Mark em i tru. Na mi i gat bikpela sapot.

Yupela ol memba i noken pait long sia bilong Praim Minista. Papa bilong yumi em Sir Michael Somare.

Long tingting na plen bilong papa God em i bin makim Sir Michael Somare.

Long namba wan taim bikpela jenerel ileksen i bin kamap na papa God i bin yusim spirit bilong em long olgeta pipel long Papua Niugini (PNG) long votim Sir Michael long kamap namba wan praim minista.

PNG em wankain olsem taim ol Israel i bin go kalabus long Isip. Na God i bin makim Holi Moses long kisim bek ol.

Mi laikim Sir Michael long kambek olsem praim minista. Olgeta pipel, yumi mas sapotim Sir Michael.

**STEVEN JOHN
KIMBE**

Dia Edita,

Mi wanpela mangi Wali Amele long Madang Provins na mi laik autim bel pen na wari bilong mi i go olsem. Mi wok long harim long redio na ritim long niuspepa olsem ol Saina wok long bagarapim ol risos bilong kantri i stap olsem an gavman i mas rausim ol Saina long kantri bilong yumi.

Nau yet mipela lain long Madang i wok long pilim hat taim stret. Ol lain long Raikos na Ramu na Bundi i wok long pilim nogut stret. Bikos ol samting olsem solwara, ol pis i wok long sot na ol arapela samting i wok long bagarap.

Han mak bilong God ol Saina i wok long bagarapim i stap. Nau tu ol dokta i painim aut sampela sik long ol lain husat nau Saina wok insait long graun bilong ol.

Bai yu harim redio Madang ol papagraun i wok long tok strong long rausim ol Saina na main kontraksen bai stop tu.


Saina em wanpela industriel kantri. Gavman i rong tu long givim tok orait long ol Saina long kam insait long kantri.

Yu no glasim ol gut na nau ol i wok long bagarapim ol samting bilong graun bilong yumi.

Han mak bilong God wantaim ol pikinini bilong em, yu no luksave long ol. Yu tingting long kisim moni tasol.

Long pinisim toktok bilong mi, mi i laik yumi lukim dispela Baibel ves long 1 Timoti 6:6-10. Brukim dispela tok insait bilong em, Rev 1:18.

**WALI AMELE
MADANG PROVINS**



Yu laik autim tingting bilong yu. Salim wanpela pas i kam long Edita long:

Ol Pas i go long Edita
P. O. Box 1982 BOROKO NCD

Sapos yu save long email, yu ken salim pas bilong yu i kam long: editorial@wantok.com.pg

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bal em i bhainim olgeta to bilong niuspepa.

WANTOK
KOMENTRI

Save bilong husat i strong?

LAS wik Pablik Akauns Komiti o PAC em ol lain komiti husat i save glasim ol gavman opis long sekim sapos ol i mekim wok bilong ol bihainim stret lo bilong kantri i autim tingting bilong em long ol hevi i stap wantaim yumi tude.

Ol i tok olsem gavman i mas tingting strong long dispela bil we i redi pinis long sanapim opis we ol bai kolim Independen Komisn Agensim Korapsen o ICAC (aikek).

Dispela nem ICAC i no nupela nem insait long politiks na gavman bilong PNG. Nogat. Dispela nem i bin stap bipo yet taim Transparensi Intanesenel Papua Niugini (TI PNG), em ol lain husat i save lukluk long pasin lidasip na stretpela wok gavanens, i bin tok strong long kamapim.

Planti kain politiks toktok i bin kamap long sanapim bilong dispela opis long dispela taim, na bihain long en, gavman i no bin go het wantaim dispela bil.

Nau yumi harim dispela wanpela nem gen. Na dispela nem i kamap long maus bilong PAC stret. Dispela em ol lain husat i lukim planti paul pasin i kamap insait long ol bikipela gavman opis.

Long wankain taim, TI PNG yet i ting olsem kantri i mas i gat wanpela komisn olsem ICAC i stap. Tingting bilong Siaman bilong TIPNG, Mike Manning em olsem PNG i mas sanapim wanpela kain opis olsem bikos ol raskol, ol stilman na ol bos bilong ol i wok long painim ol nupela rot bilong stilim mani bilong gavman. Olsem na ol arapela opis bilong strong lo na oda olsem Polis na Frod Skwad i wok long karim moa hevi long holim ol dispela stilman.

I gat ol arapela tingting tu i stap.

Ombudsman Komisina Peter Masi em wanpela long tripela Ombudsman Komisina i tok long tingting bilong em, ol opis olsem polis na frod skwad we i stap pinis i mas strongim wok na save bilong ol bai i nogat nid long sanapim wanpela nupela opis olsem ICAC.

Em tu i trupela toktok, tasol olsem wanem sapos mak bilong polis na frod skwad long holim stilman i nogat moa taim ol stilman i yusim sistem yet long haitim paul pasin bilong ol?

Em nau bai save bilong ol lo opis bilong yumi bai lukim pinis bilong savemak na ol save bilong ol stilman bai go yet.

PAC i tokaut pinis olsem i gat wanpela grup stilman i sindaun long ol bikipela gavman opis na ol i save gut tru long yusim sistem long stilim mani. Gavman bai harim krai bilong ol o nogat?



Senisim ol slek lida nau

NOGAT mekimsave long ol memba bilong palamen sapos ol i no kamap long taim bilong bung long palamen. Dispela i min olsem ol ken kamap long palamen bung long laik bilong ol tasol.

Bipo i save gat rekot long soim sapos ol memba i kamap long bung bilong palamen o nogat. Sapos ol i no kamap long bung orait dispela rekot i save go aut bai ol niustlain i putim aut na ol pipel i ken lukim tru sapos nem bilong memba bilong ol i stap o nogat. Em nau em samting bilong ol pipel yet long stretim wantaim memba bilong ol long taim bilong ileksen.

Nau dispela kain rekot i no moa kam aut long pablik i lukim olsem na ol memba i wok long kamap long palamen bung long laik bilong ol tasol. Long las wik yumi ritim na harim olsem Spika i traim long kamapim miting tasol namba bilong kamapim miting i sot bikos nogat planti memba i kamap long palamen



long statim miting. Olsem na Spika i surikim miting go moa long narapela taim gen.

Dispela em sampela samting we i save kamap we nogat inap namba bilong kamapim palamen miting na Spika i save surikim miting go long narapela taim. Sampela taim sampela memba i no save kamap long miting inap longpela taim tru tasol nogat wanpela samting i save kamap long mekimsave long ol.

Yumi makim ol lida long makim pes bilong yumi long miting bilong palamen long olgeta taim. Ol i nogat hevi long kamap long Mosbi long miting bikos palamen i save baim balus tiket bilong ol olgeta taim long go long ples na go bek long Mosbi long miting. Nogat hevi na nogat trabel long dis-

pela. Miting em bikipela samting bikos ol hevi bilong mipela ol pipel na kantri em ol lida mas toktok long en na stretim. Taim ol i no stap na toktok, em nau hevi i hangamap yet i stap.

Ol minista i save harim tok na salim ol wokman long go mekim ol wok o projek long ilektoret o distrik taim ol i harim long maus bilong ol memba long hevi na wari bilong ol. Dispela i save kamap long palamen miting na minista save kisim ripot na salim pablik sevis long go aut na mekim wok distrik o ples. Sapos memba i no kamap long palamen na toktok, em nau bai nogat man i save long wari na hevi bilong ples o ilektoret bilong em.

Wanpela asua em maski ol memba i no kamap long palamen miting, ol i save kisim fui pe bilong ol long sindaun long miting. Amas taim palamen miting i kamap, ol bai kisim fui siting alawens. Maski ol i no soim pes long miting. Dispela em i olsem ol kisim pei tasol ol no

mekim wok.

Em i klia nau olsem sapos ples o ilektoret bilong yu i no bin kisim wanpela gutpela sevis o developmen, em nau ating memba bilong yu i no save kamap long palamen miting long tokaut bai Gavman na ol Minista i ken harim na traim stretim hevi bilong yu.

Taim sot nau. Olsem na sapos dispela kain hevi i stap pinis long hap bilong yu, noken westim taim, senisim memba nau. Taim bilong ileksen em taim bilong senisim lida.

Noken westim taim wantaim ol lida husat laik amamas raun long kar na pilai laki na dring bia raun. Taim ol pilim ai slip, ol bai slip na lusim miting. Ol kirap gen, go bek long pati ples na amamas raun na kaikai stap. Sampela ol memba no kamap long miting bikos ol i pati tumas na bun slek na ol malolo long haus i stap. Senisim kain lida olsem.

Lida i mas gat gutpela bel na spirit

Lida i mas i gat gutpela pasin bilong larim ol i ronim yu na bai yu no wari tumas na painim rot bilong bekim bek rong ol arapela i mekim long yu.

Dispela em i wanpela bikipela na strongpela kwaliti o mak bilong lida.

Yumi save olsem dispela graun i gat kain kain manmeri pulap. Sampela manmeri ol i gat gutpela bel, spirit, pasin na we bilong toktok na i gat tingting. Sampela manmeri ol i no save tingting gut na toktok.

Olsem lida yumi gat we bilong luksave long ol kain manmeri olsem long ol wiknes bilong ol na tu long ol eria we ol i gat strong bilong mekim gutpela toktok na pasin.

Sapos yumi holim rong bilong arapela stap longpela taim na wari na painim rot long bekim bek bai yumi asua.

Yu mas lusim rong ol arapela i mekim long yu. Dispela em i pasin bilong God. Yumi tu mas holim dispela pasin na bihainim. Lida em i manmeri husat i gat kain bel olsem papa. God i gat bel sori na bel marimari na bel bilong laikim manmeri na lusim rong.

Pasin bilong fogivim rong ol i mekim long yu em i pasin bilong Kraits Jisas. Em i beten long papa i ken fogivim ol man husat

OL PRINSIPOL BILONG GUTPELA LIDASIP
wantaim Evangelist
OHARE JABERE

i wok long birua long em.

Na tu Joseph bilong Baibel we yumi lukim olsem Joseph em i fogivim ol brata bilong em na lusim rong bilong ol. Joseph em i gat gutpela bel na spirit insait long laip bilong em. Joseph em i gutpela piksa laip na wok bilong lidasip.

Yumi ken lukim sampela mak na as tingting bilong nem Joseph long Tok Inglis.

J - Jealous - Ol lain jeles long em

O - Opposition - Ol lain ol oposim o go agensim em na mekim nogut long em

S - Suffering - Em i kisim taim nogut

E- Endurance - Em i go insait long kain kain hevi tasol em i stap strong

P - Prison - Em i kalabus nating long rong we em i no mekim

H - Honor - Em i kisim hona na kamap Praim Minista long Isip (Egypt)

Mi tu mi gat kain nem olsem

taim mama bilong mi, Wianing, i karim mi long liklik ples long Haripmo No 3, Tumbuna papa bilong mi Fruanka Rahuanaka. As tingting bilong dispela nem em i olsem, olgeta memba bilong Foriha famili ol i indai long dispela taim na famili bilong mi i nogat tingting nogut long ol lain husat i birua long ol. As tingting bilong nem bilong mi em i olsem pasin bilong Joseph. Bel kol na bel isi. Famili bilong mi i no bin bekim na kilim ol arapela. Ol i no tingting long bekim bek na kilim ol arapela. Ol i no ting ting long bekim rong ol arapela i mekim. Ol i tok maski long bekim asua arapela, io mekim long mipela. Olsem na ol i givim mi nem long ples taim mama karim mi olsem 'Ibmafia'. As tingting bilong nem bilong mi em i olsem bel isi o bel kol na larim ol i rongim yu. Maski long bekim bek rong.

Arapela i ken tingting nogut i go bek long ol. Olsem na taim mi harim stori bilong Joseph em i tatsim laip bilong mi na mi lukim olsem nem bilong mi long ples i tu wankain-as tingting na mi kisim na holim pas dispela nem Joseph. Em husat i stap kam nau mi stap Joseph.

Lida i mas i gat pasin bilong larim ol man i mekim rong long yu. Yu laik kamap lida bilong ol pipel yu mas redi long karim pen ol bai givim long yu.

Yu i no inap long painim rot long bekim bek rong ol i mekim long yu. Gutpela mak bilong lidasip em long bungim olgeta pipel wantaim na bringim bel isi na stretpela pasin i kam insait long kantri, provins, sios na komyuniti we yu lukautim olsem lida.

Yu holim dispela pasin bai yu kamap gutpela lida tru.

Manmeri i gat dispela kain pasin bilong bel isi na bel sori long arapela bai yu inap bosim ples na kamap lida. I no bilong kamap lida tasol dispela kain pasin i ken mekim yu i stap longpela taim graun na winim sik na wari na stap gut.

Man bilong belhat na kirapim kros bai bungim planti kain hevi long laip na sindaun. Ol liklik toktok i olsem wanpela liklik masis stik we taim em i laik liklik inap long kukim bikipela kunai na bus. Olsem na yumi ms was gut long pasin bilong karim tok na tok baksait.

Olsem lida yu mas holim pasin bilong holim long tingting bilong yu yet sampela samting we yu save inap long kamapim bikipela trabel sapos yu tokaut long arapela. Gutpela long ske-lim gut na tingting gut pastaim na toktok.

Lukim hap tu long neks wik

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela ya 52 niuspepa

Ples: PNG Air: K220.00
AUSTRALIA US\$110.00
ASIA PACIFIC na JAPAN US\$150.00
AMERICA na EUROPE US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Solomon Islands makim nesenel de bilong tingim ol lain i dai

PRAIM Minista bilong Solomon Ailans Manasseh Songavare i mekim pinis ol bikpela tok tenkyu long planti kantri long wol long ol i helpim ol pipel i bin kisim bikpela bagarap bihainim bikpela guria na si bruk o sunami em i bin kamap long kantri long namba tu de bilong dispela mun.

Solomon Ailans i bin makim dispela de bilong sore na holim lotu bilong tingim ol faipela ten foa pipel husat i bin dai long dispela taim nogut.

Moa long siks tausen pipel i bin lusim ol haus bilong ol long Westen provins na planti ol pipel i wok long

stap yet long ol kem longwe long ol ples bilong ol.

Praim Minista Manasseh Sogavare i bin tok olsem dispela tupela bikpela hevi i bin stap olsem ol bikpela bagarap tru em i bin kamap stat long taim bilong namba tu bikpela pait o Wol Woa 2.

Bel bilong mi i op tru long sapot na toktok strongim i kam long ol intansenel komyuniti, long sanap strongim Solomon Ailans gavman long wok em i mekim long strongim bek laip bilong planti tausen Solomon Ailans manmeri husat i bungim dispela bikpela hevi.



(Foto: Chief Mass Communication Specialist (AW) Bill Cowdy, U.S. 7th Fleet Public Affairs /US Blue Ridge)

SPAI BALUS: Bihain long bikpela guria na sunami i bagarapim ol nambis ples bilong Solomon Ailans, i no bin gat inap rot long painimaut mak bilong birua i kamap.

Tasol taim USNS Stockham, wanpela Nevi sip bilong Amerika i kisim oda long go helpim, ol i karim dispela liklik balus nogut nem bilong em Sken Igel (Scan Eagle).

Dispela balus em US nevi i save yusim bilong lai antap tru na kisim ol piksa bilong ol ples long graun bipo long ol i salim ol soldia i go insait. Nau em i wok helpim USNS Stockham long skelim mak bilong bagarap ol pipel bilong Solomon Ailans i sindaun wantaim.

India i pasim hap bilong boda bilong em wantain Nepal

INDIA i pasim pinis hap long boda bilong em wantaim Nepal, taim em i strongim sekyuriti long redi long ileksen long Uttar Pradesh.

Klostu 100 tausen sekyuriti opisa i was long 57 stet konstituensi, long redi long ileksen em bai kamap long Mande, na em i namba wan raun bilong ol ileksen. Samting olsem, 15.5 milien pipel olgeta bai vot bilong makim ol kendidet i stap namel long 922 kendidet olgeta i stap resis insait long noten stet.

Dispela ileksen i kamap namba long dispela faipela yia bilong nesenel gavman na bilong painimaut tu wanem tingting bilong pipel long Kongres Pati nau i stap long gavman na oposisen Hindu Nesenelis Pati, BJP.

Planti pipel i kamap long vot long French Presidensel ileksen

PLANTI vota insait long ol Frens Pasifik kantri na teritori i kamap long vot long namba wan raun bilong Frens Presidensel ileksen.

Oceania Flash i ripot olsem namba i soim olsem dispela bikpela namba i kamap long vot i winim namba bilong pipel i kamap long vot long ol biksiti long Frans yet.

Long Frens Polinesia, namba Frens Hai Komisn i bin kisim pastaim i soim bikpelanamba tru bilong pipel i bin kam long vot.

Bikpela namba tu bilong pipel i bin kamap bilong putim vot bilong ol long Nu Kaledonia, Wallis na Futuna.

I bin gat wankain risal tu i bin kamap long Frans, we Nicholas Sarkozy i go pas liklik long Segolene Royal.

Australia bai stap moa long wok bilong helpim Saut Pasifik

PRAIM MINISTA bilong Australia i tok em bai pinisim dispela polisi bilong Australia, em i no save putim strongpela tingting tumas bilong helpim Saut Pasifik.

John Howard i bin tokaut long dispela long Brisben insait long namba wan raun bilong ol toktok bilong em long ol hevi Australia i wok long bungim.

Em i tokaut long dispela pastaim long kamap bilong ileksen em bai kamap long mun Novemba.

Mista Howard i tok insait long dispela 20 yia i kam, ol difens fos bilong Australia i mas redi long lukim olsem trabel i no ken kamap insait long ol rijen i stap klostu long Australia.

Nu Silan oposisen i sutim tok long Yunaitet Nesens na Fiji

LONG Nu Silan, oposisen mausman bilong foren afes, Murray McCully i sutim plnis ol strongpela tok-tok long Yunaitet Nesens, long wanem em i bin larim ol lain pis kipas bilong Fiji long wok yet wantaim ol lain ami o fos bilong Yunaitet Nesens.

Stuff NZ i ripot olsem pastaim ol ami i bin rausim na kisim gavman o kamapim ku long yia i go pinis, man husat i bin holim wok olsem UN Sekreteri-Jeneral Kofi Annan i bin givim tok lukautim olsem bai ol i tokim Fiji long lusim ol wok bilong Yunaitet Nesens pis kiping wok, sapos ami i bin rausim gavman o kamapim ku.

Tasol long dispela taim Fiji i gat samting olsem 300 soldia i stap yet long Irak, husat i wok long lukautim kompaun bilong Yunaitet Nesens long Baghdad.

Mista McCully i tok olsem dispela kain pasin em UN i wok long mekim long yusim yet ol soldia husat i bin rausim gavman bilong Fiji i no bihainim lo na em i rong olgeta.

Em i tok tu olsem pasin em Yunaitet Nesens i bin mekim long noken mekim ol strongpela toktok no laikim long dispela ku long Fiji em i no gutpela pasin tru.

OXFAM Nu Silan i no amamas wantaim Yuropien Yunien

WANPELA lain NGO grup long Nu Silan, OXFAM i tok olsem ol ailan kantri bilong Pasifik i wok long kisim taim o painim hevi bihainim ol strongpela tambu em Yuropien Yunien i bin putim bai ol i mas bihainim aninit long ol wok bilong baim na salim ol samting o tred.

Oxfam Nu Silan i tok olsem i luk olsem ol i pusim: ol liklik ailan kantri long bihainim ol lo bilong frit red agrimen maski sapos ol i no gat laik long bihainim ol dispela lo na tu sapos dispela inap kamapim hevi long ol kantri bilong ol yet.

Eksekutiv Dairekta bilong OXFAM long Nu Silan, Barry Coates, i tok olsem wanpela ripot em ol i bin mekim long dispela kain fri tred agrimen i soim olsem Yuropien Yunien i no mekim ol senis liklik wantaim ol wok bilong frit red wantaim ol Pasifik Ailan kantri.

Mista Coates i tok olsem dispela kain pasin i stap yet maski sapos ol ailan kantri bilong Pasifik i wok long traim long kamapim ol samting em i ken helpim ol yet.

Pacific BEAT

4. 5. 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



SAVE LONG KANTRI SAINA

Stat long neks wik bai yu ken ritim laipstail stori bilong Pipels Ripablik bilong Saina (PROC). Edita bilong Wantok Niuspepa Neville Choi i bin raun i go long wanpela tripela wik progrem long lainim long Saina na ol pipel bilong en. Painim aut moa long laip, sindaun na kalsa bilong Saina na ol driman na hevi bilong en. Insait long piksa antap, ol kung fu man i makim pilai bilong stori bilong Kung Fu. Ol i soim dispela long wanpela bikpela tieta ol i kolim Red Tieta long biksiti Beijing. Painim aut moa stat long neks wik.



PNG nogat namba

...Em stap turangu kantri tru

Yakam Kelo i raitim

PAPUA Niugini (PNG) em wanpela turangu kantri tru. Tok Inglis ol i tok 'poor'.

Em i sot long planti samting. Long ai bilong ol bikpela kantri long wol olsem Australia, Ingran, Amerika, Japan na arapela ol i lukim PNG olsem sori kantri we em i sot long planti samting. Tasol long maus bilong yumi ol PNG yet, yumi save tok, mipela i no sot long wanpela samting. Graun i stap, go bek na brukim graun na bai kaikai na mani i kamap.

Helt Sevis

Tasol long ai bilong ol arapela bikpela kantri, ol i no sut long dispela. Ol i lukim olsem laipstail o sindaun bilong ol pipel i no kamap long mak bilong gutpela sindaun. Nogat gutpela helt sevis olsem na ol pipel i sik na dai hariap. Sik malaria na TB i gat marasin tasol sik i save kilim yumi. Em sain bilong PNG olsem sori kantri. Planti mama i karim bebi na ol i dai o bebi i dai. Nogat marasin sevis long helpim ol dispela mama na bebi. Em piksa bilong sori kantri. Olsem na sik i daunim gutpela laip na sindaun bilong pipel tru.

Laip bilong yumi ol pipel bilong PNG i save go kamap tasol long 50 na planti i save dai long lapun o sik. Yumi no abrusim 50 na go olsem 80 olsem ol lapun bilong Australia, Japan, Amerika na Ingran, nogat. Laip bilong ol PNG i save stop tasol long 50. Em piksa bilong sori kantri yumi stap long en.

Edukesen

Pasin bilong save long rit na rait i kamap olsem wanpela bikpela samting nau long laip na sindaun bilong yumi ol pipel bilong tude. Sapos yu save long rit, bai yu ken save long mekim gutpela samting long helpim yu yet o kisim klia tingting long ol samting i stap na bai yu mas long mekim. Sapos yu save long rit, bai tingting i klia long klinim haus na mekim ples i stap klin na bai yu ken abrusim ol sik nabaut olsem kus, pekpek wara, malaria na arapela moa. Nau em taim bilong mani na yumi mas save long rit na rait long mekim samting bilong salim na mekim mani. Sapos yu save long rit na rait, save bilong yu bai op long stretim gut sindaun bilong yu na famili.

Dispela em wanpela hevi ol bikpela kantri i ting PNG i stap aninit yet long edukesen olsem na laipstail bilong yumi i no kamap gut yet. Taim komyuniti i pulap long pipia olsem spet buai nabaut long rot na ol ples na sik nabaut i ron o yumi mekim kainkain bikhet o krangi pasin nabaut oraik dispela i soim olsem edukesen level long tingting bilong yumi i no op yet. Skul bilong yumi i daun yet. Long dispela as ol bikpela kantri i ting PNG em turangu kantri.

Planti asples bilong yumi i stap longwe tru long ol bikbus, bik maunten we rot i hat long go bikos long maunten na bikpela wara samting. Olsem na skul o helt sevis i save hat tru long go long planti tausen manmeri long ol dispela kain ples. Olsem na laipstail bilong yumi i daun tru. Yumi save olsem ol asples bilong

yumi pulap tru long kaikai bilong gaden na bus tasol yumi no save long kukim gut na mekim gutpela sup bilong strongim bodi bilong yumi egensim ol sik nabaut. Long dispela as, planti asples bilong yumi long ol bikbus na maunten hap bai i no inap kisim gutpela sevis olsem rot kar, bris, ples balus, skul na haus sik samting, bai laipstail bilong ol i daun yet long mak na level bilong gutpela laipstail. Long PNG yumi tok ol pipel i gat planti graun na planti kaikai tasol ol i no yusim ol dispela gut long stretim gut laip na sindaun bilong ol.

Taun na Setelmen

Insait long ol taun na siti tu, planti pipel i no sindaun gut o mekim samting stret. Ol i karim kain kain stail na pasin i kam na mekim ol setelmen long sait sait na kamapim planti trabel long lo na oda, pasin pamuk na sik nogut bilong gonoria na sik AIDS i kamap na planti arapela moa. Long ol setelmen i nogat gutpela wara saplai bilong ol pipel i kisim long waswas gut na klinim ples i stap gut, nogat gutpela baret na ples i smel nabaut long baret wara na toilet we i sanap klostu klostu nabaut. Ol yangpela i wokim kainkain stail olsem smokim spak brus, wokim hombru na kilim skin bilong ol yet. Em ol piksa bilong yumi i no kamap gut long wanpela gutpela mak yet. Edukesen i sot yet long het bilong yumi. Gavman bai traim long givim wara na pawa sevis long ol setelmen tasol dispela samting em i gat kampani o bisnis i lukautim na yumi mas peim sampela fi long kisim wara na

pawa. Nau kaikai i sot, nogat mani, raskol na pamuk pasin i kamap.

Pasin tumbuna

Planti pasin tumbuna na kastom bilong yumi long PNG i sut long pasin bilong soim rispek long arapela manmeri o noken mekim nabaut long ol samting long bus, wara o graun. Lukautim ol gut. Sapos yumi bhainim dispela pasin bilong rispek na mekim gut long ol arapela na ol samting, bai yu no inap painim birua o kisim sik nabaut bilong kastom o sanguma. Bai yu stap gut na amamas. Sapos yumi holim dispela kastom o pasin bai yumi no inap stii long haus bilong arapela o pulim meri long rot o sindaun les nabaut. Bai yumi wok hat long wokim haus na sapim kanu, brukim graun long mekim gaden na planti arapela samting ol manmeri i mas mekim long painim kaikai. Dispela inap apim nemi bilong yumi liklik long pasin bilong rispek na lukautim gut ol samting i stap gut. Taim save bilong edukesen i kamap, em nau yumi ken mekim arapela gutpela samting moa long kamapim gutpela laipstail na sindaun. Taim sevis bilong helt i kam, yumi save long lukautim ples na bodi bilong yumi long abusim ol sik nabaut na stap gut.

Lidasip

Nau em i nupela taim na lidasip em bikpela samting long wokabout bilong yumi i go insait long apim dispela nem nogut o level bilong yumi we i daun tru. Lidasip em yumi yet na husat i go pas i mas tingim ol kain hevi yumi wok long toktok long en ya. Em i mas wok hat long opim rot bilong sevis na divelopmen i kam long rausim ol hevi pipel i stap long en. Opim dua long pipel i mas save long rit na rait na kisim gutpela marasin bilong stretim laip na sindaun bilong ol.

Politiks Disisen

Olsem na taim lida i kamap, em i mas mekim ol politiks disisen we ol pipel i stap insait long en. Em i mas rausim na daunim dispela nem nogut bilong PNG olsem yumi em turangu na sori kantri.

Sevis

Taim ol dispela bikpela sevis i kamap na ol pipel i stat long kisim, em nau bai sampela gutpela divelopmen na senis bai stat

long kamap. Taim ol pikinini i kisim gutpela edukesen, em nau ol bai skulim ol papamama long lukautim ol yet gut long abrusim ol sik na hevi nabaut, mekim samting stret long kamapim gutpela laipstail na arapela moa. Sapos ol i kisim wok long taun, em nau ol inap givim sampela long papamama long ples long baim sop bilong wasim gut ol kolos, baim gutpela kolos bilong werim na sampela gutpela samting bilong stretim gut sindaun bilong ol. Em nau tingting bilong mekim mani bai op we ol bai stat long kamapim sampela gutpela samting long graun bilong ol yet na salim long taun long mekim mani.

Helt na Edukesen em tupela bikpela samting we i mekim o kamapim bikpela senis long laip na sindaun bilong yumi ol manmeri tude. Taim yumi kisim gutpela helt sevis, em nau yumi stap amamas na yumi i fit long mekim ol kain kain wok bilong helpim sindaun bilong yumi na famili. Taim yumi kisim gutpela edukesen, em nau save bilong yumi i op i go moa long kisim yumi i go long ol gutpela senis. Save bilong mekim gutpela disisen long laip na sindaun bilong yumi i kamap na yumi lukim gutpela senis long yumi na famili na komyuniti bilong yumi wanwan. Taim dispela tupela samting i stap em nau arapela sevis bai i kamap gut olsem wara sevis bai ron gut bikos yumi save long mekim dispela wok bilong pulim wara na stretim gut long yumi yusim.

PNG i no turangu long graun na kaikai na wara, nogat, em i turangu long rait sevis bilong kirapim gutpela sindaun na laipstail bilong pipel. Pipel i mas abrusim ol sik nabaut, ol mama na bebi i noken dai nating nating long taim bilong karim, yumi mas save long rit na rait long mekim samting stret.

Tingim, PNG i no moa stap em yet olsem bipo taim bilong tumbuna. PNG i stap pinis namel long ai bilong planti kantri long wol. Olsem na yumi no inap hait. Yumi mas kam aut na wokabout ples klia tu long mak na level ol tu i ron long en. Maski yumi no kisim mak stret, tasol yumi mas kirap isi isi na go het.



Sandy bai go bek long Scotland bihain long 59 krismas

...93 krismas na i no aut yet



STRONG YET: Sandy Sandbach, (namel) i sindaun long kisim poto wantaim tupela-wok lain bilong Pot Mosbi Jenerel Haus Sik.

Noreen Dada i raitim

EM sindaun long ol step ausait Wod 8 long Pot Mosbi Jenerel Haus Sik (POMGH) taim mi lukim em long namba wan taim.

Em lapun tru na mi pret olsem nogut askim bilong mi bai mekim em sotwin na les na bai i no inap stori gut.

Em gat 93 krismas, em lapun tru tasol tok pani bilong em i nara-pela kain na laik bilong em long toktok i moa tru na dispela mi painim aut bihain long toktok wantaim em moa.

Sandy Sandbach bilong Scotland, em i dispela lapun man husat i painim em yet insait long haus sik bihain long em i bin gat

sampela hevi long sait bilong lek bilong em.

Olgeta manmeri i gat stori bilong ol yet na mi ken tok stori bilong Sandy i narakain tru.

Mama bilong Sandy i bin karim em long yia 1914 long Scotland na Sandy i bin soldia long ami bilong Briten bipo em bin kam long Papua na Niugini (nem kantri i bin gat long taim bipo

independens) long Australia long yia 1948.

Sandy i bin gat 24 krismas tasol taim em krungutim graun bilong Mosbi.

"I bin wanpela hap tasol we mipela ol lain long arapela kantri i mas kam long en na dispela hap em Mosbi na namba wan haus bilong mi i bin long Konedobu.

"Mi kam long wok aninit long Australian Niugini Administretiv Yunit (ANGAU) we wok bilong mi em long go pas long kamapim ol bris na rot long Sentral Provins.

"Namba wan wok mi wokim em mi wokim rot namel long Mosbi na Rigo na mi go het long mekim rot i go long Samarai tasol nau dispela rot i lus nating.

"Taim mi wokim rot i go long Rigo, mi kirapim tu bris we i nau sanap long Bereina-Angaba.

"Wok bilong mi long PNG i bilong kirapim ol bris na rot na dispela wok i kisim mi go long planti provins long kantri," Sandy tingim bek.

Sandy i gat gutpela tingting tru we em bin inap long tingim bek ol samting we i bin kamap long laip bilong em 60 yia bipo taim em bin stap olsem komanda long ami bilong Briten na pait insait long ol kain kantri olsem Burma (nau Miyama), India na Indonesia.

"Mi tingim long 1942 taim mipela pait insait long Indonesia na ronim ol lain Japan long hap.

"Japan i bin rausim olgeta bisnis na helpim bilong em long Indonesia.

"Dispela taim mi sevim insait Indonesia i bin taim mi senis lotu bilong mi long Katolik i go long Muslim," em i tok.

Maski save bilong em i long kamapim rot na bris, dispela i no stopim Sandy long wokim ol arapela wok long PNG olsem man lukautim fainens na spots menses na kosa.

Taim em stap insait long Hailans (we em tok lsten Hailans em

provins em stap long-pela taim long en) em bin lukautim ples ol save mekim bret, skon na bisket long Goroka Taun.

Bihain long dispela em kam bek long Mosbi long yia 1960s we em wok olsem Dairekta bilong Estet (haus), Bilding na Graun long Yunivesiti bilong Papua Niugini (UPNG).

Tasol bikpela samting we i kirapim gutpela tingting long em, em taim em givim long spot.

Samting we i save mekim Sandy amamas long tingim em long go pas long karim wanpela tim (bilong ol PNG pipel tasol) go daun long Australia long pilai hoki (hockey).

"Mi namba wan man bihain long Wol Wo 2 long kisim wanpela spot grup bilong ol lain bilong PNG yet long pilai insait 19 XX Kwinslen Hoki Sempionsip," em i tok.

Mi kosa bilong tim na mi tingim bek olsem planti pipel i save ron-awe long ol divisen A na B gem long kam lukim mipela ol PNG pilai long divisen C we mipela save ron hariap tru na i no westim taim long paitim bal, em i tok.

"PNG winim divisin bilong em na mi ken tingim dispela de yet," Sandy tok wantaim smail.

Dispela lapun man husat toktok isi tru na painim hat long harim toktok i save gut tru long Motu na tok samting we i laikim tru long PNG em gutpela pasin bilong ol manmeri.

"Taim mi stap ausait ol pikinini save kam ron long mi na tok, em ya, bubu, K1 o K2 bilong yu - ol pikinini mi no save long en na ol no save long mi.

"Mi luksave nau mi lapun olsem ol pipel bilong PNG ol gutpela lain tru husat tingim ol arapela," Sandy i tok.

Sandy i bin kam long POMGH wantaim skin hat na kol na wantaim tupela lek bilong em solap.

Em 5-pela wik nau em stap long Wod 8 na wantaim olgeta de wok long kamap mo beta.

Long stap longpela taim insait long kantri mi i no inap holim bek neks askim bilong mi na mi askim em sapos em bin marit na i gat pikinini.

Em lap nogut tru na tok, "Mi no bin marit, mi nogat pikinini olsem na yu lukim mi stap fit na stap longpela taim tru - dispela em namba wan tok hait bilong mi."

Sandy plen long go bek long Scotlan long stap wantaim kandre (niece) bilong em taim kisim bek strong bilong em.


Sista husat go pas long lukautim Wod 8, Serina Tamita tok Sandy i bin sik nogut tru taim em kam long haus sik we em tok i bin nogat man long lukautim em.

"Em i no kisim longpela taim long mipela luksave olsem em man long toktok tru.

"Sampela taim em save tok em no laik go bek long Scotlan na laik stap long hia na mipela save sore long harim dispela," em i tok.

Em ol lain olsem Sandy husat stap longpela taim insait long kantri na putim bikpela hat wok long kamapim kantri na em sore planti wok bilong ol i no kisim luksave em mas kisim," Sister Tamita tok.

Smart Banking



More convenience Smart Banking

Call into your nearest BSP branch or phone 180 1212 to get full details on the new range of Smart Banking products to be launched soon



www.bsp.com.pg

Save Bilong Helpim



Save Bilong Helpim

Ol Milenium Developmen Gol (MDG)

Populesen bilong PNG

NAMBA bilong olgeta man, na pikinini long Papua Niugini (PNG) i sanap klostu long 5.7 milien.

Long yia 1970s kam inap nau, populesen bilong kantri i wok long gro long 2 pesen (%) na moa olgeta yia. Gro bilong populesen long nau taim i wok long gro long 2.3% long wan wan yia tasol dispela i mak i ken antap liklik.

Reit o mak bilong ol meri karim i antap liklik na long dispela yu bai painim olsem 40% long populesen i stap aninit long 25 krismas. Dispela i min olsem i gat planti ol yut husat i nidim sapot na hai level bilong ol pikinini husat mama i karim ol. Dispela kain mak insait long populesen i ken tok sapos yumi olsem kantri i winim olgeta bilong ol Milenium Dvlopmen Gols (MDG).

Moa long neks wik...

Sotpela Tok Skul

Skrum tok long Infomel Bisnis

OL lain husat i salim pis na mit mas:

1. Noken salim mit long ol enimol husat i gat bikipela sik
2. Lukim olsem mit ol baim i kam long ais bokis bilong wanpela stua o supamakot
3. Lukim olsem ol putim mit o pis ol baim long salim insait wanpela eski we i gat ais o long ais bokis

Sapos ol no wokim dispela 4-pela samting, ol lain ken bungim K50 sas.

Long wankain taim, ol lain husat salim ol enimol we i stap laip yet mas:

1. Putim dispela enimol insait wanpela keg (cage) o putim rop long en sapos em enimol olsem bulmakau.
2. Rausim pekpek bilong enimol long wanem hap em toilet na klinim ples em stap long en
3. Noken salim ol enimol we i stap laip yet arere long ples we ol arapela lain i salim kaikai.

Sapos wanpela i no wokim dispela tripela samting, ol inap long bungim K50 sas.

Moa long neks wik...

Susu bilong mama i nambawan

Noreen Dada i raitim

Gutpela samting susu bilong mama gat: Sampela samting we i no mekim susu bilong kau orait:

- I gat inap nutrient o spesol marasin bebi i mas gat long gro hariap
- Susu i save lusim bel bilong ol bebi hariap wan-taim nogat hevi
- Susu bilong mama i gat tripela taim daunblo long gris o protin insait long en
- Save givim 43 pesen (%) enaji o strong long bebi
- Casein (wanpela kain protin long susu) i save kamapim strongpela bal long bel bilong bebi we i mekim i hat long bebi rausim susu long bel bilong em
- I save tasol 23% enaji o strong

LONG fes 4-pela mun i go 6-pela mun long laip bilong ol

bebi, susu bilong mama i inap long givim gutpela kaikai ol i mas gat long stap helti.

Ol arapela dring o kaikai olsem susu bilong kau yu baim long stua, wara bilong ol prut, wara bilong ol gaden kaikai o kumul o hap strong kaikai we yu givim long bebi long dispela taim bai i no inap kisim ples bilong susu bilong mama.

Dispela em hap tok we i kamap insait long Wol Helt Ogenaisesen (WHO) Kod Atikel we ol go het long tok ol mama mas givim susu long ol fes 6-pela mun long bebi bilong ol we ol tok dispela i namba wan presen ol mama i ken givim ol bebi bilong ol bikos ol bai helpim long banisim bebi bilong ol long kisim sik.

Dokta long Papua Niugini (PNG) husat go pas long lukautim helt bilong ol meri na Presiden bilong PNG Medikel Sosaiti, Dokta Mathias Sapuri i tokim *Wantok Niuspepa*, planti

mama i go het long givim susu bihain long 6-pela mun we ol givim tu ol arapela kaikai.

"I gat ol mama husat i no inap long givim susu o i no save givim susu long bebi bilong ol we sampela as long dispela em bikos ol gat hevi long sait bilong helt bilong ol yet, kisim na lukautim bebi bilong narapela (pasin planti long PNG i wokim), dai bilong mama o longpela taim em kisim long ol mama i mekim susu insait bros bilong ol," em i tok.

Dokta Sapuri i tok sapos wanpela bilong dispela kamap, ol mama i ken yusim fomula o spesol marasin pauda susu ol salim insait long stua tasol bipo dispela i kamap, dokta bilong mama mas toksave long wanem kain samting em bai bungim long fainens na sosel laip bilong em na bebi.

Tok piksa bilong dispela em, sapos mama i lukluk long

givim fomula olgeta taim, ol mama bai baim moa long wanpela 450 grem long wan wan wik long givim bebi bilong ol, em i tok.

Em i tok olse klostu long K20 i go K26 em ol mama bai tromoim long baim 400 grem bilong dispela fomula susu olsem na sindaun bilong famili long sait bilong fainens em ol papa mama mas tingim bipo ol traim long givim tasol fomula susu.

"Tasol ol mama mas luksave olsem susu bilong ol i winim ol arapela susu na tu em i nogat sas," Dokta Sapuri i tok.

Dokta Sapuri i go het long tok sapos ol mama i go het long yusim fomula susu, em bikipela samting ol save long we long redim susu we bikipela luksave mas go long en sapos ol no boilim wara, botol, kap o spun o i no miksim gut pauda susu i ken kamapim sik long bebi.

Raun Lukim ol Meri na Pikinini:



NAIS NA FRES: Naispela pis maket bilong ol yangpela meri na mama bilong Midel Ramu, Madang i save pulim planti lain long em.



OL MAMA I STAP NA WOK I KAMAP: Pes bilong sampela ol Yunaitet Sios mama i save stap sambai olgeta taim long redim kaikai taim ol bikipela sios bung i kamap.

PREISIM BIKPELA: Ol meri i singsing long wanpela sios sevis.



EKSEN SINGSING: Sampela Bogenvil sumatin i wokim eksen singsing long taim bilong wanpela selebresen.

“BE AIDS FREE” COUPON COMPETITION

Send your coupons to: FTC Production, P.O. BOX 961, BOROKO, NCD. TEL: 3254718 / MOB: 6825865

Win "Friends That Care" (FTC) music CD's and Return Airfares to anywhere in PNG sponsored by: AIRLINES (PNG) LTD

Question No. 15: Sapos wanpela man i gat HIV binatang, ol bai isi tru kisim sik tubakulosis o sik TB. Tru o Nogat?

ANSWER

Name: _____ Sex: _____ Age: _____

Address: _____ Contact: _____

PROUD SPONSORS




YUMI FM Radio Program

Program bilong Wanwan De - Mande - Fraide

6am - 10am - Sankamap show - Host: Kas.T
 6:15am - Komuniti Notis Bod
 6:30am - Nius Hetlains / Bondei gritings
 STOP & SHOP GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Powerhaus Hit prediksen
 7:30am - STOP & SHOP GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - YUMIFM Bisnis / Market Ripot
 8:30am - STOP & SHOP GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai)
 9:30am - STOP & SHOP GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack -
 10:10am - Lukatim yu yet - Helt toktok - RH Hyper Mart
 10:15am - Powerhaus Hit Prediksen
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - ESI COOK RICE Belo taim Dedikesen
 12:15pm - Komuniti Notis Bod
 12:20pm - cont'd ESI COOK Belo taim dedikesen
 1:00pm - Nius - YUMIFM Nius Senta
 1:10pm - cont'd ESI COOK RICE Belo taim dedikesen
 1:15pm - Powerhaus Hit Prediksen
 2:00pm - Major Nius Bulletin - YUMIFM NIUS SENTA
 2pm - 6pm - Avinun Draiv Taim - Host: UNCLE ET
 2:00pm - 4:00pm (Tunde / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - NIUS - YUMIFM Senta
 4:10pm - SAUT B'long UNCLE ET - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Nius - YUMIFM Nius Senta
 5:10pm - 6:00pm - FLAME KULCHA (1 hr)
 6:00pm - MAJOR NIUS BULLETIN - YUMIFM NIUS Senta
 6pm - 00am - NAIT BEAT - Host: ANGRA KENNEDY
 6:10pm - 7:00pm Mon kamap sho
 6:15pm - Powerhaus Hit Prediksen
 6:45pm - Komuniti Notis Bod (Toksava wantaim Vaviessie)
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW
 00:00 - Early Monin Taim Cruz (ol lain brukim tulait So)

Wiken lukluk raun long poto...



TAIM BILONG KLINIM NAMBIS:
 Ol planti koporet kampani tu i go klinim nambis long Mosbi olsem ol lain bilong PACOM.



GG I RERE:
 Gavana General bilong PNG wantain High Komisina bilong US i traim putim karamap bilong han long rere long klinim nambis long Mosbi long Taim bilong Wol Graun De.

SP WIKLI HIT HIT PARADE YUMI FM

Date Ending: Saturday: 28/04/07

WB	LW	TW	SONG	ARTIST
1	1	1(17)	Swit Love	Patti Potts Doi
2	2	2(15)	Lite malar	Patti Potts Doi
3	3	3(14)	Auna Forza	Mogai
4	4	4(5)	Talaigu	Patti Potts Doi
5	5	5(5)	Missing Roses	Mogai
6	6	6(5)	Secret	Daville
8	8	7	Tago Urere	Patti Potts Doi
15	12	8	Where Stap Love	Anslom Nakikus
7	7(3)	9	Tau Taine	Nahorau'u
9	9(3)	10	Tara Wai ?	Taita Maraga
11	11	11	Lady Kairuku	Mogai
10	10(4)	12	Esi Madi	Taita Maraga
14	14	13	Meri Nissan	Giveway stringband of Lonahan
0	16	14	Morokea	Gravity
8	12	15	Island Walai	Mr A
13	13(3)	16	Kadis mulai	Junior Insects
16	17	17	Tehine Moana	Nahorau
17	8	18	Tau Noho	Nahorau'u
0	0	19	Nama Mu	Wamo Wamo of Gaivakala
18	19	20	Sangmala Girl	Daville



FEN BILONG POTS: Ol fen bilong Pati Pots i kisim was taim kemera man bilong Wantok i kisim piksa long Taim Pots i pilai long Junction Klub long Holiday Inn.

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE

Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Ales
 7AM Stesen Pas
 7PM Stesen Op
 7.01PM Oi Hetlain na Program Priviu
 7.15PM Musik na Chit-Chat
 7.30PM Nius na Karent Ales
 8PM Helt
 8.15PM Musik/Spots
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Ales
 7AM Stesen Pas
 7PM Stesen Op
 7.01PM Oi Hetlain na Program Priviu
 7.15PM Musik na Chit-Chat
 7.30PM Nius na Karent Ales
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Ales
 7AM Stesen Pas
 7PM Stesen Op
 7.01PM Oi Hetlain na Program Priviu
 7.15PM Musik na Chit-Chat
 7.30PM Nius na Karent Ales
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Ales
 7AM Stesen Pas
 7PM Stesen Op
 7.01PM Oi Hetlain na Program Priviu
 7.15PM Musik na Chit-Chat
 7.30PM Nius na Karent Ales
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Ales
 7AM Stesen Pas
 7PM Stesen Op
 7.01PM Oi Hetlain na Program Priviu
 7.15PM Musik na Chit-Chat
 7.30PM Nius na Karent Ales
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE Nait

7PM Stesen op - Oi Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE Nait

7PM Stesen op - Oi Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femil Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

EM TV TV GAID

FONDE 26 APRIL, 2007

7.30AM G TODAY
 special time
 9.00AM G CREFFLO DOLLAR
 Religious Program
 9.30AM G JOYCE MEYER
 special time Religious programme
 10.00AM EMTV PRIME TIME LINE UP
 2.59PM STATION RE-OPEN

KIDS KONA

3.00PM G WIGGLES
 3.30PM G HI-5
 4.00PM G HOT SOURCE
 4.30PM G THE SHAK
 4.57PM G EMTV TOK SAVE
 5.00PM G THE SLEEPER CLUB
 29P G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G TEMPTATION
 7.30PM G SPORT SCENE
 7.57PM G EMTV TOK SAVE
 8.00PM M 24

9.00PM PG THE SIMPSONS
 The show follows the comical adventures of the Simpson family in the town of Springfield.
 9.30PM M THE FOOTY SHOW
 11.00PM G AFL
 00.10AM G EMTV NEWS REPLAY
 00.40AM Australia Network

FRAIDE 27 APRIL, 2007

5.29AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G CREFFLO DOLLAR
 Religious Program
 9.30AM EMTV PRIME TIME LINE UP
 2.59PM STATION RE-OPEN

KIDS KONA

3.00PM G THE EGGS
 3.30PM G HI-5
 4.00PM G THE SHAK
 new time
 4.30PM G FOREIGN
 EXCHANGE (Return)
 4.57PM G EMTV TOK SAVE

5.00PM G HOT SOURCE
 new time
 5.30PM G FISHING NORTH AUSTRALIA
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G TEMPTATION
 7.30PM G BRONCOS v STORM
 Expert Commentary team: Ray Warren and Andrew Voss, joined by rugby league analysts Peter Sterling, Phil Gould, Matthew Johns and Ben Ikin.
 9.57PM G EMTV TOK SAVE
 10.00PM G IN MORESBY TONIGHT
 special time
 10.30PM M SPORTS DISASTERS
 11.30PM G ICC CRICKET WORLD CUP- AUSTRALIA v NEW ZEALAND
 3.00AM G ESCAPE WITH ET
 3.30AM G AUSTRALIA v IRELAND continues.....

SARERE 28 APRIL, 2007

7.30AM AUSTRALIA NETWORK
 10.30AM PG THE MUSIC JUNGLE

The Music Jungle is a mix of the hottest music clips, behind the scenes features plus viewers own performance videos. Hosted by Asha Kuersten.(Premiere)

11.30AM G THE SHAK Kids series
 Midday G TALK TO THE ANIMALS
 12.30PM G GARDEN GURUS
 2.00PM G SUPER 14: HIGHLANDERS v HURRICANES in New Zealand
 4.00PM G THE CAR SHOW
 4.30PM G THE BOAT SHOW
 5.00PM G AFL
 One-hour highlights of the week's football competition.
 6.00PM G NATIONAL EMTV NEWS
 6.30PM G AUSTRALIA'S FUNNIEST HOME VIDEO SHOW
 7.27PM G EMTV TOK SAVE
 7.40PM G SUPER 14: BRUMBIES v CRUSADERS
 Live Super 14 action from Canberra

10.00PM G IN MORESBY TONIGHT
 10.30PM G EMTV NEWS REPLAY
 11.00PM G ICC CRICKET WORLD CUP FINAL from Barbados

3.00AM G ESCAPE WITH ET
 3.30AM G ICC CRICKET WORLD CUP FINAL
 continues to 7.30am....

SANDE 29 APRIL, 2007

7.30AM EMTV PRIME TIME LINE UP
 8.29AM STATION OPEN
 9.00AM G BUSINESS SUCCESS
 9.30AM G SUNDAY
 11.00AM G SUNDAY FOOTY SHOW
 1.00PM G SURFSPORT: Rip Curl
 2.00PM G WILD ADVENTURES with David Ireland

3.00PM G THE PACIFIC WAY
 4.00PM G SUNDAY FOOTBALL: TITANS v EELS All the action of the NRL season. Your expert commentary team: Ray Warren and Andrew Voss joined by rugby league analysts Peter Sterling, Phil Gould, Matthew Johns and Ben Ikin
 6.00PM G NATIONAL EMTV NEWS
 6.30PM G SEVENTH HEAVEN
 7.30PM G 60 MINUTES
 8.27PM G EMTV TOK SAVE



TORO

TORO BEL BILONG TORO! PEN NA EM RON IGO LONG TOILET...

LONG SEIMTAIM BIKPELA SAIKLON I KAM...TORO INO BISI, EM KILIM SKIN LONG PEKPEK...

SAIKLON I STRONG TRU NA KAMAUTIM LIKLIK TOILET HAUS...

TASOL TORO EM STRONGIM KONA BILONG EM NA SINDAUN I STAP..

AYOO! BAI MI DAI NAU! OOH! BELI BAGARAP?

BRRP! SPLASH!

BRRP!

BIABIA

MERI BILONG BIABIA IPIK IGO LONG BIABIA, TASOL FON BILONG BIABIA I BISI TRU NA MERI BILONG TELEKOM WOK LONG ANSARIM NA TOKSAVE OLSEM FON I BISI...

MERI EM BELHAT NA WETIM BIABIA LONG KAM BEK LONG HAUS... TAIM BIABIA IKAM BEK, KAP I FLAI NA DRUKIM HET BILONG BIABIA...

EM WOK LONG KATIM MI OFF LONG FON NA TOKIM MI OLSEM NAKIBA BILONG YU I BISI NA TOKIM MI LONG TRAMA GEN BIKAIN LIKLIK!! OK??

THE NUMBER YOU ARE DIALING IS BUSY.. PLEASE TRY AGAIN...

EM HUSAT MERI I ANSARIM FON BILONG BIABIA??!

WANEM?

MI NO SAVE!!

GO ASKIM OL TELEKOM?

KANAGE

KANAGE EM SPAK NOGUT TRU LONG NIU YIA NA EM WOKABAUT IGO LONG HAUS BILONG EM...

LONG HAP ROT BAGAI KISIM TAIM LONG DISPIS...

NAU EM LUKIM WANPELA PAWA POS NA GO SANAP KIDSTU NA PEPIS LONG EN...

INO LONG TAIM NA WANPELA POLIS KAR I KANA NA BIKMACS LONG EM...

Hi! HOI RAIT MEEERRR!!!

SPAK PEPIS!

OOHH!! MI FAKARAP LONG FIS-FIS VAH!!

AAAHH!! SIRIKUMI DEM I BIK VAH!!

HEY STUPID! YU SAVE OLSEM EM AGAINST THE LAW, AH?

Hi! MAI PEN... MI TING EM AGAINST THE POST, VAH!!



Nogat as long ol Mosbi bas stop
 Yu save kisim bas tu? Yu save kisim long bas stop stret o nogat?
 Nau yu raun long Mosbi bai yu lukim planti ol bas stop ol bas i no save go long en o stop long en, dispela ol bas stop ol NCDC i putim mani long em long yumi ol pipel i nogat kar bai go stap na sindaun na wetim PMV bas long kam stop na kaisim yumi.
 Nau yet sampela bas stop i stap nating we ol PMV bas i no save go long en, ol kain bas stop olsem long 7 Mail long nupela ples balus na long fri we go olsem long Konedobu maunten. Dispela ol bas stop ating ol NCDC

i mas wokim nating na tu yumi manmeri i no save sanap long ol bas stop stret. Yumi save abrusim ol bas stop na kam sanap longwe we bai yumi ken kisim spes insait long bas. Tok stret na ol NCDC no ken wokim ol bas stop na bai yumi resis long ol bas taim ol i ron yet na klap i go insait olsem ol kau boi.

Midia Snuka lukim fainel
 OL biklain long midia bai go insait long fainel bilong snuka we ol save kolim long SP Midia Snuka. Long las wik ol pilaim ol las gem bilong we bai lukim 5-pela go insait long fainel. Ol boi long Wantok Niuspepa i laki long stap insait long fainel olsem na tok lukaut i go long ol narapela midia long was gut bikos Biabia, Toro na Kanage bai kam wantaim ol bois

bilang ol long sapatim tim Wantok.

K2 o K100 pepa mani?
 Bikipela benk bilong yumi Benk bilong PNG (BPNG) senisim sampela ol mani bilong yumi we yu lukim olsem ol i senisim bikipela K1 i go long ol liklik K1 we ol liklik stua nau i les long kisim ol bikipela K1 tasol ol mama long buai market i kisim yet. Nau tu BPNG i wokim nupela K2 we i wankain olsem K100 pepa mani, kala i wankain liklik, dispela ol nupela K2 senisim olpela K2 olsem na yu mas was gut taim yu gat dispela tupela mani long han bilong nogut yu baim buai long K100 na yu ting olsem yu baim long K2 na buai man bai givim yu senis bilong K2 na em kisim oigeta mani pinis.

Em tokwin tasol...

PAINIM NEM INSAIT

B	U	K	A	I	T	P	O	T	M	O	S	B	I	C	T	K
G	H	U	I	R	E	X	S	A	D	U	Y	I	M	N	O	A
L	E	G	A	B	A	W	E	S	A	M	E	R	E	K	E	V
A	W	E	T	U	I	L	O	P	N	M	S	A	N	G	R	I
E	M	A	D	A	N	G	N	E	V	C	H	O	D	R	T	E
K	A	K	I	A	V	B	N	A	M	W	N	E	I	R	E	N
R	E	B	N	O	X	E	W	B	H	E	U	I	L	R	E	G
A	L	O	T	A	U	A	E	R	G	W	B	N	M	A	S	A
W	E	R	T	Y	I	K	O	A	H	A	D	C	O	K	I	D
A	S	T	R	D	B	O	H	Y	C	K	H	I	P	O	K	A
E	E	W	N	S	A	N	G	R	I	L	A	E	L	R	O	R
B	I	J	U	C	K	E	L	V	A	N	I	M	O	K	O	L
M	K	E	N	T	F	A	R	M	E	S	U	Y	N	G	J	I
I	U	P	N	E	T	I	O	N	M	B	C	Z	E	S	E	D
K	S	U	S	E	P	O	P	O	N	D	E	T	A	I	D	E
W	A	L	L	A	R	O	F	C	I	D	R	O	N	M	Y	J
M	A	L	U	A	B	A	R	A	U	A	G	N	E	R	O	L

Painim ol nem bilong ol dispela biktaun bilong yumi:

KAVIENG	LORENGAU	RABAU	KIMBE
BUKA	LAE	ALOTAU	DARU
POPONDETA		WEWAK	VANIMO
GOROKA	KEREMA	MENDI	WABAG
MADANG	KUNDIAWA	MAUNTEN	HAGEN
POT MOSBI			

ANSA BILONG LAS WIK...

W	A	N	U	S	N	A	L	I	A	H	N	E	T	S	E	W
A																
I	D	A					L	A	R	T	N	E	S			C
S	E	A					I	S	S	E	P	I	K			N
N	S															
U	O															
B	R															
R	B	O	G	E	N	V	I	L								
I	M															
T																
E	N	G	A													
N																
W	E	S	N	U	B	R	I	T	E	N	A	A	A	E		
S	A	U	T	E	N	H	A	I	L	A	N	S	O	R	O	I

ANSA BILONG LAS WIK...

3	8	2	5	6	7	1	9	4
5	4	6	8	9	1	2	3	7
1	9	7	4	2	3	5	8	6
2	3	8	1	5	6	4	7	9
4	5	9	3	7	2	8	6	1
6	7	1	9	4	8	3	5	2
8	2	3	7	1	9	6	4	5
7	1	4	6	3	5	9	2	8
9	6	5	2	8	4	7	1	3

2			6				3	
		1			2	5	4	7
	4			5				
4	9			8	3		5	
			2	1	4			
		2	5	6			7	8
				7			9	
9	1	4	8			7		
	7				6			4

Ol ansa bai kamaut long neks wik so putim was long neks wik pepal!

EMTV TV GAID

8.30PM M **SUNDAY NIGHT MOVIE:**
PANIC ROOM (2002) Drama/Thriller - A mum and her kids are trapped in a "safe room" while dangerous criminals try everything they can to get into the safe room.
 Stars: Jodie Foster, Kristen Stewart, Forrester Whitaker, Dwight Yoakam.
 10.30PM G EMTV NEWS REPLAY
 11.00PM G PRAISE
 Midnight Australia Network

MANDE 30 APRIL, 2007

5.29AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G CREFFLO DOLLAR
 Religious Program
 9.30AM CLASSROOM BROADCAST
 KIDS KONA
 3.00PM G NEW MACDONALD'S FARM
 3.30PM G HI-5
 4.00PM G THE SHAK
 4.30PM G FOREIGN EXCHANGE

4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G TEMPTATION
 7.27PM G EMTV TOK SAVE
 7.30PM G TOK PIKSA
 8.00PM PG 1 V 100
 9.00PM PG WHAT'S GOOD FOR YOU
 10.00PM G PASTOR KINGAL MIN-ISTRIES: "Anointed For Exploits"
 Religious Program
 10.30PM G EMTV NEWS REPLAY
 11.00PM G CHM SUPERSOUND
 Midnight Australia Network

TUNDE 1 ME, 2007

7.15AM G TODAY
 special time
 9.00AM G CREFFLO DOLLAR
 Religious Program
 9.30AM G JOYCE MEYER


10.00AM Religious programme
 11.30AM CLASSROOM BROADCAST
 EMTV PRIME TIME LINE UP
 STATION RE-OPEN
 2.59PM KIDS KONA
 3.00PM G NEW MACDONALD'S FARM
 3.30PM G HI-5
 4.00PM G THE SHAK
 4.30PM G FOREIGN EXCHANGE
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G BERT'S FAMILY FEUD:
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G TEMPTATION
 7.30PM G HAUS & HOME
 8.27PM G EMTV TOK SAVE
 8.30PM G SP CUP RUGBY: MURUKS v RAIDERS
 Bring It On! EMTV brings you all the highlights of the first half and a full replay of the 2nd half of the Port Moresby based games.
 9.30PM PG 20 TO 1
 10.30PM G EMTV NEWS REPLAY
 11.00PM G MCLEOD'S DAUGHTERS

12.45AM G ICC CRICKET WORLD CUP:
 SEMI FINAL #2
 continues to 830am.....
 Midnight AUSTRALIA NETWORK

TRINDE 2 ME, 2007

8.30AM G TODAY **special time
 9.00AM G CREFFLO DOLLAR
 Religious Program
 9.30AM G JOYCE MEYER
 special time Religious programme
 10.00AM CLASSROOM BROADCAST
 2.59PM STATION RE-OPEN
 11.30AM EMTV PRIME TIME LINE UP
 2.59PM STATION RE-OPEN
 3.00PM KIDS KONA
 3.00PM G NEW MACDONALD'S FARM
 3.30PM G HI-5
 4.00PM G THE SHAK
 4.30PM G FOREIGN EXCHANGE
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G BERT'S FAMILY FEUD

6:00PM G NATIONAL EMTV NEWS
 6:30PM G A CURRENT AFFAIR
 6:59PM G NEWS UPDATE IN TOK PISIN
 7:00PM G TEMPTATION
 7:27PM G EMTV TOK SAVE
 7:30PM G MCLEOD'S DAUGHTERS:
 8:30PM M I SHOULD'NT BE ALIVE
 A thrilling new series with terrifying, true stories of human endurance and the will to survive - narrated by Charles Woolley.
 9:30PM M WEDNESDAY NIGHT MOVIE:
 SPIDER-MAN (2002) Action/Sci-Fi
 Fantasy/Thriller - When bitten by a genetically modified spider, a nerdy high school student gains spider-like abilities which he must eventually use to fight evil as a super-hero.
 Stars: Tobey Maguire, Willem Dafoe, Kirsten Dunst.
 11:30PM G EMTV NEWS REPLAY
 Repeat of the 6 o'clock main news bulletin
 Midnight Australia Network



Lukautim nek bilong ol tumbuna



OL LAIN husat i save lukautim ol nek bilong ol tumbuna singsing bilong Papua Niugini (PNG), em Institut bilong Papua Niugini Stadis i no longtaim i go pinis i kisim 159 kompek dis we i gat musik, ol tok ples na histori bilong PNG. Ol dispela CD em ol i kisim long Pasifik na Rijinel Akaiv o Digital Sources in Endangered Cultures (PARADISEC).

PARADISEC yet i bin go pas long senisim ol singsing tumbuna ol i rekotim bipo yet i go long CD. Dispela wok em ol i mekim long olgeta dispela samting i kamaut long Pasifik.

Pastaim ol i bin lukluk tasol long lukautim gut ol olpela fil rekoting ol i mekim long 1950s na 1960s. Planti long ol dispela rekoting em ol i mekim long ol wil o ol kaset.

PARADISEC i save mekim ol dijital kopi bilong ol dispela rekoting na i save givim ol ori-

jinel i go bek long ol kolekta em o lain husat i save laik baim na lukautim na ol institusen i save mekim dispela wok.

Projek Dairekta bilong PARADISEC, Profesa Linda Barwick, i bin tok, "PNG i laki tru long gat dispela Musik Akaiv bilong Institut bilong Papua Niugini Stadis (IPNG). Em i gat nem na luksave olsem namba wan bikipela ples i holim ol bikipela koleksen bilong PNG musik long wol. PARADISEC i amamas tru long givim helpim long dispela koleksen na mekim i kamap wanpela bikipela rot bilong ol savemanmeri bilong musik long mekim wok risets wantaim ol rekoting ol i gat."

Don Niles, Ekting Dairekta bilong IPNGS, i tok luksave long sapot bilong PARADISEC we em i tok i mas i stap long strongim musik akaiv bilong Institut.

Em i tok, "Musik Akaiv bilong institut i gat nem bilong givim na lukautim olgeta bikipela musik bilong dispela kantri. Wantaim helpim i kam long ol kain ogenaisesen olsem PARADISEC, mipela i ken lukautim gut ol dispela rekoting bai ol i ken stap bilong ol pipel bilong PNG. Ol kain wokbung olsem i save mekim musik akaiv bilong mipela i soim na makim olgeta musik pasin insait long dispela kantri. Mipela i amamas long dispela bikipela wok kamap, wok bung wantaim PARADISEC na lukluk long luksave long ol bikipela as tingting bilong ol lain husat i bin kirapim dispela institut."

Ol rekoting we PARADISEC i bin putim i go long CD i gat planti kain kain samting olsem stori bilong tok ples, ol tumbuna stori, ol bikipela samting i kamap insait long ples o komyuniti, musik na ol kain samting olsem.

Planti taim ol dispela kain samting em ol lain i save kolektim i save yusim insait long wok bilong ol long painimaut moa long PNG pasin na kalsa. Olsem na maski i gat planti stori long ol dispela kalsa samting, i nogat ol orijinel rekoting stret i stap.

Nau PARADISEC i go het long opim dispela rot.

PARADISEC, we i stap aninit long lukautim bilong wanpela stiaing komiti i makim Yunivesiti bilong Sidni (Sydney), Yunivesiti bilong Melbon (Melbourne), na

Australia Nesanel Yunivesiti i save kamapim ol semina na woksop tu.

Ol wokmanmeri bilong IPNGS i bin sindaun insait long tupela woksop bilong ol long 2003 na 2006. Long pinis bilong namba wan woksop, ol IPNGS wokmanmeri i kisim 10-pela kompek dis bilong Musik Akaiv, we i gat ol rekoting ol Australia risets manmeri long Bogenvil, Sandaun na Sentral Provins i mekim namel long 1964 na 1980. Wok bung pasin namel long IPNGS na PARADISEC i bin stat gro long dispela taim.

Nau dispela presen IPNGS i kisim i gat ol rekoting ol i mekim long filwok insait long planti hap bilong kantri long 1969 i kam inap 2005. Planti long ol dispela 11-pela kolekta bilong ol dispela rekoting i bin mekim wok bilong glasim tok ples insait long PNG. Ol dispela rekoting i soim klia bikipela hap wok ol i mekim long save moa long ol kain kain tok ples insait long kantri.

Ol arapela kolketa i lukluk moa long wan wan eria, olsem ol i glasim moa wanpela kain tok ples tasol.

Na ol las koleksen long dispela ol CD em ol lain i kolektim i wok raitim stori bilong ol yet. Olgeta dispela ol kolekta em ol i bin mekim wok bilong Australia Nesanel Yunivesiti, Yunivesiti bilong Sidni, o Yunivesiti bilong Melbon taim ol i mekim filwok bilong ol.

Namba wan bikipela hap wok IPNGS i kisim long PARADISEC i kam long tripela saveman bilong tok ples husat i bin wok long makim ol tok ples insait long rijen, em Arthur Capell, Donald Laycock na Thomas Dutton. Capel i bin mekim sampela wok glasim long ol tok ples insait long Pasifik na i bin namba wan tok ples saveman long glasim ol tok ples long Hailans long PNG. Em i bin wanpela biknem saveman long glasim ol tok ples na raitim stori bilong ol.

Laycock i gat nem long wok em i mekim long ol tok ples insait long Sepik Provins, Buin tok ples bilong Sauten Bogenvil, na Tok Pisin. Long Sepik, laycock i bin glasim planti tok ples na raitim wanpela buk long ol. Long Buin, Laycock i bihainim wok bilong Richard Thurmwald husat i bin mekim wankain wok-about 60 krismas bipo.

Tupela man wantaim i bin ai op tru long ol stori insait long ol Buin singsing. Laycock i bin raitim wanpela buk bilong lainim Tok Pisin na em i raitim planti stori long ol tok ples insait long ol singsing na stori.

Dutton i bin mekim filwok long PNG bihain em i bin wok tisa long Yunivesiti bilong PNG, na na bihain em i wok long Australia Nesanel Yunivesiti. Em i bin mekim planti wok long ol tok ples hia, tasol em i bin lukluk moa long Sentral na Oro Provins.

Dutton i bin raitim wanpela buk wantaim Dicks Thomas bilong UPNG. Dispela buk em wanpela buk long lainim tok pisin.

Narapela luksave bilong Dutton em long Polis Motu (o Hiri Motu) na tok ples motu ol i yusim long ol hiri raun. Em i bin raitim bikipela teksbuk bilong lainim Hiri Motu, na tu wanpela monograp bilong stori bilong em, Police Motu: Iena Sivarai we UPNG i bin pablisim.

Narapela bikipela koleksen i kam long PARADISEC i kam long Alan Rumsey, husat i statim wok bilong em long Ku Waru tok ples bilong Westen Hailans long 1981. Bihain long em i bin helpim raitim buk long dispela tok ples, Rumsey i bin lukluk long wanpela hap tok ples ol i kolim tom yaya kange. Dispela kain toktok em olsem ol stori ol i singim, we ol stori bai pulim yau bilong ol manmeri.

Ol rekoting PARADISEC i givim long IPNGS Musik Akaiv i soim klia strong bilong ol dispela kain samting ol lain olsem ol tok ples saveman na ol arapela i save kisim taim ol i mekim wok risets bilong ol. Planti taim ol i save mekim ol rekoting long ol orijinel kaset we i save bagarap kwik. Olsem na nau ol i senisim i go long dijital fomet.

Mista Niles yet i tok olsem 'dedikesen, save na gutpela luksave bilong PARADISEC long Institut ov PNG Stadis i gutpela tru. Sampela tumbuna pasin na kalsa bilong PNG i stap insait long 159 kompek dis mipela i kisim Mipela bai mekim olgeta samting mipela i ken mekim long makim ol pipel bilong dispela kantri. long lukautim gut ol dispela samting bilong ol pipel tude na ol tumbuna bilong mipela long bihain taim."

BAI MIPELA LUKAUTIM GUT: Danis risets wokmeri bilong Institut bilong PNG Stadis Naomi Faik-Simet i soim ol rekoting long ol CD em PARADISEC i bin donetim long IPNGS. Foto: IPNGS

NUPELA ILEKTOREL ROL

SAPOS YU GAT
18 KRISMAS O MOA, NA NEM
BILONG YU I NO I STAP LONG NUPELA
ILEKTOREL ROL, YU MAS GO LUKIM PROVINSSEL
ILEKSEN MENESA O DISTRIK OPIS KLOSTU LONG
YU NA STRETIM WANPELA
ENROLMEN FOM PEPA...

EM BILONG APDETIM O STRETIM 2002 ILEKTOREL ROL?

NOGAT, EM I NUPELA ENROLMEN PROGEM BILONG NUPELA 2007 ILEKTOREL ROL.

Tok pilai wantaim Kanage olgeta wik!!

I stat nau...



Kanage bilong Madang em i stap go na sisen bilong Pepsi Fan Ran i kamap. Em i hariap tru go baim wanpela tisiot bilong em na em i wok long trening i stap.

Taim bilong fan ran i kam na Kanage i stap pinis.

Bik moning tru na ol bosman i tokim ol rana olsem long ol i mas raunim taun na olgeta i tok yesa tasol. Na ol i tokim ol olsem husat man i win pas bai i go long ples bilong ol waitman na Kanage i amamas nogut tru na em i tok sans yah.

Bosman i blowim wisel na ol stat ran. Olgeta i bihainim stretpela rot tasol Kanage i laik go lukim ples bilong waitman na em i wok long sot kat na painim hariap pinis-lain. Taim em i kamap long pinis lain, ol manmeri i singaut na amamas long wanem em i tong em i kam pes na em i amamas nogut tru olsem em i bai go lukim ples bilong ol wait man.

Tasol em i no save olsem ol i lukim em pinis na ol i no mekim wanpela tok.

Taim bilong kisim prais na ol bosman i singautim narapela man long go na kisim prais bilong en. Kanage i belhat nogut tru na go antap na kros wantaim ol man i go het long resis.

Tasol em i no save olsem, microfon i on na olgeta manmeri i harim wanem samting em i wok long koros long en. Bosman i tokim Kanage olsem em i no bihainim rot bilong ron.

Em i katim long sait long kamap pes man tasol em i kam las. Man taim olgeta man i harim dispela ol i lap na Kanage i sem nogut stret na ronawe go waswas wantaim ol mangi long nambis.

Madang Poisen man

Kanage i mekim haus bilong em long maunten ol i kolim 'Mosou De Tohu Via.'

Na em i gat tupela rum. Wanpela bilong sindaun na skelim ol meri i go na narapela em bilong slip.

Wanpela taim long biknait stret, Kanage i pilim hot na i laik go kisim kol win long nambis. Em i kirap katim i go daun long solwara na em i lukim wanpela man i toilet i stap na em i katim long sait i go.

Long ples i bin i gat tok win olsem ol poisen man i save raun long bik bus long biknait.

Taim man i lukim Kanage, em i ting olsem em i poisen man na em i singaut antap stret. Kanage i harim man i singaut na em tu i ting olsem em i wanpela poisen man. Man Kanage i no isi long ron. Em i ron siksti na go hait long haus lotu.

Kanage nau i tingim olsem man i wok long toilet i stap. Em i no save olsem man i go kisim ol man meri long painim dispela poisen man na mekim save long en, Kanage tasol.

Taim em i lukim ol manmeri i kam long haus lotu em i save olsem ol i mas ting olsem em i poisen man.

Hariap tru em i laitim ol kendel na sindaun i go daun long fom na giaman beten i stap. Taim ol i kam long haus lotu ol paul sapos em tasol o narapela man. Kanage i lukim ol na pret olsem nogut ol i paitim em.

Ol i tok olsem nogut poisen man em i Kanage na em i kirap na tokim ol olsem, "Yupela luksave long man na toktok tu o nogat. Taim man i sindaun na beten i stap em i bikpela itambu tru long toktok o askim long wanpela samting"

Samting tru em i pret long ol paitim em na em i giaman tokim ol olsem em i kam long haus lotu long beten.

Madang

De bilong tingim ol soldia long Wol Wo 1 na i no tulait gut yet na Kanage i stat long kraik. Em i tingim ol tumbuna bilong em ol Siapan (Japan) i kilim em.

Taim meri bilong em i harim Kanage i kraik meri i askim Kanage lewa long wanem samting stret na em i wok long kraik.

Em askim em olsem, "Yu hangre o yu tingim ol yangpela taim bilong yumi bung long as bilong mango na pasim tok long marit."

Dispela i mekim Kanage i singaut nogut tru na kraik, "O papa bilong mi. Husat i kilim yu ol Siapan o yumi Niugini Papua yet. Netpi kaikai Netpi na kanaka kaikai kanaka"

Taim meri i harim olsem em i lap i dai nogut tru na apsait ai bilong em i kam aut.

Jamex Angoram, Is Sepik

Maunten paia long Manam na wesana i pundaun long olgeta hap. Planti tru i pundaun long gras kantri long Angoram Distrik.

Olgeta saksak kanu i pulap long wesana. Moning tru ol meri long ples ol i bung na stori long wanem samting i kamap.

Taim Kanage i harim olsem em i tokim meri bilong em. Em nau ples nogut bilong ol sin man i

paia pinis long hel. Nau yumi lukim das bilong ol bun bilong ol i kam long yumi.

Dai man i pundaun kam daun na wasim yumi.

Bai yumi i no inap dai moa na tu bai nogat las de moa. Bai yumi stap long ples long de taim tasol na wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dispela wesana i pundaun nau ya.

Taim ol meri harim ol kon stori bilong em, ol i kalap kalap na paitim han na ol i singaut, "Hepi gut de Kanage. Wis yu ol the bes. Lip fo eva mo. Hel i pinis na heven i kamap."

Carl Lenua Samban base

Kanage slip antap long longpela bet insait long haus.

Wanpela nait bihain long lait i of, ol haus lain i harim bikpela nois pairap long flo bilong haus.

Na olgeta i rong i go long lukim wanem samting i mekim bikpela nois stret.

Taim ol i lukluk ol i lukim Kanage i sanap isi long flo na taim Kanage i lukim ol em i hariap tru long painim ki bilong kabot bilong em.

Samting tru em, em i pundaun long flo na mekim bikpela nois.

Hompri Praimeri Morobe Provins

Wanpela yangpela mangi wok long

mekim kaikai sopin bilong en long maket. Kanage tu i bin i stap salim banana bilong en i stap. na mangi i go na askim Kanage. "Hamas long banana bilong yu?"

Kanage em slip stap na em i no save olsem mangi i askim wanem samting stret.

Mangi i askim gen tasol stil Kanage i no mekim wanpela bekim.

Mangi i laikim banana bilong Kanage na i laikim stret long baim na em i singaut antap stret long Kanage na Kanage kirap nogut tru na tok, "AAAAAAA.....amas"

Ebyn Seseru

Tingim PNG Jenerel Ileksen 2007!

Nem bilong yu stap long nupela Ilektorol Rol?

HEY TOROI
YU ENROL TU?
ILEKSEN I KAM
KLOSTU NAU!
YU MAS VOTIM
GUTPELA LIDA
BILONG YU.

AIIEE!! MI MAN
BILONG PLES! PIPIA MAN
TASOL, NOGAT MAN BAI
BISI LONG MI!

NOKEN TOK
OLSEM! VOT
BILONG YU I GAT
PAWAI! GO PUTIM
NEM NAU!!

GO LUKIM
PROVINSSEL ILEKSEN
MENESA O DISTRIK OPIS
KLOSTU LONG YU NA
STRETIM ENROLMEN FOM
PEPA NAU!

Tingim gut na vot stret long kendidet i gat gutpela tingting!

2007 VOTE LPV

ELECTORAL COMMISSION

Australian Government
AusAID

HIV/AIDS
DOES NOT DISCRIMINATE



Kros bilong ol kamapim raun wara

BIPO bipo tru i gat tupela lapun i stap. Nem bilong tupela em Telepe Papeu na Telepe Puhulih.

Tupela i save stap long tupela maunten klostu long sol wara.

Wanpela taim Telepe Puhulih i wok long wokim umben bilong painim pis i stap na em i kirap singautim Telepe Papeu long go lukim em.

Orait, Papeu i lusim haus bilong em na wok-about long i go long narapela sait bilong maunten bilong lukim poro bilong em Telepe Puhulih. Taim em i go kamap long haus bilong Telepae Puhulih, em wokim umben i stap. Puhulih i kirap na askim Papeu. Watpo na em i singautim em long go lukim em.

Tasol Papeu i giaman na tok em i no bin singaut long em i go lukim em.

Tupela i toktok longpela taim tru. Na Papeu i haitim tru olsem em i no bin singautim Puhulih. Na tupela i lus tingting long dispela samting na stat stori nabaut.

Ok, tupela stori longpela taim na Telepe Puhulih i pilim nekdrai.

Na askim Telepe Papeu long givim em wara. Dispela taim Papeu i les long givim gutpela wara



bilong dring. Na em i givim em solwara long dring.

Turangu taim Puhulih i dring wara em i pilim wara i tes narapela kain. Em pilim sol na save olsem poro bilong em i givim em solwara long dring.

Puhulih i belhat tru long poro bilong em.

Tasol em i no tokim em olsem em i gat kros. Puhulih i save olsem poro bilong em i gar gutpela wara bilong tasol em i haitim.

Tupela i stori i go na Papeu i tokim Puhulih olsem em bai go long solwara na painim pis bilong em long karim i go. Na em

i tokim Papeu long wetim em inap long em i kam bek.

Dispela taim Puhulih i lukim Papeu i go aut long solwara.

Em i go insait long haus bilong Papeu na painim wanem hap em i haitim gutpela wara bilong dring. Em i painim i go na lukim

gutpela wara i stap na karim i go long haus bilong em.

Poro bilong em i hat wok long painim pis i stap na i no save long samting i kamap long haus. Em i tromoi spia long sutim pis na spia i go pas olgeta. dispela taim em i save olsem i gat sampela samting i rong long haus.

Kwik taim tru em i rong i go bek long haus. Taim em i kamap long haus em i lukim wara i no stap. Papeu i save olsem poro bilong em i kisim na em i wari nogut tru.

Papeu i save olsem em i rong long giamanim poro bilong em.

Olsem na em i go pasim wanpela pik na karim i go, Tasol taim Puhulih i lukim Papeu i karim pik i kam na em i no amamas. Em i kros yet bikos poro bilong em i bin giamanim em na em i dring solwara.

Puhulih i askim Papeu long givim bek sospen wara tasol Papeu i no laik. Mekim i go na tupela i stat long pulim sospan i go i kam na wara kapsait long graun na bikpela raun wara i kamap.

Ramu Morobe Provins

Mipela laikim namba wan pikinini mas boi

Dia Laipain,

Mi man husat gat 22 krismas na long liklik taim i go pinis, maritim wanpela meri husat i tripela yia yangpela long mi yet.

I gat man long famili bilong meri bilong mi na em laikim namba wan pikinini bilong mipela mas kamap boi.

Tasol em hat tru long save sapos namba wan pikinini bilong mipela bai kamap boi o nogat.

Wanem we bai mipela save olsem yumi bai inap long gat bebi boi taim meri bilong em i gat bel long namba wan taim?

Man na meri laikim boi

Dia Pren,

Mipela amamas long yu tokim mipela olsem yu marit long liklik taim i go pinis na i laikim namba wan pikinini bilong yu long kamap boi.


Mipela save long strongpela laik bilong yu long gat pikinini boi we dispela em wankain tingting na laik planti man na meri long bipo na nau taim i gat long meri i mas karim boi olsem namba wan pikinini bilong ol.

i gat sampela taim ol man na meri i makim sapos bebi bilong ol bai boi o gel bipo meri o mama i karim.

Olsem na yu bai painim olsem ol samting ol papamama i tingim i no save kam aut long we ol i plen.

Tasol mipela laik tok sapos man na meri i slip wantaim tupela de bipo meri i gat sik mun bilong ol, ol bai kisim bebi gel.

Long dispela as, em bai gutpela sapos man na meri i wokim sat (chart) long skelim wanem taim yu bai kisim sik mun bilong yu we long mekim dispela, yu inap long plen na helpim long traim kisim bebi boi.



Yu na meri bilong yu tingim long go long famili plening klinik klostu long yu long ol givim helpim? Sampela taim ol man na meri bilong ol i save pilim sem long kisim stia tok long we long plenim famili bilong ol.

Mipela i ting em gutpela na bikpela samting long yu na meri bilong yu long go lukim wanpela famili plening klinik long kisim moa helpim long ol lain husat i save moa long dispela kain ol samting.

Em klia long dispela taim long lukim olsem planti marit i bruk bikos planti ol famili i gat moa meri long ol man o moa man long ol meri.

Mipela laik ting dispela bai i no inap kamap insait long marit bilong yu we yu mas save olsem marit em institut we God i mekim em yet. Yu tupela bai lainim nupela samting we yu tupela bai wan bel long sampela samting, i no wanbel long sampela, lusim sampela pasin long bipo na lukim sampela kaikai bilong komitmen bilong yu.

Nogat wanpela man o meri long dispela graun i gat pawa long brukim marit bilong ol bikos long i no wan bel long bebi i kamap boi o gel o long ol arapela laikim na tingting we i no stret long ai bilong God.

Sapos yu na meri bilong yu i stap orait wantaim nogat sik na inap long kamapim planti pikinini long taim yu tupela marit, mipela strongim yu long lukautim olgeta pikinini bilong yupela maski em man o meri.

Mipela ting dispela kain tingting bai bringim bikpela amamas long yu na meri bilong yu olsem papamama.


Tingim long stap amamas wantaim pikinini bilong yu bikos ol pikinini bilong yu i ol presen we i kam long God.

Laipain

TOKSAVE

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

- Laipain



NEM: Stanley Marley
KRISMAS: 20 (man)
ADRES: DG Marley, P.O Box 7251, Boroko, NCD
SAVE LAIKIM: Pilai soka, mekim pani, raitim pas, mekim pren na go lotu.

NEM: John Titus Igini
KRISMAS: 16 (man)
ADRES: Hoiopia Provincial High School, P.O Box 181, Tari, SHP
SAVE LAIKIM: Ritim na raitim pas.

NEM: Janet Kialou
KRISMAS: 16 (meri)
ADRES: C/- P.O Box 592, Kimbe, West New Britain Province
SAVE LAIKIM: Pilai spots, ritim buk, mekim pani na harim musik.

NEM: Phelomena Woesi
KRISMAS: 18 (meri)
ADRES: Grace Bible Baptist Mission, P.O Box 176, Buka, ABG
SAVE LAIKIM: Go lotu, ritim buk, pilai gita na kibod, singsing, kukim kaikai na harim musik.

NEM: Linus Kebio
KRISMAS: 18 (man)
ADRES: Bema High School, PMB, Lae, Morobe Province
SAVE LAIKIM: Pilai volibol na soka, ritim buk, go lotu na raitim pas.

NEM: Nunzi Yuwi
KRISMAS: 16 (man)
ADRES: Kiunga Secondary School, P.O Box 38, Kimbe, West New Britain Province
SAVE LAIKIM: Raitim pas na mekim pren.

NEM: Kison Saion
KRISMAS: 18 (man)
ADRES: Bema High School, PMB, Morobe Province.
SAVE LAIKIM: Pilai volibol, harim musik, pilai gita, mekim pani na mekim pren.

NEM: Wani Amolly
KRISMAS: 19 (man)
ADRES: Niugini International Cooperation, P.O Box 102, Kerema, Gulf Province.
SAVE LAIKIM: Mekim pren na raitim pas.

NEM: Jennlyn Holiha
KRISMAS: 16 (meri)
ADRES: Kavui Primary School, P.O Box 790, Kimbe, West New Britain Province
SAVE LAIKIM: Ritim na raitim pas.

NEM: Brenda Kanjo.
KRISMAS: 17 (meri)
ADRES: Angoram Vocational Center, P.O Box 28, Wewak, East New Britain Province
SAVE LAIKIM: Lukim TV na harim musik.



Pipel i ken askim gavman long ron bilong mani plen - Hickey

Michael Novingu i raitim

MANI plen gavman i makim bilong kantri em i bikpela samting pipel i mas save long en long rot ol i save karimaut wok long putim mani i go stret long ol projek we bai givim sevis long ol pipel na kirapim gutpela sindaun long komyniti.

Memba bilong Bogia Open na Minista bilong Fainens na Pfening na Monitaing John Hicky i mekim dispela toktok taim em i opim Konsaltesen na Implimentesen Monitaring Komiti (CIMC) Momase Rijinel Forum long Madang las wik.

Mista Hickey i tok CIMC i wokim bikpela wok long serim aida na tingting namel long gavman, praivet sekta na ol pipel bilong dispela kantri ong wok bilong mani plen bilong gavman bai i

mas kamap gut long ol pipel i mas luksave long ol wok ol i karimaut.

"Em i tru olsem ol pipel bilong PNG i gat rait long save long wanem samting gavman i wokim na bilong wanem ol i wokim bai ol pipel i gat bilip long gavman long taim nogut, sanap strong wantaim gavman," Mista Hickey i tok.

Em i tok moa olsem ol pipel i gat rait long askim gavman sapos dispela polisi na mani plen i no wok stret olsem. Gavman i laikim gutpela wok bung wantaim ol pipel aninit long CIMC long kirapim gutpela wok long kantri.

Mista Hickey i tok moa olsem ol pipel i save base tem i mani plen bilong gavman, na em yusim long gutpela rot bilong lukim strongim bilong ol besik sevis i go long ol komyniti. Na tu lukautim, glasim gut mani na ripot o toksave long wanem hapol i yusim mani long

en bai kamapim gutpela wok long lukautim mani na senis bai kamap long laip bilong ol pipel insait long ol komyniti. Long sampela yia i go pinis gavman i no karimaut gut wok bilong lukautim mani we i lukim i gat kain kain paul pasin i kamap, tasol gavman i laik lukim wanem as bilong ol dispela pasin i no stret na i laik strongim sistem bilong kamapim gutpela wok long lukautim mani long trupela na stretpela pasin.

Long dispela as na gavman aninit long MTDS 2005-2010 plen i laik putim mani i go long helt, edukesen, rot bris trenspot, HIV/AIDS, lo na oda, rot bilong mekim winmani na ol arapela samting bai kamapim gutpela invesmen na wok bisnis long PNG we bai stretim sindaun bilong ol pipel insait long ol komyniti bilong ol.



Foto: NOREEN DADA

EM NAU: Praim Minista Gren Sief Sir Michael Somare i rausim laplap long ston plak we i tok klia long opim bilong wok long bikpela tapiok baio-piul projek long Launakalana insait long Rigo Distrik long Sentral Provins. Dispela projek em wanpela kampani bilong Korea, em Changae kampani yet bai go pas long sanapim.

B.R.G givim fri lidasip trening long Sumgilbar

James Kila i raitim

PLANTI ol viles lida na kaunsela long ol viles insait long Sumgilbar sab distrik long Not Kos long Madang i givim bikpela tok amamas i go long ol lain trena bilong Bismark Ramu Grup long givim fri lidasip trening.

Ol viles lida bilong ples Tokain, Karkum, Malas, Mirap na Murukanam i givim tok amamas bilong ol bihain long dispela non gavman ogenaiesen (NGO) i bin kamapim tupela lidasip trening kos. Wanpela long ples Tokain na narapela long Karkum. Tupela trening wantaim i bin kamap long mun Mas na April, 2007.

Tupela komyniti lida bilong karkum viles, Joseph Mutindep na Andrew Magal Kubai i tok dispela lidasip trening i bin opim stret tingting bilong ol long wok na kwalati na posisen bilong lida insait long komyniti.

"Mipela ol lain i stap long trening i amamas bikos maski olsem mipela i no peim wanpela mani o fi long go long trening ol samting mipela i lainim i givim mipela planti gutpela tingting," Mista Mutindep i tok.

Em i tok tu olsem ol lain biong BRG em ol bikpela saveman tasol kain trening ol i givim i soim tru olsem i gat bikpela luksave tru dispela ogenaiesen (BRG) i gat long helpim ol liklik manmeri long ples na komyniti long bringim kamap gutpela sindaun.

As tingting bilong kamapim dispela lidasip trening em long redim ol komyniti lida long ples long save gut long wanem wok ol i mas mekim long strongim developmen long helpim ol komyniti na bus, wara na graun bilong ol.

BRG i bin kamapim dispela lidasip trening bihain long gutpela wok bung wantaim Si Tetof (Solwara Trausel) restoresen projek, em klostu bai kirap long ol dispela viles long Not Kos Madang.

Mausman bilong STRP insait long Westen Pasifik rijen, Wenceslaus Magun i givim tok amamas bilong em i go long BRG na ol komyniti bilong Karkum, Tokain na Gildipasi long redim ol samting tu long wok bung long kamapim dispela ol trening.

Wanpela yangpela yut lida, Lennon Mulom bilong Karkum viles i tok ol lidasip trening i opim stret ai bilong planti ol ekting bikman long ples.

"Ating ol skul i soim tru olsem ol lida i mas kamap olsem ples klia man na lain bilong tok tru na soim gutpela pasin."

Em i tok planti taim ol lida long ples olsem Karkum i save laik apim ol yet na i no save skelim wari na hevi bilong ol yut. Tru tumas trening ya long sait bilong lidasip i mas opim tingting bilong ol na ol i mas senisim ol rabis tingting bilong ol na kamap olsem sevan o gutpela wokman bilong komyniti.

Pait i kamap long Balasigo maket

Michael Novingu i raitim

YUMI ol pipel bilong dispela kantri i gat hevi long ol pasin bilong yumi, senisim pasin, luksave long rait bilong ol arapela manmeri, bihainim lo na oda bai kamapim gutpela sindaun long ol komyniti bilong mipela.

Komyniti lidaman na Siaman bilong Krumbukari Papagraun Asosiesen Toby Bari i kisim bikpela bagarap long han bilong ol Tari pipel

we ol i katim em wantaim naip long hansut bilong em na arapela hap bilong bodi bilong em, bihainim bikpela pait namel long ol Bundi na Tari las wik Fraide.

Wantok Niuspepa i bin stap long Balasigo Maket we i lukim moa long 200 pipel bilong Bundi na Tari i bin kirapim pait long wanem wanpela yut bilong Bundi i bin kaikai buai na spetim long maket ples we i tambu tru long mekim.

Yut bilong Tari em i sekyuri-

ti bilong maket na i askim em long stretim dispela hevi, we yut bilong Bundi i no laik we i as bilong dispela pait.

Ol kaikai olsem kumu, kaukau, banana, buai na ol tred stoa samtin mani mak olsem K3000 i bin bagarap long dispela pait.

Ripot Wantok Niuspepa i kisim long polis long Madang i soim olsem tupela grup wantaim i wanbel long stretim dispela hevi dispela wik we ol i makim manimak bilong kompensesen olsem K2,400 i go

long ol papa bilong Balasigo maket bikos ol i lusim bisnis we ol manmeri i no kam maket bai ol i nap kisim takis mani long en.

Long wankain taim ol pipel bilong Bundi na Madang i no wanbel long kain pasin ol i wokim long kamapim hevi na bagarapim gutpela sindaun bilong ol pipel bilong Madang.

Ol i singaut long Madang Gavman long eviktim o rausim ol pipel bilong Tari i go bek long asples bilong ol.



COFFEE INDUSTRY CORPORATION LTD

OL WIKLI MAKET PRAIS - Bilong wik i pinis long 20/04/07.
TINGIM: Olgeta prais i stap long Kiha long wan wan kilogram.

	GREEN BEAN (Delivered-In Store)					PARCHMENT (Factory Door)			CHERRY
	ARABICA				ROBUSTA	ARABICA		ROBUSTA	
	A	X	PSC-X	Y1	Robusta	Class 1	Class 2	Robusta	
KAINANTU	NB	NB	-	NB	-	3.90 to 4.00	- to 3.80	-	- to 1:05
GOROKA	6.70 to 7.20	5.80 to 7.00	6.00 to 6.20	5.45 to 6.00	-	- to 4.00	380 to 395	-	.90 to 1:05
KUNDIAWA	NB	NB	-	NB	-	NA	NA	-	NA
MINI/BANZ	NB	NB	-	NB	-	- to 4.00	3.50 to 3.70	-	- to .90
MT. HAGEN	- to 7.00	NA	-	- to 6.15	-	3.20 to 3.95	3.00 to 3.85	-	.95 to 1:07
LAE	7.00	6.40	6.00	5.80	-	3.20 to 3.80	2.60 to 3.60	NA	-
ASEKI	NB	NB	-	NB	-	- NA	NA	NA	-
AVERAGE	6.98	6.58	6.18	5.85	NQ	3.70	3.45	-	0.99

NQ: I Nogat Prais. NB: I No Baim. NA: I No Gat

Ol Arabika fiutsa prais long Niu Yok i pinis daunbiho liklik bihainim ol rolaut likwidesen i kamap bihain long ol prais i op na i soim sampela sleek liklik bipo long namba wan notis de bilong mun Me. Strongpela in-the-money singaut we i pinis long Fraide i mas i gat han long strong bilong maket tu. Maket i wok wetim yet strongim bek bilong kopi long Brasil na lukluk i go het long 2007/08 tasol ol industri storiman i no ting bai gat sot saplai long maket. Ol Arabika prais i pinisim wik wantaim 4.10 cents moa na sindaun klostu long 107.7 cents/lb. Long London guria salim bihainim wokabaut bilong Niu Yok maket i seksekim ol Robasta prais lu na i pas \$23 daun moa long \$1,559/ton.

Lukautim Kopi Na Kopi Bai Lukautim Yu

Buk bilong skul bisnis

Paul Zuvani i raitim

OL skul na ol arapela manmeri long Papua Niugini (PNG) nau bai gat buk bilong skul bisnis long salim samting i go long narapela kantri.

Dispela i kamap isi bihain long Komes na Industri i kamapim dispela buk na lonsim long Granville Motel long las wik.

Buk- EKSPOT PROSI-JAS, Basik Gaid bilong ol liklik PNG Ekpotas (EXPORT PROCEDURES, A Basic Guide for Small PNG Exporters) i tokaut long ol as rot bilong kamapim kain bisnis olsem.

Long taim bilong lonsim buk Tred na Industri Minista na Mema bilong Mendi, Michael Nali i tok em i amamas long kamap

bilong dispela buk na i hop olsem dispela buk bai helpim gut ol pipel.

Long dispeal em i askim ol long lainim gut ol toktok i stap insait long buk.

"Mi no bisnisan na mi nogat save bilong mekim kain wok olsem tasol mi amamas long kamap bilong dispela buk we nau mi bilip i ken helpim ol manmeri long we bilong ronim dispela kain bisnis." Kain wok bisnis i wanpela bilong ol bisnis olsem turisim we i helpim gut ikonomi bilong kantri," Mista Nali i tok.

Em i tok em bai amamas sapos ol manmeri i lainim gut wanem samting i stap insait long em.

"Kamap bilong dispela buk i kirapim tu tingting bilong mi long go insait long mekim dispela bisnis," em i tok.

Long sapatim toktok bilong Minista Seketeri bilong Komes na Industri Anton Kulit i tok kamap bilong buk i bilong helpim ol liklik bisnis lain manmeri husat i laik go insait long dispela wok bisnis.

"Long stat dispela buk i soim ol as rot bilong kirapim na ronim dispela bisnis we i ken helpim ol long go moa na kamap bikpela.

"Ol skul i ken yusim tu dispela buk olsem skul buk bilong ol long lainim ol rot bilong mekim wok bisnis bilong salim samting bilong ol," em i tok.

Dispela buk i kamap wantaim helpim bilong Japan Intanesenel Koperesen Ajensi (JICA) we Ajensi i gat wanpela voluntia i wok wantaim Dipatmen.

Bisnis helpim long klinim nambis...



NEM BLO YU?: Dispela wokman bilong Trukai Industris i sanap makim nem bilong ol wanfamili bilong ol wokmanmeri bilong Trukai long Sande dispela wik taim ol bisnis, gavman na pablik i bin makim World Earth-Day na klinim rausim ol pipia long bikpela nambis long Mosbi Ela Bis.

Poto: Nicky Bernard.

Polis tok lukaut long ol kon man long Goroka maket

James Kila i raitim

POLIS long Goroka i tokaut pinis olsem pablik i mas givim ripot kwiktaitim long ol sapos ol man i askim ol long peim mani taim ol manmeri i kaikai buai long pablik ples.

Isten Hailans Provinsel Polis Komanda

Suprintenden Philip Solala long las wik i tokaut olsem planti ol man i wok long giaman na kisim mani long ol manmeri husat i kaikai buai long pablik ples.

Dispela pasin na ripot bilong ol man i kisim mani nating long ol manmeri i save kamap long Goroka maket eria na long bikpela haiwe bas stop. Sampela man i save wokabaut na putim ai tasol long husat man o meri i kaikai buai na ol i save go na pulim ol i go long sait na askim ol long peim mani bikos ol i brukim lo.

Planti ol memba bilong pablik i bin bringim bel hevi bilong ol i go long polis bikos long kain pasin ol dispela lain sekyuriti i save mekim. Ol dispela giaman o kon man i save karim ol aidi kat tasol dispela ol ka tem polis i no luksave long en, tasol ol i save strong tru taim ol man i tok agensim ol.

Ol dispela giaman lain i save wokabaut long grup na putim ai tasol long husat em i nupela man na ol i save go na holim em taim em i kaikai buai na wokabaut raun long Goroka maket eria na bikpela bas stop, na sampela i save sanap klostu long Y.C.

Bihain long PPC Solala i bin putimaut toksave long las wik Fraide ol polisman bilong em i bin wokabaut na traim putim was long holim ol dispela giaman lain.

Planti taim ol dispela giaman lain i save sanap na redi tasol long holim ol lain husat ol i ting bai i no inap bekim maus o krosim ol na kisim mani long ol.

RDB tok amamas long CIC long strongim kredit skim program

James Kila i raitim

RUREL Developmen Benk brens long Simbu Provins i givim bikpela tok amamas i go long Kopi Industri Koporesen (CIC) long go pas long strongim wok bilong smolholda agrikalsa kredit skim insait long tri krop komoditi sekta long PNG.

Brens Menesa bilong RDB long Kundiawa, Willie Mapa i tok CIC i bin sanap strong long kirapim gen ol wok program bilong en insait long smolholda kredit skim wantaim ol gutpela eksen plen we i ken kisim ol dinau o lon nau i stap long han bilong ol fama.

Mista Mapa i bin givim dispela toktok

long wanpela seremoni long ples Mata long Kamtai Lokel Level Gavman kaunsol eria long Sinasina Yongomugal Distrik. dispela seremoni long ples Mata i lukim 49 smolholda kopi fama i kisim setifiket bihain long wanpela trening CIC i bin kamapim long skulim ol fama long ol tekno-pekes olsem rot bilong groim kopi, lukautim gut, pikim gut kopi, drain na salim gutpela kwolati kopi. Trening i lukluk tu long sait bilong besik buk kiping.

CIC Menesa bilong Fama Trening na Ekstensen, Fabian Api i bin makim Sief Eksekutiv bilong CIC long givim ol setifiket i go long dispela 49 fama long ples Mata.

Wankain seremoni i bin kamap long

Gumine Distrik long Simbu we i lukim 58 smolholda kopi fama i bin kisim setifiket.

Mausman bilong ol fama long Mata, Poti Kumuno i givim tok amamas bilong ol i go long CIC long wok ol i kamapim long redim ol fama long go insait long ol koporetiv grup em CIC i ogenaisim long salim ol kopi bilong ol.

Mista Kumuno i tok long pastaim planti ol fama i save wok wan wan ol yet na planti taim ol i no save lukim gutpela kaikai long hatwok ol i wokim. Tasol bihain long ol trening ol i luksave olsem taim ol fama i wok bung wantaim long grup ol bai gat strong long salim kopi bilong ol na ol yet tu i ken askim gutpela prais.

'E'-Series The Evolution Continues

Cat® 422E Backhoe Loader

The 422E benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it and when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Hastings Deering



Product People Commitment. We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LHIR	986 4105	986 4107
KIMBE	983 5144	983 5144



More than a machine. A Partner. With more of everything that counts. Balance, hydraulic performance, ease of operation and maintenance and reduced operating costs. The evolution continues.

Rabbitohs paia yet

SOUTH Sydney Rabbitohs i kalap i go long namba tri ples long NRL points leda bihain long ol i daunim Cowboys 10-6 long Townsville long Mande nait.

Dispela wiken bai Souths i bungim Warriors long Telstra stadium na wanpela samting kosa Jason Taylor bai lukluk long en em long sait bilong holim gut bal na i no olsem ol i mekim long gem agensim Cowboys.

Rabbitohs i win fes tupela gem bilong em long sisen tasol ol i bin lusim ol arapela na nau ol i kalap i kam bek long daunim cowboys husat planti ting bai win isi tasol.

Tupela tim wantaim i nogat planti taim long redim ol yet na dispela i lukim planti asua i kamap insait long gem.

Ol i no holim gut bal na planti samting i no go stret long laik bilong tupela tim wantaim.

Difens bilong Rabbitohs i pasim ol Cowboys long namba wan hap long holim skoa 6-4 wantaim Cowboys i stap pas inap long hap taim.

Ol manki Sydney kalap i go pas taim winga Nathan Merritt i ron i kisim wanpela gutpela kik bilong Joey Williams na skoa long kona.

Ol fowet bilong Cowboys tu i no inap long strong bilong Peter Cusack na Roy Asofasi bilong Souths husat ol i mekim save long difens bilong Cowboys.

Cowboys i kam klostu long putim trai planti taim long namba tu hap bilong gem tasol dispela i bin de bilong ol olsem na olgeta samting i agensim ol tasol.

Bipo Eels pilaia na nau faiv eit bilong Souths, Tim Smith i givim planti hevi long Cowboys wantaim ol kik bilong em i go long hap bilong ol.

Cowboys kosa, Graham Murray husat i lukim namba 300 gem bilong em olsem kosa i no amamas liklik long gem bilong tim bilong em.

Em i bin mekim sampela bikipela senis tu long tim bilong em na dispela i givim sampela hevi long stail bilong pilai bilong ol.

Bennett makim tim bilong bungim Storm

BRONCOS kosa Wayne Bennett i makim 20-men skwat bilong gem agensim Melbourne Storm dispela Fraide nait bihain long sampela pilaia bilong em i kisim bagarap.

Toni Carroll (lek skru), Greg Eastwood (sait banis), Justin Hodges (lek skru) na Shane Perry (pinga lek) olgeta i kisim bagarap tasol i stap long skwat long bungim birua bilong ol long gren fainol las yia.

Storm i no lusim wanpela gem yet long dispela sisen na Broncos husat i bin painim hat liklik long kik of dispela yia i winim gem bilong ol las wik agensim Newcastle.

Eastwood i go sekap long lukim sapos bagarap em i kisim long Willie Mason long tes las wik Fraide agensim Australia i no nogut tumas.

"Mi bai go lukim dokta tete, mi no ting em i bruk.

"Mi bilip mi gat sans yet long pilai dispela Fraide," Eastwood i tok long Tunde dispela wik.

"Mi kisim lek skru bilong Willie long baksait bilong mi na mi bin wari liklik long dispela taim tasol mi ting em i pen tasol na i no wappela bikipela samting," em i tok.

Hodges tu i painim sampela hevi long tupela lek skru bilong em tasol em i orait liklik na Carol i wok long kisim helpim long bagarap em i kisim long wanpela lek skru bilong em long win bilong ol agen-

sim Newcastle las wik Sande.

Nick Emmett husat i soim strongpela gem las wik i stap namel long 6-pela pilaia ol i makim long stap intasens.

Bennett i makim tu Darren Lockyer na Shaun Berrigan long faiv eit na hap bek posisen na Shane Perry husat i save pilai namba 7 i go long intasens.

Dispela bai lukim Lockyer i kisim planti moa bal olsem em i mekim agensim Knights.

Michael Ennis i kam bek long kisim namba 9 jesi bilong em na lacey bai go bek long intasens na i luk olsem nogut Perry bai no inap pilai dispela wiken.


Yutiliti pilaia David Stagg bai pilai senta wantaim Hodges agensim Matt King na Anthony Quinn bilong Storm.

Quinn i gat sampela hevi tu na koa Craig Bellamy i putim Will Chambers i stap redi.

Greg Inglis i no stap long skwat tasol sapos em i pinisim trening dispela wik bai em i ron long Fraide nait.

Eastwood i tok em i no laik abrusim sans long stap insait long dispela gem bilong wanem nogut ol arapela i kisim ples bilong em.

"I gat planti ol gutpela pilaia olsem Sam Thaiday i stap long sait lain na ol i no inap givim sans sapos ol i kisim ples bilong mi," Eastwood i tok.



BIKPELA GEM: Bennett i gat bikipela gem agensim Melbourne dispela Fraide na i makim strongpela tim long bungim ol. POTO: AAP Image/Dave Hunt.

Yamo gat bikipela pait

Andrew Molen i raitim

NEM bilong Rickson Yamo i save pas long maus bilong olgeta boksing sapota taim ol i lukim em i pait na nau bai ol i singaut gen taim em i go insait long ring long Jun 30 long Wari Vele kap salens.

Yamo husat i tanim kamap profesenol boksa bihain long em i kam bek long komonwelt gems las yia i wok long redim ples long wanpela bikipela tonamen aninit long nem; "Pawahaus boksing promosen."

Opis bilong NCD gavena Wari Vele i tok orait pinis long sponsaim dispela tonamen wantaim K36, 000 na Yamo i tok olgeta paitman i skin kirap long dispela bikipela de.

Dispela tu bai namba 5 profesenol pait bilong Yamo husat i winim narapela 4-pela long nok aut tasol na em i nogat tingting long suruk long dispela pait.

Long dispela tonamen bai Yamo i kisim Mark Robinson bilong New Zealand long 63.5 kilogram, lait welta wet divisen.


Robinson wantaim narapela tupela boksa bilong Cairns, Australia bai kam antap long dispela tonamen.

Dispela tonamen we bai kamap long Tribal Den club long Pot Mosbi bai lukim tupela i pait 2x6 raun.

"Mitupela i pait bipo long amata level na mi bin winim em long points tasol nau em i kamap profesenol na bai mitupela i traime bun gen," Yamo i tok.

Narapela tupela intanesenel boksa bai bungim Mark Goieye na Thomas Kagili


"Bai gat narapela 8-pela anda kat pait tu i kamap long dispela nait we ol arapela PNG boksa bai pait long semi profesenol level," Yamo i tok.



POTO: Andrew Molen

REDI: Yamo i redi long bikipela tonamen em i redim long kamap long Jun 30 dispela yia bilong Wari Vele kap.

Roosters kisim fes win



SYDNEY Roosters i kisim namba wan win bilong ol long 2007 NRL kompetisen bihain long ol i winim St George Illawarra Dragons 18-4 long ANZAC Day gem bilong ol long Aussie stadium aste (Trinde). Piksa i soim ol i amamasim Shaun Kennedy-Dowall bihain long em i skoaim wanpela trai bilong ol long dispela raun 7 gem bilong ol. POTO: Colin Whelan/Action Photographics/NRL

POM Soka
Sarere, Epril 28

Bisini 1

0800	D2 Sunset	vs	Femor
0910	U21 Souths Utd	vs	LBC Defence
1020	PR Cosmos	vs	B-Mobile
1130	WP Guria	vs	PS Rutz
1240	D2 PNG Gardener	vs	Eastern FC
1350	D1 Tawala	vs	Naniu
1505	D1 Blue Kumuls	vs	Maclarance
1615	Prem University	vs	Momase

Bisini 2

0800	U21 Guria	vs	Verave
0910	D1 Badili Utd	vs	Mungkas
1020	PR Rapatona	vs	PS Rutz
1130	WP University - bye		
1240	D1 Los Negros	vs	M/Yarang
1350	D3 Naniu	vs	Watuluma
1505	Prem Rapatona	vs	PS Rutz
1615	Prem Guria	vs	Verave

Sir John Guise Stadium

Ovol 1

1300	U21 POM Tech	vs	Visigo
1400	U21 Bavaro	vs	Los Negros
1500	W1 Souths Utd	vs	Mungkas
1600	W1 Tawala	vs	LBC Defence

Ovol 2

1300	U21 ATW Sky Hawks	vs	Maclarance
1400	U21 M/Yarang	vs	Badili Utd
1500	W1 Sobou	vs	Jaha
1600	D3 Raitman	vs	Apex

Multi Purpose ovol - hapsait long Sports Inn

1300	W2 Junior Kays	vs	PNG Fire Services
1400	W2 Idubada Sterlings	vs	Bomana Crusaders
1500	U21 Sobou	vs	Mungkas

Sunday, April 29, 2007

0800	U21 Rapatona	vs	PS Rutz
0910	D1 Manambu	vs	Bavaro
1020	D2 Ela Utd	vs	Thrillers
1130	WP Lamana	vs	Naniu
1240	PR Souths Utd	vs	LBC Defence
1350	D4 Muial Bros	vs	Junior Kays
1505	U21 Cosmos	vs	B-Mobile
1615	Prem Souths Utd	vs	LBC Defence

Bisini 2

0800	U21 University	vs	Momase
0910	WP Rapatona	vs	Telikom
1020	D3 Aigob	vs	Hard Rock
1130	WP PNG Gardener	vs	Markham Yarangs
1240	D4 Kumusi	vs	Uncle Kugas
1350	D2 Murat	vs	Telikom
1505	De Kurti Andra	vs	UBOG
1615	Prem Cosmos	vs	B-Mobile

Sir John Guise Stadium

0800	U21 Musa	vs	Hard Rocks
0900	U21 PNG Fire Service	vs	K/Andra
1000	D4 PNG Fire Service	vs	Idubada Sterling
1100	D4 Musa	vs	PNGEI
1200	D1 Los Negros	vs	Murat
1300	D4 Moonbie St	vs	Bomana Crusaders
1400	D3 Maset	vs	POM Tech
1500	D3 Sobou	vs	Tarangau
1600	PR Guria	vs	Verave

Ovol 2

0800	U21 Manambu	vs	PNG Gardener
0900	D4 Dobo Warriors	vs	Kaikuyawa
1000	D3 DBTI	vs	Visigo
1100	D3 Papita Utd	vs	SES Utd
1200	U21 Maclarance	vs	POMIS
1300	W2 Dobo Warriors	vs	Tarangau
1400	W2 Manambu	vs	Souths Utd 2
1500	D4 A Natuna	vs	SCB Utd
1600	PR Univesity	vs	Momase

Morobe Developmen Soka Asosiesen

Sarere Epril 28, 2007

Gem 3

Ovol 1

09:30	Nene Konok	vs	Naron	W/Pul B
-------	------------	----	-------	---------

10:10	Kawa	vs	Gaibess	W/Pul C
10:50	24 Mandus	vs	Malas	M/Pul A
11:30	Kian	vs	Texas	W/Pul D
12:10	Fisika	vs	Mixmates	M/Pul A
12:50	Raitopos	vs	J/Parrots	M/Pul B
01:30	Graveside	vs	Namisini	W/Pul C
02:10	Levale	vs	Junction	M/Pul A
02:50	Kilengs	vs	BFC Granville	W/Pul D
03:30	Gara Utd	vs	Madeka	M/Pul B

Ovol 2

09:30	Namisini	vs	Texas	M/Pul B
10:10	Jungle Parrots	vs	Nen Konok	W/Pul D
10:50	Madeka	vs	Dogura rats	M/Pul C
11:30	Kaypee	vs	BS Mixmates	M/Pul A
12:10	Outsiders	vs	BFC Granville	M/Pul B
12:50	Levale	vs	24 Mandus	W/Pul D
01:30	D Rats	vs	Gaibeas	M/Pul A
02:10	Kawa	vs	Kian	M/Pul B
02:50	Fisika	vs	Gara Utd	W/Pul C
03:30	Graveside	vs	Kilengs	M/Pul A

Sande Epril 29, 2007

Gem 4

Ovol 1


09:30	24 Mandus	vs	BFC Granville	W/Pul D
10:10	Gara Utds	vs	Namisini	W/Pul C
10:50	Gaibeas	vs	Graveside	M/Pul A
11:30	Kian	vs	Raitopos	M/Pul B
12:10	Levale	vs	Jungle Parrots	W/Pul D
12:50	Fisika	vs	Madeka	W/Pul C
01:30	Levale	vs	Kaypees	M/Pul A
02:10	Kawa	vs	Gara Utds	M/Pul B
02:50	Texas	vs	Nen Konok	W/Pul D
03:30	BS Mixmates	vs	Fisika	M/Pul A

Ovol 2

09:30	Kiang	vs	Kileng	W/Pul D
10:10	Kawa	vs	D Rats	W/Pul C
10:50	Outsiders	vs	Jungle Parrots	M/Pul B
11:30	Nene nonok	vs	Namisini	M/Pul B
12:10	Nalas	vs	24 Mandus	M/Pul A
12:50	Graveside	vs	Gaibeas	W/Pul C
01:30	Junctions	vs	Mixmates	M/Pul A
02:10	Naron	vs	BFC Granville	M/Pul B
02:50	Dogura Rats	vs	Kilengs	M/Pul A
03:30	Texas	vs	Madeka	M/Pul B



SEMPION: Vanuatu anda 12 tim i winim tonamen las wik long Pot mosbi na ol bai go pilai long Danone, france long Julai dispela yia. Ol manki nogut i winim New Caledonia long penolti sut aut bihain long tupela tim i pas 1-1.



HAKA: Ol manki New Zealand i mekim danis bilong ol "Haka" long anda 12 soka salens long Pot Mosbi las wik Trinde.



DRAIV: Henry Levi bilong Kone Sharks i traim bun wantaim difens bilong Harlequins long Pot Mosbi ragbi union salens las wik Sarere.



BAL WOK: Maxwell Mende bilong PS Ruts i was gut long bal insait long gem bilong ol agersim Defence long Pot Mosbi Soka Asosiesen primia divisien resis. Defence i strtong tumas long Mende na ol manki bilong em na i winim ol 3-1.



BUNG: Olgeta spots asosiesen na Ngo na ol arapela husat i save wok wantaim HIV/AIDS i bung long wnapela konfrens biong Intanesenel Olimpik Komiti long Pot Mosbi las wik we o li toktok long ol rot biong yusim spots long autim tok biling HIV/AIDS long traim na daunim dispela sik.

SPOTS i gat bikpela wok long helpim long pait agensim sik AIDS


Andrew Molen i raitim

Long dispela as Intanesenel olimpik komiti (IOC) wantaim ol memba bilong en long wan wan kantri wok bung wantaim ol ogenaisesen husat i save wok long dispela sik long painim ol rot long skulim moa manmeri long ol hevi bilong en na tu long ol rot bilong lukautim na stap wantaim ol lain husat i kisim dispela sik nogut.

Las wik Fonde i go long Sarere long Mosbi, PNG Spots Federesen na Nesanel Olimpik Komiti (PNGSFOC) wantaim ol arapela spots ogenaisesen, helt na ol NGO insait long PNG na Pasifik i bung long wanpela woksop o konfrens we ol i toktok long wanem samting spots inap mekim long helpim long pait agensim sik AIDS.

"Wok bilong IOC em i no long pilai tasol, em i gat wok tu insait long komyuniti.

"Long dispela progrem mipela i laik wok wantaim ol arapela grup na ogenaisesen



LAINIM: Skulbois ragbi lig siaman, Iffysoe Segeyaro na ol arapela bik manmeri bilong spots i toktok wantaim ol woklain bilong HIV AIDS long taim bilong bung.

husat i gat save long sait bilong sik AIDS," meri makim IOC long dispela bung, Kati Mascagni tok.

"Mipela i lukluk long ol spots komyuniti olsem wanpela grup we mipela i ken yusim long kisim toktok

bilong sik AIDS i go long planti moa manmeri," em i tok.

Mascagni tok spots em i wanpela tokples we olgeta manmeri save na em bai isi long ol i bihainim toktok bilong spots long save moa

long dispela sik nogut.

"Spots em i wanpela eria tu we planti manmeri nap long kisim HIV/AIDS bilong wanem ol pilaia i save raun long planti hap," em i tok.

Sekreteri Jenerel bilong PNGSF, Sir John Dawanicura i tok wanpela bikpela samting ol i lukim long dispela bung em pasin bilong wokbung.

"Ol lain i kamap long dispela bung i tok wokbung namel long ol spots ogenaisesen na ol arapela bai helpim gut tru long daunim hevi bilong sik AIDS," Sir John i tok dispela wik Tunde.

PNGSF bai statim namba wan bung bilong ol wantaim ol spotsmanmeri husat bai go long Pasifik gems long Samoa dispela yia.

Dispela bung bilong toktok long ol long HIV/AIDS bai kamap long Pot Mosbi dispela Sarere long Pot Mosbi intanesenel skul.

"Mipela bai surukim dispela ol skul klia i go long ol refri na kosa bilong wanwan spot tu," Sir John i tok.

SPOT RAUN wantaim



SCOTT VAVINE

Komyuniti spots wokbung wantaim ol arapela komyuniti ejensi

Spots i mas gat gutpela wokbung wantaim ol arapela ejensi insait long komyuniti sapos em i laik helpim long developmen bilong komyuniti.

Ol arapela komyuniti ejensi olsem ol sios grup, skul, grup bilong ol meri na ol yut i stap strong tru insait long komyuniti.

Han bilong ol inapim olgeta hap insait long komyuniti, ol i stap long taim insait long komyuniti na wok bilong ol i strong tru insait long komyuniti.

Wanpela bilong ol dispela ejensi husat i sanap strong tru na i gat planti sapot insait long komyuniti em ol sios grup.

Ol i no mekim wok bilong God tasol, ol i save mekim ol sosel wok wantaim ol manmeri tu olsem helt, edukesen, agrikalsa na spots.

Lokel komyuniti spots i mas taim long wokbung wantaim kain grup olsem ol sios na helpim ol spotsmanmeri long save long as tru bilong pilai spots.

Bikpela samting ol spots manmeri na ol yangpela i mas save em olsem ol i mas pilai spots wantaim gutpela tingting na pasin.

Taim ol i stap long fil o taim ol i stap autsait long fil, ol pilaia na ofisol i mas soim gutpela na stretpela pasin olgeta taim na i noken mekim ol samting we bai bagarapim nem bilong ol na femili bilong ol.

Kain lain olsem ol sios pasto i mas go pas long tok klia long ol manmeri long komyuniti long soim stretpela pasin insait long komyuniti bilong ol.

Spots i save kamapim wanpela ples we olgeta manmeri save bung na ol komyuniti ejensi mas yusim dispela sans long go pas long soim ol yangpela long gutpela na stretpela laip.

Sampela samting ol i ken mekim em long mekim sampela lo bilong ol spotsmanmeri, ol pilaia na ofisol wantaim long komyuniti long bihainim. Ol wokman bilong sios i ken autim tok bilong God olgeta taim wanpela spots i laik kamap.

Lahanis gat moa rum long strongim gem: Kosa

James Kila i raitim

BINTAGOR Goroka Lahanis kosa, Peter Danga i tok ol i gat sampela moa rum i stap yet long strongim tim insait long SP kap resis.

Danga i tokim Wantok Niuspepa long Goroka olsem em i amamas long tupela gem ol i pilai pinis tasol i gat sampela eria long sait bilong difens na atek i stap yet we ol i mas stretim.

Lahanis long dispela Sande bai bungim Brian Bell Bulldogs long Sir Danny Leahy ovul long Goroka yet.

Tupela tim wantaim i winim las tupela gem bilong ol na paia bai lait stret taim tupela i bung dispela Sande.

Lahanis i opim SP kap resis bilong ol long dispela yia taim ol i kisim balus i go long Is Nu Briten Provins we ol i kilim paia bilong Argmark Gurias 28-18 long Kokopo.

Ol i bin mekim histri bilong wanem Lahanis i no save winim Guria liklik long Kokopo na dispela em i namba wan taim stret.

Long namba tu gem bilong ol las wik ol i wilwilim LBC Bombers 32-10.

Bulldogs tu i win tupela gem bilong ol, agensim Muruks long raun wan ol i win 19-12 na las wik ol i stopim Pagini Warriors 28-12.

Gem bilong Lahanis na Bulldogs bai lukim husat i holim ples bilong en long antap bihain long tripela raun na husat bai go daun.

Bulldogs i gat planti gutpela pilaia husat i save long pilai long taim bilong presa na kosa bilong ol Chris Enara bai yusim ol long traim daunim strong bilong Lahanis.

Wankain tu, ol Lahanis i gat strongpela pilaia olsem kepton Nigel Hukula, Nicko Slain, Paulus Mondo, Sigfred Gande na huka Dinima Kerenga long lukautim ol fowet bilong ol.

Ol beklain i gat ol pilaia olsem senta Garnet Auwo, Anton Kuina, winga Alphonse "Utai" Pakil, George Aba na ful bek Jeffrey Mause we Danga bai traim yusim long daunim ol mangi Mosbi.

Soka bilong gutpela sindaun



WANBEL STAP: Ol pilaia bilong Vanuatu na New Caledonia i holim han na ron wantaim bihain long laspela gem bilong ol long soim wanbel pasin.

Andrew Molen i raitim

BIKPELA astingting bilong soka long Pasifik na long wol em long kamapim na strongim bel isi na gutpela sidaun.

Embasesa bilong Frans (France) Patrick Boursin i tok dispela las wik long Mosbi taim em i tokaut long sapot bilong Frans gavman long soka developmen long Osenia rijen.

"Soka i gat wok insait long komyuniti olsem na mipela i bung long hia tete," Boursin i tok.

Embasesa Boursin i bin bung wantaim OFC Presiden Reynald Temarii, PNGFA Presiden David Chung na man i makim FIFA

na tu bipo Frans soka pilaia, Christine Karambeu.

"I nogat samting i gutpela moa long lukim ol yangpela manmeri bilong Pasifik i kam bung wantaim bilong wanem ol bai lukautim Pasifik long bihain taim," Boursin i tok.

Las wik tu i bin namba wan taim bilong anda -12 festival ov futbol (Festival of Football) i kamap long PNG na Temarii tok dispela tonamen bai kam long PNG bihain long olgeta tupela yia.

"Dispela bai helpim long developim soka long PNG," Temarii tok.

Dispela em i namba tu yia bilong dispela tonamen i kamap insait long Osenia na tim i win

bai go pilai agensim ol arapela anda 12 tim bilong Yurop (Europe) long Danone, Frans.

Temarii tok amamas long Chung long wok bilong em long kisim dispela tonamen i kam long PNG.

"Mipela i kamap long hia bilong wanem presiden bilong yupela i mekim gutpela wok na tu ol tisa bilong ol skul husat i helpim long promotim soka long hia," Temarii tok.

"Wina em i no nambawan tim long tonamen, wina em manki husat i gat bikpela lewa, manki husat i save harim tok bilong mama papa...mangi husat i amamas long pilai na i amamas long kantri bilong em," em i tok.

Bai nogat moa kikboksing tonamen

PAPUA Niugini Kikboksing Asosiesen bai no inap kamapim wanpela kikboksing tonamen gen bilong wanem olgeta klab insait long PNG i no baim rejistresen bilong ol.

Dairekta bilong PNGKBA, Stanley Nandex i tokaut long dispela las wik long Pot Mosbi long ol paitman bilong em.

"Ol klab i no baim rejistresen bilong ol inap 3 o 4-pela yia nau olsem na bai nogat wanpela tonamen long PNG inap olgeta i rejista," em i tok.

Nandex i tok sapos ol klab i laik gat ol tonamen orait ol i mas rejista

nogat bai em i lukluk long ol profesenol paitman tasol.

Em i tok rejistresen fi bilong ol nupela memba em K50 na olpela memba em K30 bilong wanpela yia.

"Dispela mani em mipela i save baim i go long Wol Kikboksing Asosiesen (WKA) na em i no wankain long trening fi na ol arapela fi bilong wanwan klab.

"Yupela i mas baim dispela fi," Nandex i tok.

Nau yet Nandex i wok long redi long wol taitol pait bilong em long Turkey na tu bai em i kisim 4-pela sinia kikboksia i go long Australia long pait.

LAE
BISCUIT CO.



WANTOK

SPOTS

LAE
BISCUIT CO.



Isu 1709

Wan wik: Fonde Epril 26-Me 2, 2007

INSAIT

Spots i gat
bikpela wok
long sik AIDS.

Pes 27

Broncos
makim tim
long bungim
Melbourne.

Pes 27

Dogs gat wok

...Ol i statim gut sisen tasol
longpela rot i stap yet

KISIM FIL: Ol
Bulldogs i ron i go
insait long fil long
Mosbi long raun
wan gem bilong ol
wantaim M&J
Muruks.



POTO: ANDREW MOLEN

BRIAN Bell Bulldogs
kepten, Thomas
Ninkama i no giman
taim em i tok ol i gat
wok long dispela sisen
bilong SP kap.

Ninkama i tok bihain
long raun wan win bilong
ol agensim M&J
Muruks olsem ol i putim
wanpela tingting long
kisim dispela trofi kam
bek long Mosbi na nau
yet ol i ron gut tru insait
long kompetisen.

Em i tupela raun tasol
bilong kompetisen na
longpela rot i stap yet

tasol sapos ol i strongim
olgeta gem bilong ol
olsem ol i mekim long
raun wan na tu we ol i
winim, bai dispela inap
mekim driman bilong ol i
kam tru.

Bulldogs i winim 2006
primia, Muruks 19-12
long Mosbi na las wik
Sande ol i givim Pagini
Warriors 26-10 long
Mosbi gen.

Dispela Sande bai ol i
bungim Bintagor
Lahanis long Goroka na
salens i stap long ol long
kamapim wankain gem

we i givim ol win pinis.

Bulldogs nau i stap
namba wan long poin
leda na Lahania i stap
namba 4.

Ol pilai olsem Aaron
Mulunga, Benjamin
John na Jessie Joe i
stap long gutpela
fom na inap long karim
tim tasol ol i mas was
gut bilong wanem
Lahanis i no save givim
sans taim ol i pilai long
asples bilong ol.

...Lukim stori bilong
Lahanis long pes 27.

Brian Bell & Co. Limited
Shop with a friend
SPORTS

- HOME CENTRE CITY, GORDONS 325 8469
- PLAZA, BOROKO 325 5411
- KOKOPO 982 9027
- MT HAGEN 542 1999
- MADANG 852 1899
- GOROKA 732 1622
- LAE HOMECENTRE CITY 472 3200



FOR THE LARGEST RANGE OF GENUINE BRAND SPORTING EQUIPMENT IN PAPUA NEW GUINEA.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.